

МАТЬВЕЙ СЕРТИ
БУР ЮЁР

МАТЬВЕЙ СЕРТИ
БУР ЮӨР

МАТЬВЕЙ СЕРТИ
БУР ЮӨР

БОЛГАР ИДДИСЧИЛ ЕКІМЕНДІК
СЛАСІНКИ - СТАМБУЛ
1880



МАТЬВЕЙ СЕРТИ БУР ЮÖР



Библиа вуджёдан институт
Хельсинки – Стокгольм
1999



МАТЬВЕЙ СЕРТИ БУР ЮӮР

Видлана йёзёдём

Trial edition

Пробное издание

© Библиа вуджёдан институт
Хельсинки – Стокгольм, 1999
© Institute for Bible Translation
Helsinki – Stockholm, 1999

ISBN 952-9790-50-3

ISBN 91-89122-05-4

Gospel of Matthew in Komi-Zyrian language
Евангелие от Матфея на коми-зырянском языке

Лэдзёма Сыктывкарын, 1999
Printed in Syktyvkar, 1999
ISBN 5-7555-0663-9

ВОДЗКЫВ

Дона лыддысысь!

Тэнад киад Матьвей серти бур юёр, Библиа не-
бёгъясысь сійёс лыдьёныджык. 5-7 юрпасъясысь
аддзан "Керёсыв велёдём" – Иисус Кристос велё-
дёмлысь сёмёссо.

Бур юёр – тадзи комиёдома грек кывыйсь еван-
гелльё кыв. Бур юёр тёдмёд миянёс Кристос Иисус-
кёд, сы велёдёмён, сы шензьёданаторъясон, сылон
кувлём-ловзьёмён. Бур юрын гижём лоёмторъ-
ясыс вёлёмаёс Палестин мұын миян кад пуксян
нэмё. Сійё кадколастас тайё муас ыджыдавлёмайыс
Римысь пуктём юралысьяс. Палестинысь еврейяс
зумыда видзлёмайыс ассыныс эскёмнысө. Эскём
подуланыс вёлёма оланподув. Сійёс Ен сетлёма
еврей войтырлы Мөсей юрнуўдысыныс пыр. Зэв
нин важён еврей войтырысь петём юёртысьяс вись-
тавлёмайыс, му вылёр пё воас Енсян мёддём Мез-
дысь. Еврей войтырлён уна чужанвуж виччысыома
сылысь воёмсө. Уна нэм чёж виччом борын Мез-
дысыыс воома – Мездысь Иисус тайё вёлёма. Сійё
воома мездыны быд войтырёс, абу сёмын ев-
рейясөс. Сідзкё Кристос Иисус йыллысь бур юрыс
инмё мувыв быд олысылы.

Матьвей серти бур юёр гижёма миян кад панан
нэмё, 60-80 вояс гёгёр. Ачыс Матьвейыс вёлёма
Исуслён дас кык велёдчысь пиысь ёти. Матьвей

вотъяс чукörtлöма, татшöм вölöма сылён уджыс. Отчыд вот чукортанантыс мунёма Иcус, сiйö корöма Матьвейöс ас бöрсяыс локны. Быдторсö эновтöмён сiйö мöдöма Иcус бöрысь. Сэксянь аслас велöдysсыс Матьвей абу нин торъявлöма. Сiйö пырдыхык ветлöдлöма Иcускöд, тöдchanаджык олан-дыръясас вöвлöма сыкöд орчöн, весиг аддзыивлöма ловзьём Иcусöс.

Кристос войтырысь медводдзаяс висьталöмаöсь, Матьвейыс по гижёма небöгсö еврей кывиён, сэсся нин вуджöдöма грек кывиё. Буретш миянöдз воём грек кывъя гижöдсыс нин кызь нэм чёжнад сэсся вуджöдавлöмаöсь мукöд уна сё кывиё. Онi коми войтыр тшötш вермас лыддыны тайё небöгсö ас кывиён.

Водждыкъя кадö комиöдöм Библиа юкönъясын еврей, грек нимъяс гижлöмаöсь рочö вуджöдöм Библиын моз. Сэнi нимъяссö пасыйвлöмаöсь роч кывлы лöсялана ногён. Онiя комиöдöмын ундыхык нимсö сетöма коми ног. Грек кывъя йöз нимъясысь кындзи вуджöдysсыяс тöд выланыс кутисны еврей нимъяслысь шуан-юрганногнысö.

Библиа вуджöдан институт аттьёалö Матьвей серти бур юёр комиöдysсыясöс, вуджöдöмсö видзöдлëсь-веськöдysсыясöс, комиöдöмсö донъялысыясöс, тайё небöгсö лэдзны быд отсалысыöс.



МАТЬВЕЙ СЕРТИ БУР ЮЁР

1 ЮОРПАС

Исуслён ордпу

¹Исус Кристослён ордпуыс петё Ёврамсянь, Да-
видсянь. Чужанвужыйс татшом:

²Ёврамсянь чужёма Исак, Исаксянь чужёма
Яков, Яковсянь чужёма Юда, чужёмаёсь сылён
вокъяс. ³Юдасянь чужёма Перес, чужёма Зера –
налён мамныс вёлёма Тамар. Перессянь чужёма
Эсром, Эсромсянь чужёма Арам, ⁴Арамсянь чу-
жёма Аминадав, Аминадавсянь чужёма Насон,
Насонсянь чужёма Салмон, ⁵Салмонсянь чужёма
Боваз – сылён мамыс вёлёма Ракав. Бовазсянь

чужёма Овид – сылён мамыс вёлёма Рут. Овидсянь чужёма Есей, ⁶Есейсянь чужёма Давид ёксы*.

Давид ёксысянь чужёма Соломон – сылён мамыс Урий гётыр вёлёма. ⁷Соломонсянь чужёма Ровоам, Ровоамсянь чужёма Авей, Авейсянь чужёма Асап, ⁸Асапсянь чужёма Ёсапат, Ёсапатсянь чужёма Ёрам, Ёрамсянь чужёма Озей, ⁹Озейсянь чужёма Ётам, Ётамсянь чужёма Аказ, Аказсянь чужёма Езекей, ¹⁰Езекейсянь чужёма Манасей, Манасейсянь чужёма Амон, Амонсянь чужёма Есей, ¹¹Есейсянь чужёма Яким, Якимсянь чужёма Еконей, чужёмаёсь сылён вокъяс. Сэки войтырёс вётлёмаёсь Вавилон муё.

¹²Вавилон муё войтырёс вётлём бёрас Еко-нейсянь чужёма Селат, Селатсянь чужёма Зоровавель, ¹³Зоровавельсянь чужёма Авиуд, Авиудсянь чужёма Элляким, Эллякимсянь чужёма Азор, ¹⁴Азорсянь чужёма Садок, Садоксянь чужёма Яким, Якимсянь чужёма Элиуд, ¹⁵Элиудсянь чужёма Элэазар, Элэазарсянь чужёма Матан, Матансиянь чужёма Яков, ¹⁶Яковсянь чужёма Осип. Сылён Марья гётырыс вайис Исусёс, сылы сэсся Кристос ним пуктісны. ¹⁷Тадзи Ёврамсянь Давид-öдз дзоңынас дас нёль чужанвуж. Вавилон муё вётлыштöдз Давидсянь дас нёль чужанвуж. Вавилон муё вётлёмсянь Кристосöдз бара дас нёль чужанвуж.

* 1:6 ёксы – царь

Исуслён чужём

¹⁸Исус Кристос чужис тадзи: Исаулён Марья ма-
мыс волі ки кутома Ёсипкод. Налён отлаасытёдз-
ныс на тёдмалісны: Марьяыд волём Вежа Ловсянь
съектома. ¹⁹Ёсип волі веськыда олысь морт, сійо
эз көсіы йозёдны Марьяөс, көсийис гусьён ләдзны
сійөс.

²⁰Та йылысь мөвпалігас Ёсип вёталіс Ен анде-
лөс. Анделыс шуис: «Ёсип, Давид пи! Эн пов го-
тырё босытны Марьяөс. Сылём улас сылён Вежа
Ловсянь кагаыс. ²¹Марья ваяс пи, пуктан тә сылы
Исус* ним: сійо мездас ассыыс войтырсо мыжъя-
сыныс*».

²²Быдтор тай артмис сідзи, Енсянь юёртысь пыр
Ыджыдлон* шуомыс мед вемёсö пöрас:

²³ – Ныв съектас, сэсся пи чужтас.

Имануэл ним сылы пуктасны,
нимыс висьталё: миянкод Ен.

²⁴Садымём бёрас Ёсип вёчис Ен андел тшёктём
серти: босытіс Марьяөс ас саяс. ²⁵Эз водлы сійо го-
тыр дінас пи чужтодзыс. Пиыслы Ёсип пуктіс Исус
ним.

* 1:21 Иисус – нимыс артмома Ёшуа еврей нимысь. Еврей
кывыйын сійо вежөртө ”(Ен) Ыджыдным мездас”.

* 1:21 мыж – грех

* 1:22 Ыджыд – Көзянин, Господь

2 ЮРПАС

Асыввылысъ воём тёдысьяс

¹Исус чужис Юдей мұын, Бетлем карын, Ирөд öксы кадö. Регыд Исус чужом мұсти асывывысянь Ерусалим каро воисны тёдысьяс. ²Найо юалісны: «Коні пузчужом еврей öксыыс? Асыввылысъ ми аддзылім сылысъ енәжө качан кодзувсö, воим сылы юрнымös копыртлыны». ³Тайо юёрсö қылёмысъ Ирөд öксы ыzzис, сыкод тшётш ыzzис Ерусалим карыс дзоньнас. ⁴Ирөд ас дінас корис аркирейясös* Гижёдö велёдысьяскöd*, юаліс налысъ: «Коні Кристос-Мездысылы чужнысö колö?» ⁵Найо вочавидзисны: «Юдей мұын, Бетлем карын. Тадзи тай Енсянь юёртысыыс гижис:

⁶ – Тэ, Юдей мұын күйлысъ Бетлем кар, мукод юдей карысъ абу тай ичотджык. Тэ пытшкысъ буретш юрнуöдысъ петас, менсыым Израиль войтырös сійö доръяс».

⁷Тёдысьясös ас дінас гусьён коромён Ирөд налысъ юаліс кодзув петан кадсö. ⁸Сесся сійö Бетлем каро найос мёдёдіс кесийöллөмён: «Ветлой, кага

* 2:4 аркирей – ыджыд поп

* 2:4 Гижёдö велёдысьяс воліны бура велёдом еврейяс. Вежа гижёдсö найо волі сюся гёгөрвоöдёны.

йығысын быдсөн төдмалой. Кагасо аддзём бёрын юортой меным, ме тшотш вола, сылы юрёс копыртла». ⁹Төдисъяс вёчисны ёксы ног, петисны туйё. Сэки налён асыввылысь аддзылём кодзулыс водзвыланыс кутіс мунны. Кага чужанін весътодз воём бёрын сійё сувтіс. ¹⁰Кодзувсö аддзомыс локтысьяслысь съёлёмсö ёна кыпёдіс. ¹¹Керкао пырём бёрын найё аддзисны кагаоц, сылысь Марья мамсö. Пидзёс выланыс найё юрнысö копыртлісны Иусуслы. Та бёрын перъялісны вайём дона козинъяс: зарни, ладан, смирна.

¹²Узиганыс Ен ёлдіс төдисъясос Ирёд дорё бёр муномысь, та вёсна найё мёд туйёд ас муаныс мёдісны.

Египет мүё пышайом

¹³Төдисъяс муном бёрын Енлысъ анделсö Осип вёталіс, сійё шуис: «Чеччи, кагато мамыскöд пышайёд татысь Египет мүё. Менам тшоктытодз сэні ов. Ирёд корсо кагато, вины сійос кёсйё».

¹⁴Осип садымис, босытіс кагасо мамыскöд, войнас пырысъ-пыр Египет муд муніс. ¹⁵Сэні сійё Ирёд күвтодз оліс. Енсянь юортысылён «Египет мұысъ ме пиос кори» шуомыс вемёсö пёрис.

Нёньпом пиянös виалöм

¹⁶Ирёд тёдмаліс тёдысьяслысь ылётлёмсö, ёна таысь скёрмис. Шыпуртаясöс* мёдёдіс, тшёктіс налы Бетлем карысь, сы гёгөрсъыс кык арёсысь ичётджык быд пиёс вины. Мёд ногён кё, тёдысьяс юортан кадö чужомаясысь быдёнös. ¹⁷Сідзи Еремей юортысь пыр шуёмыс артмис:

¹⁸ – Рам карсянь ырзём-бёрдом кылö.

Ракель ассыс пиянсö бёрдёдö,
оз вермы бёрдёмсыс лёньнысö,
оз нин сэсся найös сійö аддзы.

Египет мұуысь бёр воём

¹⁹Ирёд кулём бёрын Египет мұын Ёсиплы вётö уси Ен андел. ²⁰Сійö шуис: «Чеччи, босыт кагатö мамыскöд, бёр лок Израиль мүö. Кагатö вины кёс-йысыыс абу нин ловъя».

²¹Ёсип чеччис, кагасö мамыскöд босытёмён туйö петіс бёр Израиль мүö. ²²Ёсип кывліс, Ирёд кулём бёрын Юдей мұын по веськёдлö сылён Аркелай пиыс. Ёсип повзис сэтчö муномысь. Вётон сылы Енсянь воис тшёктöм мунны Галилей мүö. ²³Сэтчö воём бёрын Ёсип овмёдчис Назарет карö. Енсянь

* 2:16 шыпурта (mort) – воин, солдат

юёртысьяс пыр «Назаретын олысъ ним сылы се-
тасны» шуёмыс вемёсö пöрис.

3 ЮРПАС

Пыртысь Иван

¹Сiйö кадö локтö Пыртысь Иван, Юдей овтöми-
нын ²юёртö: «Кежой мыжъяса олан туйысь! Ма-
тын нин Ен ыджыдалöмыс*!» ³Буретш Иван йы-
лысь тай висьтавлöма Енсянь Есай юёртысь:

– Овтöминын гора чуксалöм кылö:
«Миян ыджыднымлы туйсö лöсöдöй,
сылысь ордымъяссö веськöдöй».

⁴Иваныс новлöма верблюд гёнысь кыём пась-
кём*. Сiйö новлöма кучик тасма, сёйлöма чиркъ-
ясоc да видзвыv ма. ⁵Сы дорö волывлïсны Ерусалим
карьысъ, Юдей мусысъ, Йордан ю дорысь олысъясыс.
⁶Ассыныс мыжъяснысö висьтавлöм бёрын Иван
пырталiс воысь йозёс Йордан юö.

⁷Иван дорö пыртöм могысь уна парисей, сад-
дукеj тшётш волiс. Найöс аддзöм бёрын Иван налы-
шуис:

* 3:2 Ен ыджыдалöм – Царство Бога

* 3:4 чорыц, абу лючки новлан паськём

«Змей улын чужысьяс! Коді велёдіс тіянös пышыны локтан водзös мынтöмысь? ⁸Удж-олёмныд пыр петкёдлой мыжа туйсыныд кежёмнытö. ⁹“Миян айным* – Ёврам” шуанныд. Тайё кывъястö дольённыд тіянлы оз отсав. Висьтала тіянлы: тайё из чукёрсыыс Ен вермö вöчны Ёврамлы ныв-писö. ¹⁰Черыс пу вужъяс дорын нин куйлö. Бур вотöс вайтöм быд пу кералöны, биö шыблалöны.

¹¹Ме бöрын локтысыыс ме дорысъ вынаджык, сылысь кёмкотсö нуны ме ог туй. Мыжа туйсыныд кежём мыстиныд ме весала-пырта тай тіянös ваö. Ме бöрын локтысыыс весалас-пыртас тіянös Вежа Полö, биö. ¹²Сы киын тölöдchan зыр, весалас сийё ассыыс гумласö: шобдисö чукörtас йörtödö, кыдсö куслытöм биын сотас».

Исусös пыртöм

¹³Сэки Иисус локтö Галилей мусянь Йörдан ю дорö, Иван мед пыртас сийös. ¹⁴Водзассö Иван öлöдис сийös: «Тэ локтан ме ордö? Тэныд колё менösö пыртны!» ¹⁵Иисус вочавидзис: «Лэдз онi, миянлы колё быдтор вöчны дзик тадзи, веськыда». Сэк Иван сувтис та дор.

¹⁶Пыртöм мыстиыыс Иисус дзик пыр васьыс петис. Сэки енэжкыс воссис, сийё аддзис Енлыс Ловсö.

* 3:9 ай – бать

Лолыс гулю моз ләччис енәжкысъ сы вылö. ¹⁷ Енәж-
сянь кыліс гор: «Тайё менам муса пиой, сійё олан
гажой менам».

4 ЮРПАС

Исус овтёминын

¹ Та бёрын Лов нүөдіс Иисусоң овтёминө, Омольыс мед сәні сійөс донъялас-видлас. ² Нелямын лун-вой видзалом бёрын Иисус ёна тшыгъяліс. ³ Сәки сы дінө воис ыштöдись, шуис: «Тә кө Ен Пи, пört тайё изъяссö тупöсъясö». ⁴ Иисус вочавидзис: «Гижöдыс висьталö: ”Мортыдлы овнысö оз күш нянь ков, сылы Енсянь шуём быд кыв колö”».

⁵ Сэсся Омоль вайёдіс Иисусоң вежа карö, катодіс вежа керка* вевт вылö, ⁶ шуис сылы: «Ен Пи кө тә, чеччишт муас. Гижöдыс тай висьталö: ”Енмыс аслас анделъясыслы тшöктас – кыясны тэнö киясна-ныс, видзасны тэнö изйö доймöмысь”». ⁷ Иисус сылы воча шуис: «Гижöма сәні тшötш: ”Аслад Ен Ыдж-ыдыдлысъ вынсö ковтöг эн видлав!”»

⁸ Омоль бара вайёдіс сійөс зэв джуджыд керöсö, петкёдліс сылы таладор юғыдсыыс став мұяссö, налысъ мичлун-озырлунсö. ⁹ Та бёрын Иисуслы шуö:

* 4:5 вежа керка – храм (в Иерусалиме)

«Копыртлан кё меным юртö мүöдзыс, сэк дzonьнас тайös тэныд сета». ¹⁰Исус шуис сылы: «Вешый мөднись, Омоль! Гижöдыс тай висъталö: "Аслад Ен Ыджыдылды юртö копырт, сылы öтнаслы кесьяв*!"»

¹¹Сэки Омоль эновтіс Исусöс. Дзик пыр воисны анделъяс, отсалісны Исуслы.

Исус вуджö Галилей мую

¹²Иванöс дзескыдінö пуксьöдöмсö тöдмалöм мысти Исус муніс Галилей мую. ¹³Назарет карысь сiö муніс Капернаум карö, Галилей ты бердö, сэтчö овмöдчис. Карыс Забулон да Нептали мұясын вölі. ¹⁴Есай юörtтыс пыр висъталöмыс vemöсö пöрис:

¹⁵ – Кывзы, Забулон мую, Нептали мую,
саридз дор туй вылын, Йордан ю сайын мую!
Кывзы, мукöд войтыра Галилей мую!

¹⁶ Пемыдын олысъ войтырыд луньююгыд
аддзис.

Кулан вуджöр улын олысъясылды югыд кыа
петіс.

¹⁷ Тайö кадсянъ Исус пондіс юортны-висъстав-
лыны: «Кежöй мұжъяса олан туйысь! Ен ыджыда-
лöмыс матын нин!»

* 4:10 кесьявны – служить

Исус корё велёдчысьясöс

¹⁸Галилей ты пёлён мунгён Иисус аддзис кык вокёс: Петыр нима Симонёс, сылысь Ондрей воксо. Кыкнаныс тывъяссö чётталисны тыас, найё ёд чери кыйысьяс волны. ¹⁹Иисус налы шуис: «Локтёй ме бёрысь! Ме тиянысь вёча морт лов кыйысьясöс». ²⁰Кык вок дзик пыр эновтисны тывъяснысö, мунины сы бёрысь.

²¹Водзё мунгён Иисус аддзис пыжысь мёд кык вокёс: Яковёс да Иванёс Зебедей айныскёд. Найё дzonьталисны тывнысö. Иисус чукостис найёс. ²²Вокъяс дзик пыр айнысö пыжас колисны, Иисус бёрысь мунины.

Иисусöс нимёдёны

²³Иисус ветлёдліс Галилей му пасьтала, велёдаліс еврей вичкоясын*, вис্তавліс Ен ыджыдалём йылысь бур юёрсö, быд пёлёс висьём-вермытёмысь бурдёдаліс йозёс. ²⁴Юёрыс сы йылысь разаліс Сириа му пасьтала. Иисус дорё ваявлісны быд сикас висысьсö-вермытёмсö, пеж лолён кутомаясöс, тёлышысь пыдёсын висысьясöс*, ки-кок вёрзьётём

* 4:23 еврей вичко – синагога

* 4:24 Тёлышысь пыдёсын висьём – тайё висьёмсö важён еврейяс гёгёрвоёдлёмайс тёлышысь вежсян кадён. Тайё кадё висысыыс усялё, сийёс лёкнога гарлё, кусньёдлё.

йёзёс. Быдёнös сійö бурдöдіс. ²⁵Исус бöрысь ветлодлісны Галилей мұысь, Даcакар мұысь, Ерусалим карысь, Юдей мұысь да Йөрдан ю сайысь зэв уна йёз.

5 ЮРПАС

Керёсыв велёдом

¹Ас гöгöрсыыс уна йёзёс аддзём бöрын Исус кайис керöсö. Сійöс кытшалісны велёдчысьяс. Исус пуксьёмён ²пондіс велёдны:

Шуд йылысь

³«Корысялан лола войтыр шудаöсъ:

Ен ыджыдаланінсо дасътöма налы.

⁴Шогалысьяс шудаöсъ:

Ен найöс шогсыыс пальöдас.

⁵Рамъяс шудаöсъ:

налы вуджас кöсийсöм мұыс.

⁶Веськыдсö сёян-юан моз азыма корсысьяс

шудаöсъ:

найö пötасны.

⁷Бур сьёлёмаяс шудаöсъ:

Ен вöчас налы бур сьёлёмсянь.

⁸Состöм сьёлёмаяс шудаöсъ:

найё Енмёс аддзасны.

⁹Йөзёс бурёдысьяс шудаёсь:

Ен найёс ас пиянё пуктас.

¹⁰Веськыда олём вёсна дзескёдём-вётлёмаяс

шудаёсь:

Ен ыджыдаланінсö дасытёма налы.

¹¹Ме понда тіянёс вётлігён, лёкодігён, пеж кывъясён омольтігён ті шудаёсь. ¹²Съоломтö кыпёдой, ловтö гажёдой: вылö донъяласны тіянёс енэжын. Тадзи тшотш дзескёдлісны тіянысь водзджык олысь Енсянь юортисьясöс».

Сов да югыд

¹³«Муюгыдыслы* ті сов пыдди. Воштас кё солыс видзан вынсö, кызд нö сійёс бёр бергёдан? Сійö сэки оз ков, сійёс коялёны ортсö.

¹⁴Йозыслы ті югыдыс. Керёсын сулалан кар саявны оз вермы. ¹⁵Озтöм бисö оз пуктывлыны гырнич улö, мёдарö – сійёс пуктöны бикок вылö. Сэки биыс югдёдö керкаын быдёнлы. ¹⁶Сы моз тшотш тіян югорныд мед югзяс йёзлы, мед найё аддзасны тіяnlысь бур вёчомнытö, мед ошкасны енэжывив Айнытö».

* 5:13 муюгыд – мир, вселенная

Оланподув йылысь

¹⁷«Ті ног, ме вои торкны оланподувсö* да Енсянь юёртысьяссö? Энö мёвпалöй тадзи. Эг торкём могось во, вои вемёсö пörtны быдторсö. ¹⁸Веськыда тіянлы висътала: енэж-му быртöдзыс оланподулысь весиг öти ичёт шыпас, чуттор оз вош. Быдтор вемёсö пöрас! ¹⁹Тайö тшöктöмъясысь весиг öти ичёттор торкысьсö, мукöд йöзös таö велöдысьсö Ен ыджыдаланiнын тöдчытöмысь-тöдчытöмö пуктасны. Мёдарö, оланподувсö видзысьös, йöзös таö велöдысьös Ен ыджыдаланiнын ыджыд мортö пуктасны. ²⁰Висътала тай тіянлы: Ен тшöктöмъяссö вöчöй Гижöдö велöдысьясысь, парисейясысь бурджақа. Татöг Ен ыджыдаланiнö онö веськалой».

Лёглун йылысь

²¹«Тöданныд тi важён олысь йöзлы шуёмасö: ”Эн ви!” ”Быд мортвиысьös мыждасны”. ²²Ме бара висътала тіянлы: вокыс вылö быд лёгальысьös мыждасны. Аслас вокыслы* ”туйтöм-шогмытöм” шуысьös вылыс öксьöм мыждас. Вокыслы ”йöй” шуысьыс куслытöм биö веськалас.

* 5:17 оланподув – закон

* 5:17 Оланподув да Енсянь юёртысьяс – тайö Мёсей оланподув да Енсянь юёртысьяслён небöгъяс, Важ йитöдысь кык ыджыд юкён.

* 5:22 вок – тэкöд öтиторий эскысы морт.

²³Сетантортö вайигад Енлы козыналанiн дорын кö казытан вокыдлысъ ас вылад лёгаломсö, ²⁴сэки сэтчö козинтö коль, мун водзджык вок дорад, бурась сыкёд. Сэсся сёмын козинтö сетны лок.

²⁵Тэкöд вензысь мортыскöд буrasesь мыждысь дорö вотöдзныд. Он кö тадзи вöч, сiйö сетас тэнö мыждысылы, мыждысь сетас тэнö видзысылы, сэсся тэнö йörtасны дзескыдiнö. ²⁶Веськыда шуа тэныд: бörяя сьомтö сеттöдзыд сэтысь он пет».

Гöтырöс эновтöм йылышы

²⁷«Тi тöданныд ”Гозъякост олёмтö эн торк!” тшöктöм. ²⁸Ме бара висьтала тiянлы: ань вылö сiйöс мусукавны кöсийёмён видзёдысыыс ас сьёлёмын гозъякостсö торкис нин. ²⁹Веськыд синмыд кö тэнö ыштöдö, перый синтö, кок улад шыбит. Син пöвтöгыд кö колян – таись тэныд бурджык, ачыд öд дзонынад куслытöм биö он веськав. ³⁰Веськыд киыд кö ыштöдö тэнö, сiйöс керышт, ас дiңсыыд шыбит! Воштан кö ассыыд ки пöвтö – таись тэныд бурджык. Сэки став вир-яйнад куслытöм биö он веськав.

³¹Шулёма вölі нöшта: ”Гöтырсö эновтысысылы колö сетны анылы ториёдчан гижöд”. ³²Ме тай тiянлы висьтала: айморткöд кö гöтырыс ассыыс верöссö эз пöриёдлы, сэтшöм верöссыс ыстö гöтырсö гозъякост олём торкавны. Эновтöм нин аньös гöтырö босьтысыыс тшötш торкö гозъякост олёмсö».

Кыв сетём йылыш

³³«Тёданныйд ті важён овлём йўзлы татшом шуом: ”Сетём кывтö эн вудж! Ен водзын сетём кывтö кут!” ³⁴Висътала тай тіянлы: Кыв сettöгыд ов! Енэж водзын кыв эн сет – сийö Ен пукаланiныс. ³⁵Му водзын кыв эн сет – сийö Енлён кокулыш. Ерусалим кар водзын тшётш кыв эн сет – тайö ыджыд ёксылён кар. ³⁶Ас юр водзад кывтö тшётш эн сет: тэ он вермы весиг öти юрси пёртны еджыдö, сьёдö. ³⁷Мед тіян кывыйд лоас зумыд, шуой: ”сiдз”, шуой: ”ог”. Содтöдыс та дорö – омольсянь нин».

Водзёс мынтём йылыш

³⁸«Тi кывлiнныд ”Син пыдди син, пинь пыдди пинь” шуом. ³⁹Ме тай висътала тіянлы: лёк вöчысьлы паныд эн мун. Веськыд бандад кё кучкыштасны*, лöсöд шуйгатö. ⁴⁰Мыжалö кё тэнö кодкö дörömtö босьтöм могысь, сет сылы тшётш вылыс паськёмтö. ⁴¹Тшöктö кё кодкö мунны сыкöд öти верст, мун сыкöд кыкöс. ⁴²Тэнсыд корысь мортлы сет, уджийз тэнсыд босьтысътö эн вöтлы».

* 5:39 Бандзибö кучкыштöм еврейяслён вöлёма мортös чорыда дойдöм-уськёдöмён.

Муслун йылысь

⁴³«Ті кывлінның татшом шуём: ”Матыс мортөс мусмөд, ассыыд лёквöчысъстö мустöмт”. ⁴⁴Ме тай висьтала тіянлы: Мусмөдой ассының лёквöчысъясъстыö, бурсиöй тіянöс ёрысъясныdlы, бур вöчой тіянöс мустöмтысъясныdlы, Енлы кевмой тіянöс дзерöдysъяс-дзескöдysъяс вöсна. ⁴⁵Сэки лоанның енэжывыв Айныdlы пиян. Сийö тай тшöктö аслас шондилы петны бур йöз весьтö, петны бара лёк йöз весьтö. Сийö ыстö зэрсö весъкыда олысъяслы, ыстö сийöс лёк ног олысъяслы. ⁴⁶Сибöданның кö ас дораның сöмын тіянöс сибöдysъясöс, кутшом сэки тіянлы донның? Оз öмöй тшöтш тайöс вöчны вот перыйсъяс*? ⁴⁷Ті кö видзааланның сöмын вокъяснытö, мый торъяланасö сэки керанның? Оз öмöй тшöтш тайöс вöчны Ентöг олысъяс? ⁴⁸Енэжывыв Айның быдладорсянь бур! Сы моз олöй!»



* 5:46 Вот перыйсъяс Римысь öксылы чукöртисны вот. Ассыныс зепнысö тыртöм могысь найö коланаысь унджык перыйлісны вотсö.

6 ЮРПАС

Отсөг йылысь

¹«Бур вöчöмнитöй юз водзын энö петкöдлöй. Тадзи вöчöмсыныд енэжывыв Айныд тïяnlы донсöоз сет.

²Корысьялы сетiгад эн горзы та йылысь юзлы. Тадзи керёны кык бана шаньгаяс вичкоясын, юзаинъясын, юзсянь ошкöм виччысöёны. Веськыда висьтала тïяnlы: ассыныс доннысö найö босытисны нин. ³Корысьлы отсалiгад веськыд киыд мед оз тöд шуйга киыдлысь вöчöмторсö. ⁴Тэнсыид бур вöчöмтö мед мукöдыс оз тöдны. Тэнсыид гуся керöмтö тöдлысь Айыд сетас тэнсыид дон».

Кевмöм йылысь

⁵«Энö кевмöй кык бана шаньгаяс моз. Найö тай вичкоясын, туй вежъясын сулалöмён кевмöны ассынысö петкöдлöм могысь. Налы сьёлём выланыс воö тайö. Веськыда тïяnlы висьтала: найö босытисны нин доннысö. ⁶Кевмынитö аслыид вежöсад пыр, öдзöстö пöдлав. Кевмы аслад тыдavтöм Айыдлы. Ас кежсыид кевмöмтö Айыд казялас. Сiёу сетас донтö.

⁷Кевмиганыд Ентöг олысьяс моз вывтi эн сёрни-тöй. Найö тай мёвпалёны, уна кыв шуёмныsla пö

Енмыд кылас найёс. ⁸Энё вöчöй на моз. Тiян kortödзныд на Айныд водзвыв тöдö тiянлысь коланаторнытö. ⁹Тадзитö кевмой:

– Миян енэжвыв Ай!

Мед вежаммас быдёнлы тэнад нимыд.

¹⁰Мед пуксяс тэнад ыджыдалöмыд.

Мед вемёсö пöрас тэнад кöсийомыд
му выланым енэжад моз.

¹¹Сет талун миянлы сёймён нянь.

¹²Ми вештам лёк вöчысьяслыс мыжнысö,
миян моз мыжнымös тэ вешты.

¹³Мезды миянös лёксыыс,
ыштöмыс миянös видз.

Тэнад ыджыдалöмыд-выныд помтöм,
тэнё бурö пуктöмыс куслытöм.
Аминь.

Видзалöм йылысь

¹⁶«Кык бана йöз моз видзалiганд шог чужёмъяс энё вöчöй. Найё öд ветlöны шогалысь чужёмъясон сёмын йöзыслы асынысö петкöдлöм могысь, видзалам пö со. Веськыда висьтала тiянлы: ассыныс тыр донсö найё босытiсны нин. ¹⁷Мöдарö, видзалiгад тэ ассыыд юрситö сынав, чужёмтö мыськы. ¹⁸Сэки йöзыс оз тöдмавны тэнсыд видзалöмтö. Сёмын Айыд аддзылас тайёс. Быд гуся вöчёмторсö аддзысь Айыд сэсся тэныд дон сетас».

Озырлуныс енәжын

¹⁹«Энё чёжой аслыныд озырлуннытö му вылын! Воз-сім сійös сейö, гусясысьяс керкааныд пыравлёны, гүёны ставсö. ²⁰Мёдарö, аслыныд озырлуннытö чёжой енәжын. Сэнi воз-сім сійös оз сей, гусясысьяс керкааныд оз пырны, оз гуны. ²¹Тэнад съёлёмыд озырлуныдкöд пыр ётлаын кольё».

Югыд-ö, пемыд-ö?

²²«Синмыд – вир-яйыдлы югыдсö сетысыс. Синмыд кё сөстöм, вир-яйыд дзоньнас югыд. ²³Синмыд кё скёр, вир-яйыд дзоньнас кольё пемыдын. Югыдыс кё тэ пытшкын пемыд, кутшöм нö сэки ачыс пемыдыс?»

Енлы-ö, озырлуны-ö кесъявны?

²⁴«Кык ыджыдлы* морт кесъявны оз вермы! Отиös сэки мустöмтас, мёдös съёлём дорас сибöдас, отисö матыстас, мёдсö отдортас. Озырлуны кесъяліганыд Енлы кесъявны тi онö вермой.

²⁵Та понда шуа тiянлы: энё шогалой кынёмпötнитö перйöм вöсна, пасъкённыд вöсна. Абу öмой олёмныд сёян-юансыныд, вир-яйтö тупкан

* 6:24 ыджыд – кöзяин, господин

пасъёмсыныд тёдчанаджык? ²⁶Ләбачъяссянь велалой: найё оз көдзны, оз вундыны, оз чукортны койдышссо йортодъясо. Найёс енэжвыв Айныд вердö. Абу ёмёй тi донаджыкось наысь? ²⁷Вермас-оз тiян пиысь кодкё аслас зiльёмён-тöждöн нюжöдыштын олан нэмтö?»

Шог йыллысъ

²⁸«Мыйла шогаланныд пасъём понда? Видзвыв дзоридзъяссянь велалой: найё быдмёны печкытöг-уджавтöг. ²⁹Висьтала тай тiянлы: аслас Соломон öксылён, став озырлун дырыйыс, весиг öти татшöм дзоридзысь мичаджык пасъём эз вöв. ³⁰Енмыс тадзи пасьтöдö талун быдмысь, аски быын сотан турунсö. Омоля эссысьясöй, тiянöс од сiё пасьтöдöджык!

³¹Та вöсна эн дольой шогпырысь: "Мый сёям?", "Мый юам?", "Мый пасьталам?" ³²Ентöг олысьясöс сёмын тайё майшöдлö. Тiян енэжвыв Айныд од тöдö тiянлысь быд тайё коланторнытö. ³³Водзсянныыс корсёй Енлысь ыджыдалёмсö, сылысь веськыдсö. Сэки на пиысь быдтор тiянлы тшётш вичмас.

³⁴Энё шогалой аскиа лун вöсна, аскиаыс асьсö ачыс могмёдас. Быд лунлы аслас тöждыс тырмымён».

Мукёдёс мыждём йылыш

¹«Мукёдёс энё мыждёй, сэки тіянёс оз мыждыны. ²Од тіян мыждомныд ас выланыд бёр воас. Йөзёс донъялём сертиныд тіянёс асьнытö донъяласны. ³Кыдзи тэ верман аддзыны вокыд синмысъ ёгтор, аслад синсыыд кертö он казяв-а? ⁴Кыдзи вокыдлы верман шуны: ”Перъя вай синсыыд ёгтортö”? Видзёдлы со: аслад синмад тай кер! ⁵Кык бана шаньга! Водзджык синсыыд перый кертö. Сэки сёмын верман перыйны вок синсыыд ёгторсö.

⁶Понъяслы вежаторъяс энё сеталёй. Порсъяслы кок уланыс дона изъяснытö энё коялёт. Вöчанныд кё тадзи, öтиясыс бергöдчесны, косявласны тіянёс, мёдъясыс ставсö таляласны.

⁷Корёй – тіянлы сетасны. Корсьой – аддзанныд. Игöдчой – тіянлы восътасны. ⁸Быд корысылы сетёны, быд корсысь аздзё, быд игöдчысылы восътасны. ⁹⁻¹⁰Пиыс айыслысъ корас нянь, сетас-ö мёдыс из? Сэсся корас чери, сетас-ö айыс змейös? Эмёсьабу тіян пёвстын татшом ай кодьёмъясыс? ¹¹Ти верманныд сетны ас ныв-пиньыдлы бур козинъяс, асьныд лёкёсъ тай-а. Сэк енэжыв Айныд, дерт, бурсö сетасджык сылышъ корысъясыслы.

¹²Йөзсяң аслының бур вöчöмсö тi тай кöсъян-
ныд. Та вöсна асыныд налы бурсö вöчöй. Таö буретш
велöдöны оланподулыс, Енсяң юörtтысьясыс*.

¹³Векныды öдзöсöд пырой. Паськыд öдзöсис, тö-
рана туйыс кулöмлань нуöны. Унаöн сэтi мунöны.
¹⁴Мöдарö, олöмö нуöдись туйыс-öдзöсис векны-
дöсь. Найös аддзыссыс этша».

Ылög юörtтысьяс

¹⁵«Ылög юörtтысьясыс асынытö видзöй. Найö
тiян дорö локтöны ыжъяс кодьось, пытшкёссяныс
бара вир юыс кöинъяс. ¹⁶Удж сертиныс тöдмалан-
ныд найös. Чукортöны öмöй сутшкасыс лежнöг
увъясыс винатусь*, йöн вылыс инжир? ¹⁷Тадзи
быд бур пу бур тусь-вотöс сетö, лёк пуыс бара лёк
тусь-вотöс вайö. ¹⁸Бур пуыс оз вермы лёк тусь-во-
тöссö вайны, лёк пуыс тшötш оз вермы бур тусь-
вотöссö сетны. ¹⁹Бур тусь-вотöс вайтöм быд пу ке-
равлöны, биö шыблавлöны. ²⁰Тадзи тi тöдмалан-
ныд ылög юörtтысьясöс ваян тусь-вотöс сертиныс.

²¹”Ыджыдöй, Ыджыдöй,” кывъяс меным быд
шуалысыс оз на веськав Ен ыджыдаланiнö. Сэтчö
сöмын пырас менам енэжывив Айлыс кöсиймсö
олöмö пöртысыс. ²²Сiйö луннас меным унаöн шуа-
ласны: ”Ыджыдöй, Ыджыдöй, эгö öмöй тэнад

* 7:12 видзöд 5:17

* 7:16 винатусь – виноград

нимсянь ми юорталой? Эгö öмöй тэнад нимсянь вётлалой йозысь пеж ловъяссö? Эгö öмöй тэнад нимён шензьёданаторъяссö вöчавлой? ²³Сэки ме наалы вочавидза: Эг тöдлы ме тiянöс öнöдз. Муной ме дорысь, лёк йоз!»

Кык керка – кык подув

²⁴«Менсыым кывъяссö кылышыс, на серти сэсся олысыыс – сiйö бур мывкыда, из вылö керка лэптысь морт кодь. ²⁵Чорыда зэрмас, юяс ойдасны, тöвъяс петасны, керкасö кутас пöрдны. Сöмын сylён керкаыс оз пöр, öд из вылö сiйöс лэптöма.

²⁶Менсыым кывъясöс кылышыс кö оз вöч на серти, сiйö вежörtöм, лыа вылö керка лэптысь морт кодь. ²⁷Ёна зэрмас, юяс ойдасны, тöвъяс петасны, керкасö кутас пöрдны. Сiйö вальdas дзикöдз».

²⁸Исуслысь кывъяссö кывзём бöрын йозыс ёна шензисны сylён велöдöмысь. ²⁹Исус велöдiс эз Гижöдö велöдysьяс моз, велöдiс ыджыдавны пуктöм морт моз.



8 ЮРПАС

Кучик сісьтан висьёмысь бурдётём

¹Керёсысь лэччём мысти уна йöz Иcус бёрысь муніс. ²Сы дорё воис кучик сісьтан висьёмён* висьёмысь морт, юрсо муёдз копыртёмён шуис: «**Ы**Іджыдой! Көсъян кё, верман менё бурдётны». ³Иcус инмёдліс сылы кисё, сэсся шуис: «Көсъя, бурд». Висьыслён дойясыс дзик пыр вошисты, сійö бурдіс. ⁴Иcус шуис сылы: «Кызвы, та йылысь мукёдлы эн висьтав. Мун, петкёдлы асystо поплы. Та бёрын сет Мөсей тшёктём серти козин, тадзи тёдмаласны тэнад бурдётм йылысь».

Кесъялысьсо бурдётём

⁵Капернаум карё пыригён Иcус дорё воис сё шыпурта мортлы юралысь, отсавны корис: ⁶«**Ы**Іджыдой, менам кесъялысьой* гортам куйлё, ки-коксо оз вёрзьёд, вывті съёкыда висьё». ⁷Иcус сылы шую: «Ме локта, бурдёда сійёс». ⁸Веськёдлысь воча-видзис: «**Ы**Іджыдой, тэ-ё менам керкаё пыран? Ме та доныс ог суват. Оти тэнад кывыйсь од кесъялысьой пырысь-пыр бурдас. ⁹Ме йöz улын ветла,

* 8:2 Мөсей оланподув серти кучик сісьтан висьёмён висьыслы эз позь овны мукёд йöz пёвстын, эз позь весиг лоны на дінын матын.

* 8:6 кесъялысь – слуга

ачым тшётш шыпуртаяс вылын ыджыдала. Ӧти-
лы ”мун” шуа, сійё мунё. Мёдлы ”лок” тшёкта,
сійё воё. Кесьялысылы ”вöч тайöс” висътала, сійё
ставсö вöчö».

¹⁰Тайö висъталомыс шензьёдіс Иcусöс. Сійё
шуис сыкод мунысьясылы: «Веськыда тіянлы
шуа: татшöм ён эскöмсö ме весиг Израильсь эг
на аддзывлы. ¹¹Висътала тіянлы: уна йöз локтасны
асывывсянь, локтасны рытывывсянь Ен ыджы-
даланінö. Найöс Ӧврамкод, Исаккод, Яковкод пук-
сöдасны öти пызан сайö гажöдчыны. ¹²Мёдарö –
чужёмсянныс ыджыдаланінö веськавны индöм
йöзöс вётласны пемыдö. Сэтысь бёрдöм, пинь йи-
ран шы кылас». ¹³Сэсся веськодлысылы Иcус шу-
ис: «Мун горгад. Мед быдтор артмас тэнад эскöм
сертиыд». Кесьялысыс дзик пыр бурдöма.

Иcус бурдöдалö

¹⁴Иcус воис Петыр ордö, пырис керкаас. Сэтысь
аддзис: Петыр гётырлён мамыс куйлö вölі воль-
пасын, висьё биа висьёмён. ¹⁵Иcус инмёдліс кисö
висъысылы киас, та бöрын биа висьомыс эновтіс
аньöс. Аныс чеччис, пондіс воысьяслы пызан
лöсöдны. ¹⁶Рытнас Иcус дінö вайöдісны пеж лолён
кутöм уна йöзöс. Иcус кыййён вётлаліс пеж ловъ-
яссö йöзысь, быд висъысöс бурдöдіс. ¹⁷Енсянь Есай
юörtтись пыр висъталомыс vemöсö пöрис:

– Миянös нёрпалёмъяссыным сійö мездіс,
миянös висьомъяссыным сійö бурдодіс.

Исускөд муном йылыш

¹⁸Ас гёгрысь уна йозёс казялём бёрын Иисус тшоқтіс велёдчысьясылы вуджны ты мёдлаполо.
¹⁹Гижёдö öти велёдьсіс локтіс сы дінö, шуис: «Велёдьсісöй, ме быдлаö тэ бёрся муна». ²⁰Иисус сылы висьталіс: «Ручьяс-ләбачьяс позъясаныс олёны, Морт Пилы тай шойччаніныс абу».

²¹Иисулён öти велёдчысь корис: «Ыджыдöй, ләдзлы менö, ме ветла айёс дзебны». ²²Иисус воча-видзис: «Лок ме бёрысь, куломаяс мед дзебасны куломаяснысö».

Төвныр лөнъёдом

²³Иисус пуксис пыжö, велёдчысьясыс сы бёрся.
²⁴Виччысътöг ты вылö кыптіс ён төвныр, гыяс куч-калисны пыжö, вавыс сэтчö пырис. Иисус сәки узьö вölі. ²⁵Велёдчысьяс садымёдісны сійöс шуалігтыр: «Ыджыдöй, воям! Мезды миянös!» ²⁶Иисус воча-видзис: «Мыйысь ті татшöма поланныд, этша эс-кысьясöй?» Сэсся Иисус сувтіс, лөнъёдіс төв-гыяссö. Вөвлытöм чöв-лөнъ пуксис сæk. ²⁷Велёдчысьяс шемёсмисны, мёда-мёдныслыс юалісны: «Весигтö гыяссö, весиг төвсö сійö лөнъёдö. Коді нö тайö мортыс?»

Пеж ловъясöс вötлалöм

²⁸Та бёрти Иисус вуджис ты мёдлапёлас, Гадара мүö. Сэні сылы паныд сюри кырта^{*} дзебанінысь^{*} петём кык морт, пеж ловъяс пырёмаöс наö. Лёксыс-лёкөс найö вёліны, быдён поліс тайö туйсö вуджны. ²⁹Найö горёдісны: «Мый тэ миянсянь көсъян, Ен Пи? Локтін-ö индём кадысь водзджык миянлысь ловъяснымös песны?»

³⁰Насянь ылын йирисис уна порсь. ³¹Пеж ловъяс корисны Иисусöс: «Вётлан кё тэ миянёс йёзсыс, сэки пыртöд порсьясö». ³²Сйö налы шуис: «Мунёй!» Йöz пытшкысь петём пеж ловъяс пырисны порсьясö. Дзик-пыр порсьяс ётчукöрөн чечыштісны джуджыд кыр йывсянь, вöйисны ваас.

³³Порсь видзысьяс пышийисны сэтысь, котёртісны карö. Аддзывлöмтор йывсыс, пеж ловъясöс вётлём йылысь найö сэні висьталісны. ³⁴Сэки дзоньнас карыс петис Иисуслы паныд. Сйöс аддзём бёрын йёзыс корисны Иисусöс мунны на мусыс.



* 8:28 кырта – скала

* 8:28 дзебанін – гробница, могила

Ки-кокён вёрёттёмөс бурдётём

¹Исус пыжён вуджис тысё бёр, воис аслас чужан карас. ²Сэні кымынкө морт вайисны сы дорё вольпась вылын куйлысь, ки-коксö вörзьёдны вермытём мортös. Исус аддзис налысь ыджыд эскомнысö, шуис вörзытыг куйлысылы: «Повтöг ов, пиой! Тэнсыд мыжъястö вештöны».

³Гижёдö велёдысьясысь мукёдys вомгорулас шуисны: «Сiйö асьсö Ен пыдди нинpunktö». ⁴Исус казялiс налысь гуся мёвпъяссö, шуис: «Мый понда тi съёлём выланыд лёксö кутанныд? ⁵Мый кокниджык шуны: ”Тэнсыд мыжъястö вештöны”, мёдтор-ö шуны: ”Сувт да мун”? ⁶Тi асьныд аддзанныд: Морт Пи вермö вештыны йёзлысь мыжъяссö му вылын». Сэки шуис виссысылы: «Сувт, вольпасьтö босыт, сэсся гортад мун». ⁷Та бёрын мортыс чеччис, вольпасьсö нуис гортас. ⁸Тайёс ставсö аддзöмысь йёзыс шемёсмымён повзисны, нимодiсны Енмös. Од сiйö сетёма йёзлы та ыджда вынсö.

Матьвейös корём

⁹Сэтысь водзё мунiгас Исус аддзис вот чукёртанiнын пукалысь Матьвей нима мортös, шуис сылы: «Лок ме бёрысь». Мёдys сувтiс, Исус бёрысь мунiс.

¹⁰Бёрынджык Матьвей ордын Иисус сёйё волі. Сэтчо воисны вот перыйсъяс, мукод мыжа йоз. Ставныс найё пукалісны Иискюд, сы велодчысъяс-код оти пызан сайын. ¹¹Тайёс аддзывломаёс парисеяс. Найё шуисны велодчысъяслы: «Кыздзі тіян велодысыныд пукало, сёйё-юё вот перыйсъясыскод, мыжа йозыскод отлаын?» ¹²Тайёс кылём бёрын Иисус налы вочавидзис: «Дзоньвидзаяслы бурдодысь оз ков, висысъяслы сійё коло. ¹³Муной, гёгёрвой татшом кывъяс: "Оз ковны меным тіянсянь козинъясныд, бур съёлөмъясныд колоны". Локті ме бергёдны Енлань мыжа йозёс, эг веськыда олысъяссо».

Видзалом иылысъ юалом

¹⁴Иванлён велодчысъасыс воисны Иисус доро, юалісны: «Ми уна видзalam, парисеяс уна видзалёны. Мыйла тэнад велодчысъасыд оз?» ¹⁵Иисус вочавидзис: «Вермёны ёмой кольсь вылын ёртъасыс верёспукод орчён пукаліг-гажёдчиг гажтё-мавны? Пуксяс на сійё кадыс, колясны найё ве-рёспутёгыс. Сэки видзаласны. ¹⁶Морт оз дём важ паськомсö выль дёраись вундём дёмасён. Тадзисö вылысъ вуромаис ёнджыка на косявлас пась-кёмсö, розыс бара на ыдждас. ¹⁷Оз кисъставны том винасö важмём кучика дозъясо. Татшом ногён кё

вöчан, винаыс сэк киссяс, кучик дозъясыс потасны. Том винасö кисьталöны выль кучикись вурöм дозъясо. Сэки кыкнанторыйс дзоны кольё».

*Нылöс ловзьёдöм, аньлысь вир мунöмсö
дугёдöм*

¹⁸Сы кадö Иcус дорö локтöс öти веськёдлысъ, пидзёс вылас корис: «Менам нылöй кулан выйын. Лок миянö, пуктыв сы вылö ассызд китö. Тысъ сiё ловъя коляс». ¹⁹Иcус чеччис, мунис веськёдлысъ бёрсяыс, на бёрысъ тшётш велёдчысъяс.

²⁰Виччысътöг Иcус дорö мышсяныс сибалис ань, сылён дас кык во чёж нин вирыс сöдзтысис-петис. Сiё кутыштлис Иcуслысъ паськом дорышсö. ²¹Аньыс ас кежсыыс мёвпалис: «Инмёдла кё киёс сы паськомё, бурда». ²²Иcус бергёдчис, аддзис аньёс, шуис сылы: «Повтöг ов, нылöй. Тэнö эскöмыд мездис». Тайё кадсяныс аньыс дзоньвидза олис.

²³Иcус пырис веськёдлысъ керкаё, аддзис гораа бёрдысъ йёзёс да пöлянён ворсысъясöс. ²⁴Шуис налы: «Петёй татысъ ывлАО! Эз кув ныллыс, узьё сiёй». Иcусос сералисны. ²⁵Керкаысъ йёз петём бёрын сiё босытис нылöс киёдис. Мёдис чеччис. ²⁶Та йыллысъ юёрыс разалис сэтчёс му пасьтала.

Кык синтёмös бурдöдöм

²⁷Сэтысь водзё мунігёныс кык синтём морт möдісны Исус бёрысь, горзісны: «Мезды-отсав мианлы, Давид Пи*!» ²⁸Исус пырис керкаö, синтёмъяс мунісны сы дінö. Исус налысь юаліс: «Эсканныд-ö менам отсöгö?» Найö шуисны: «Эскам, Ыджыдöй!» ²⁹Сэки Исус инмöдліс чуньсо налы синманыс, шуис: «Мед артмас тіян эскöм сертиныд». ³⁰Найö пондісны аддзыны. Исус кыкнансö чорыда öлөдіс: «Энö висъставлöй та йылысь». ³¹Керкасыс петöм бёраныс найö пырысътом-пыр висъставлісны Исус йылысь сэтчöс му пасъталыс.

Кыввортöм мортöс бурдöдöм

³²Бурдöдöмъяслён мунöм мысти Исус дорö вайöдісны кыввортöм, пеж лёлён кутöм мортöс. ³³Исус вётліс сы пытшкысь пеж ловсö, мортыс бёр кывъяммис, сёрни шы сетіс. Йöзыс бара шемöсмöмён шуисны, татшöмторыйыс по Израиль муын эз на вёвлы. ³⁴Парисейяс шуисны: «Пеж ловъяслён юралысь сетіс сылы пеж ловъяслён вётлалан вын».

* 9:27 Еврейяс виччысисны: Мездысь локтас Давид öксы котырысь. Та вёсна найö тшöкыда Мездысылы сетлісны Давид Пи ним.

Видзысьтём ыжъяс

³⁵Исус ветліс-кытшлаліс став кар-сиктöд. Сiйö велöдiс йöзöс еврей вичкоясын, Ен ыджыдалöм йылысы бур юёр висьтавлiс, бурдöдалiс йöзöс быдсяма висьом-доймалöмъасысь.

³⁶Унаысь-уна йöзöс аддзылöмысь сы сьёлöмö на вöсна пырис дой: сэтшöм найö вöлiны мудзöсь, эбöстöм-вынтöмöсь, видзысьтём ыжъяс кодьöсь.

³⁷Исус шуис велöдчыссысылы: «Вунданыс уна, вундышсыс тай этша. ³⁸Сiдзкö кевмöй вундан вылын ыджыдлы, мед ыстас аслас вунданiнö уджалысьясöс».

10 ЮРПАС

Дас кык велöдчысъ

¹Исус корис ас дорас дас кыкнан велöдчыссыö, сетiс налы вын вöтлавны пеж ловъясöс, бурдöдавны йöзöс быдсяма висьом-доймалöмъасысь.

²Велöдчыссысылон нимъасыс татшöмöсь: Симон, мёд нимыс Петыр, сэсся сылён Ондрей вокыс, Зебедей Яков, Яковлён Иван вокыс, ³сы бöрын Пилип, Бартолом, Пома, вот перыйыс Матьвей, сэсся Алпей Яков, Леввей, мёд нимыс Падей, ⁴Дорыйыс Симон, нöшта Искарьёт Юда. Бöръяыс сэсся вузалис Исусоц.

⁵Дас кыкнан велёдчысысьё ыстытёдзыс Иисус велёдіс найёс:

«Мүкөд войтыръяслён овмөдём мұясөд ті энö ветлой, Самарей каръясö энö пырой. ⁶Израильын вошом ыжъяс моз олысъ йөз дорö муной. ⁷Юортой: "Ен ыджедаломыс матын нин". ⁸Виссысьясöс бурдодалой, куломаясöс ловзьодой, кучик сисстан висьомысъ йөзөс весалой, йозысъ пеж ловъяссö вётлалой. Дон мынтытöг босыттöнайд, дон босыттöг сетой.

⁹Туйё петиганыд зарни-эзысътö, ыргён сьомтö, ¹⁰нопнытö, вежан пасъкомтö, кёмкот-бедьтö энö босытой. Уджалысыд кынёмпöttöг оз коль.

¹¹Сиктö-карё пыриганыд тёдмалой сэтысъ тұянашогмана мортöс, мунтöдзныд олой сы ордын. ¹²Керкаас пыриганыд видзаалой, висьталой: "Видза оланныд, танi олысъяс!" ¹³Керкаын олысъясыс кё шогмёны, сиомныд пырас сэтчö. Оз кё шогмыны, сэки тіян сиомныд тіянлы бёр воас. ¹⁴Оз кё лэдзны тіянöс керкаё, карё пырны, оз кё кывзыны шоём кывъяснытö, сэки петиганыд коксыныд буссö пыркодой. ¹⁵Висьтала тіянлы: мыждан лунö сийё карын олысъяслы дорысъ Содом-Гомор каръясын олысъяслы кокниджык лоас».

Тіянöс вётласны

¹⁶«Мёдода ме тіянöс кёинъяс пёвстö ыжъясöс моз. Змейяс моз видзысъёмён олой, гулюяс моз наянлунтöг олой.

¹⁷Видзой асынтыöй йöзысъ: найö сеталасны тiянöс мыжавны, асланыс чукörtчанiнъясаныс нöйталаcны тiянöс. ¹⁸Ме вöсна нüöдасны тiянöс веськöдлышысяс дорö, ыджыдалышысяс дорö. Сэнi тi висьтапланныд ме йылысъ налы, мукöд войтырлы тшöтш. ¹⁹Тiянöс вузалiгöн энö полöй кыдзи-мый шуанныд: сiйö кадас тiянлы воасны колана кывъясыс. ²⁰Тöдöй: онö тi сёрнитöй, тiян вомён Айныдлён Лолыс сёрнитас.

²¹Вок ассыыс воксо сетас вины, ай – ассыыс писо, ныв-пи сувтасны ай-мамныслы паныд, вины найöс. ²²Менам ним понда быдён тiянöс ёна мустöмтас. Сьöкыдлунсо помöдз пыкны вермысыыс сöмын мездмас.

²³Öти карысь кё тiянöс вётласны, пышой мёдö. Веськыда висьтала: Израильсь став карсо гёгорттöдзныд на Морт Pi локтас.

²⁴Велöдчысъ велöдысысь, кесьялысъ аслас ыджыдисъ абу вылынджык. ²⁵Велöдчысылы тырмымён велöдысыыс кодьöдз быдмёмыс. Кесьялысылы бара тырмымён ыджыдис кодьöдз быдмёмыс. Керка кутысыслы кё Омоль ним пуктiсны, сылысъ котырсо лёкджыка на нимтасны».

Кодысъ колö повны?

²⁶«Энö сiдзкё полöй тiянöс мустöмтисъисъ: став дзебöмайыс йöзасясъ, быд гусятор йылысъ тöдмаласны. ²⁷Пемыдын месянь кывлёмтортö

висъталой лунъюгыдын. Пельясаныд вашкёдём-тортö висъставлой йөзлы керка вевтъяссянь.²⁸ Мортлысы вир-яйсö вины вермысь, ловсö сылысы бирёднысö вермытöм мортысь тi энö полой. Мортлысы ловсö, сылысы вир-яйсö куслытöм биын бирёдны вермысысь полойджык.²⁹ Оз öмой вузавны кык ичöt пышкайös öти урысь? Пышкайяс пиысь öтиыс весиг тiян Айныд тöдлитьöг му вылö оз усь.³⁰ Тiянлысы быд юрси тай лыддьёма.³¹ Повтöг олой: тiян донныд пышкайяс донысь ыджыдджык!

³²Йөз водзын "Ме тэнад, Иисус" шуан кö, сэки тшötш ме енэжывыв Айöй водзын тэнö ас туйö пукта. ³³Йөз водзын кодi менö отдортас, сiйös ме енэжывыв Ай водзын тшötш отдорта».

Лöнъ олём-ö, тыш-ö?

³⁴«Тiян ногён, локтi-ö ме вайны му вылö лöня олём? Мёдарö – шыпурт* вайи. ³⁵Локтi ме ториёдны мортös аслас айсыыс, нывсö мамсыыс, моньсö энькассыыс. ³⁶Ас котырысь омольджык лёквöчессыыс мортыслы абу.

³⁷Мортыслы кö ас ай-мамыс ме дорысь мусаджык, меным сiйö оз шогмы. Ныв-пиыс кодлы ме дорысь мусаджык, меным сiйö оз шогмы. ³⁸Ме бёрся ассыыс крестсö босыттöг мунысыыс меным оз шогмы. ³⁹Ассыыс олёмсö видзысыыс воштас

* 10:34 шыпурт – меч

сійös. Ме вёсна олёмсо воштём мортыслы сійö бёр воас».

Козин сетём йылысь

⁴⁰«Тіянöс ас ордас лэдзысыс менö тшötш лэдзас. Менö лэдзысыс менö Ыстыссысö тшötш лэдзас.

⁴¹Енсянь юörtтыссысö ас ордас лэдзысылы вичмас тшötш юörtтыссылы кодь сетёмтор. Од сійö пуктіс локтём мортöс Енсянь юörtтыссыö. Веськыда олыссысö ас ордас лэдзысылы тшötш вичмас веськыда олыссылы кодь сетёмтор. Од керкаö лэдзысыс сійös веськыда олыссыö пуктіс. ⁴²Веськыда висътала: Тайö дзоля-тыдавтöмъясыс öтилы кöдзыд ва тыра ичöt доз сетысыыд сетётортöг оз коль. Ва сетысыыс аддзö од: сійö менам велöдчысь».

11 ЮРПАС

Пыртысь Ивансянь воёмаяс

¹Дас кыкнан велöдчыссысö сэнi Иcус велöдiс, та бöрын мунiс юортны-велöдавны Галилей му пасьтала мuköд каръасын.

²Дзескыдiнын пукалiгас Иван тöдмалöма Иcус-löн вöчёмторъяс йывсыс, сэсся ыстöма асссыс кык велöдчыссысö юавны сылысь: ³«Тэ-ö миян дорö

локтысыыс? Колё-о миянлы мёдёс виччышыны?»

⁴Исус налы вочавидзис: «Муной, висьталой Иванлы став аддзём-кывломторнытö:

⁵ – Синтёмъяс бара аддзёны,
коктёмъяс асыныс ветлётлённы,
кучик сісьтан висьомыс бурдалённы,
пельтёмъяс бара кылённы,
кулёмаяссо ловзьёдёны,
корысьяс бур юёр кылённы.

⁶Падъяvtöг меным эскыс мортыс шуда».

⁷Иванлон велёдчыссыас мунисны. Сэки Исус пондіс висьставлыны йозыслы Иван йылыс:

«Мый аддзылінныд ті овтёминсыс? Аддзылінныд-о толён нюклъёдлан идзас ньёр? ⁸Мыйсо видзёдны ветлінныд? Аддзылінныд-о мича, озыр пасъком пасьталом мортос? Сэтшом пасъкома йозыс олёны ёксы оланінъясын. ⁹Кодёс видзёдны ветлінныд? Енсянь юортыссыс-о? Шуа тіянлы: аддзылінныд ті юортыссысь на ыджыдёс. ¹⁰Сы йылыс гижома:

– Ыста ме анделёс тэ водзё.

Сйё тэнайд туйтё дасьтас.

¹¹Веськыда тіянлы висьтала: му вылын Иваныс ыджыдджык мортыс эз на вёвлы. Ен ыджы-

даланінын весиг ичötсүс-ичötтөс Иванысь ыдჯылдағылар на. ¹²Пыртысь Иван кадсянь онöдз усыла-
сысьяс зільёны мырддыны Ен ыджыдаломсо. ¹³Енсиянь став юёртыссыс, оланподулыс* Иван ка-
додз водзвыв юёртавлёмаошь. ¹⁴Эсканныд кё налы, сійö буретш тіян виччысяна Илляыд. ¹⁵Быд пеля морт кылас мед!

¹⁶Кодкод ёткодяла ме онія йёзөс? Найö изэрд вылын пукалыс ичötъяс кодьёс, мёда-мёдныслы горзёны: ¹⁷“Ми ворсім тіянлы пöлянён – ті энö йöктöй. Ми сылім тіянлы бöрданкывъяс – ті энö бöрдöй”. ¹⁸Иван воис, оз сёй, вина оз ю. Ті шуаннид: “Сыын пеж лов”. ¹⁹Морт Пи воис, юё, сёйё. Ті шуаннид: ”Рушку тыртыссыс, кодалыссы-юыссыс, мыжа йöзлы, вот перийссыаслы ёрт”. Вöчёмторъяссыс тыдалö вежöрыс».

Эскытöм каръяс

²⁰Шензьёданаторъяссыс унджыксö Исус вöчліс куим карын. Сöмын сэтчöс йöзыс эз кежны мыжатуйысь. Тайыс Исус кутіс вöйпны сійö каръасыс олыссыссö:

²¹«Ой-я, Коразин карын олыссыс! Ой-я, Бетсайда карын олыссыс! Тир-Сидон каръасын кё тіянын кодь вöчлём шензьёданаторъяссö адддзылісны,

* 11:13 видзёд 5:17

сэки эськө сэтчөс олысъясыс важён нин кежисны мыжа олан туйысъ, киссым пасъём пасъталісны, юрнысö пöимён кисъкалісны *. ²²Та понда висътала тіянлы: мыжалан лунö Тир-Сидон каръясын олысъяслы тіян дорысъ кокниджык лоас.

²³Капернаум кар, асътö енэжöдз кыпöдöм-нимöдöмтö виччысян? Мёдарö, тэнö пемыдсыыс-пемыднöдзыс уськодасны. Содом карын кö тіянын кодь шензьöданаторъяссö аддзылісны, сïйö эськө öнi на лючки-дзонь суалалis. ²⁴Висътала тіянлы: мыжалан лунö Содом мулы тэ дорысъ кокниджык лоас».

Локталой ме динё

²⁵Сэки Иус висъталiс: «Енэж-му вылын ыджыдалысъ Айöй, ошка-нимöда тэнö! Тэ дзебин тайös велöдчöмаясъсъ, тöдысъясъсъ, восътiн тай кага кодъяслы. ²⁶Сiдз, Айöй, тэнад бур кöсийомыд татшöм вölі.

²⁷Айöй ставсö меным сетiс. Айысъ кындзи писö оз тöдны. Писсыс кындзи Айсö морт оз тöд, сöмын пиыслöн бöрийомаясъс Айös тöдöны.

²⁸Сьöкыда мырсысъяс, олöмысъ мудзöмаяс, локтöй ме дорö. Ме тіянлысъ ловнытö кокньöда. ²⁹Босътöй ас выланыд менсым нöбийös, велалой

* 11:21 Татшöм ногён йöзыс петкöдлiсны водзынджык вöчлöм мыжъяссыныс яндысъёмнысö.

месянь. Менам съёлёмой ёд рам, авъя. Тіян ловъяс-
ныд лёньлун аддзасны. ³⁰Менам нöбийёй кокни,
нопийёй оз съёктёд».

12 ЮРПАС

Шойчchan лун йылысь юалём

¹Отчыд шойчchan лунё Иисус волі мунё кёдзом
муяс вомён. Велодчысьяс воліны тшыгёсь, найё
мунігмозныс нетшыштём шептьясысь тусьё сёйис-
ны. ²Тайёс аддзылісны парисейяс, шуисны сылы:
«Мый тэнад велодчысьясыд вёчёны! Видзёдлы!
Тайёс оз позь вёчны шойчchan лунё!» ³Иисус воча-
видзис: «Энё ёмой ті лыддылой Давид йылысь?
Мый сійё вёчис аслас йозыскод тшыгъялігас?
⁴Найё пырисны Ен керкаё, сёйисны Енлы козин
пыйди вайём няньсё, сёмын попъяслы сёйны
позянасё. ⁵Энё лыддывлой ёмой ті Мөсей олан-
подулысь, попъясыс по тай вежа керкаын уджак-
лёмён торкавлёны шойчchan лунсё. Таысь найёс
оз мыждыны. ⁶Висьтала тіянлы: тані тіян водзын
вежа керкаысь на вылынджыктор. ⁷Мый вежортё:
”көсъя бур съёлёмтö, ог козин сетёмтö”? Төдінныд
кё ті тайёс, сэки эськё энё мыждалой мыж-
тёмъяссё. ⁸Морт Пиыс ёд шойчchan лун вылын
ыджыдалё!»

Косьмём киа морт

⁹Сэтысь мунёмён Иисус пырис еврей вичкоё. ¹⁰Сэні волі косьмём киа морт. Парисейяс помка корсисны Иисусос мыждыны, юалісны сылысь: «Позьёз бурдёдны шойчан лунё?» ¹¹Сійё вочавидзис: «Тіян дзик ёти ыжныд кё шойчан лунё усяс гуё, онё ёмой лэптой сіёс сэтысь? ¹²Мортыд ѿ ыжкысь ёна донаджык. Бурсо позьё вёчны шойчан лунё». ¹³Сэсся Иисус шуис виссысылы: «Кипёвтö нюжёд!» Мёдьис нюжёдіс, пырысь-пыр кипёлыс бурдіс, мёд кодыыс лои. ¹⁴Парисейяс та бёрын ётлавын петісны, сәки найё волі Иисусос виан туй корсьёны. Тайös тёдмалом мысти Иисус муніс сэтысь.

Енлы кесъялысь

¹⁵Иисус бёрся уна йөз муніс. Сійё бурдёдаліс на пиысь виссысьясоц, ¹⁶эз тшёкты сёмын висъставлыны ас йывсыыс. ¹⁷Енсянь Есай юörtтысь пыр висъталомыс вемёсö пёрис:

¹⁸ – Тайё менам бёриём кесъялысьёй,
съёлёмшёрой, олан гажёй.

Сета сылы ассыым Лолёс.

Юörtас сійё став кыла йёзлы менсыым
весъкыдлунёс.

¹⁹Сійё оз вензы, оз горзы.

Ывлайсъ сылысъ сёрнисё оз кывны.

²⁰Пёлынтым идзассё сійё оз чег,
дзузган бисё оз кусёд
веськыдлун вермёмёдз.

²¹Сылён нимыс быд кыла войтырлы лача
сетас.

Енсянь вын-ё, Омольсянь вын-ё?

²²Исус дорё сэсся вайёдісны пеж лолён кутём,
сингом-кывтём-пельтом мортос. Исус бурдодіс
сійёс, дзик пыр мортыс кутіс аддзыны-сёрнитны.
²³Став йозыс чуймисны, мода-мёдныслы висьта-
лісны: «Гашкё, Исусыс – Давид Пи». ²⁴Тайёс кыв-
лём парисейяс щуисны: «Пеж ловъяслён юралысь
Омольыс сетіс сылы найёс вётлан вын».

²⁵Налысъ мёвпъяснысё тёдёмён Исус шуис:
«Ас костаныс тышкасысь йёза быд му ачыс
киссяс. Пинясысь йёза карыд, весиг керкаыд дыр
оз сувал. ²⁶Омольыс кё Омольсё вётлө, сійё аслыс
паныд тышкасьё. Вермас-ё тадзи сылён ыджыда-
лёмыс сувалнысё? ²⁷Ме кё вётлала пеж ловъяссё
Омоль вынён, кутшом вынён инё ті бёрся му-
нысьянсыд вётлалоны? Та вёсна найё тіянёс мыж-
дасны. ²⁸Ен Лов кё отсалё меным пеж ловъяс вёт-
лавны, сідзкё Ен ыджыдалёмыс тіян дорын нин.

²⁹Вермас ёмёй кодкё пырны зэв вына морт
керкаё, гусявны сылысъ эмбурсё водзвыв сійёс

кörtавтöг? Сöмын вына мортöс кörtалöмöн пöзöй гусявны эмбурсö. ³⁰Тэ кö абу ме дор, меным тэ паныд. Тэ кö он чукörtав мекöд, тэ разöдан.

³¹Та вöсна тiянлы висьтала: мортыслысь быд мыж, быд лёкöдöм вештасны. Вежа Лолöс лёкöдysыслысь мыжсö оз вештыны. ³²Лёкöдан кö Мортлысь Писö, мыжтö вештасны. Вежа Лолöс лёкöдysыслысь мыжсö тайö нэмö, локтан нэмö оз вештыны».

Пулён тусь-вотöс

³³«Бур пу вайö бур тусь-вотöс, омоль пу лёкöс вайö. Пусö донъялöны тусь-вотöс сертиыс. ³⁴Змей йылöм! Кыдзи тi верманныд бурсö висьтавны, асыныд лёкöсь-а? Öд мый морт кутö сьёлёмас, сiйö вомсыыс петö. ³⁵Бур морт бур сьёлёмсыыс петкöдö бурсö, лёк морт лёк сьёлёмсыыс лёксö петкöдö. ³⁶Висьтала тiянлы: быд тыртöм кывыйсь мыждан лунö ковмас кывкутны. ³⁷Тiян кывъясныд вермасны мездыны, вермасны мыждыны асынထö». ³⁸Сэки парисейяс пиысь, Гижöдö велöдysысяс пиысь кодсюрö корисны: «Велöдysысь, петкöдлы миянлы енэжкысь пас».

Енэж пас

³⁹Исус вочавидзис:

«Скёралысь чужанвужыйс, лёк нога олысь йöz корсъёны пас. Пассö найё оз аддзыны, Ион юёртесь пасысь отдор. ⁴⁰Ион куим лун-вой вёлёма ыджыд чери рушкуын. Тадзи Морт Pi му сьёлёмас куим лун-вой коллялас. ⁴¹Ниневи карын олысьяс мыждан лунё сувтасны сiёй йозыслы паныд, найёс мыжаласны. Найё тай кывлёмайс Ионлысь юёртёмсö, кежёмаёс асланыс мыжа олан туйысь. Танi тiян водзын Ионысь ыджыдджык. ⁴²Лунвыв мусыс ань-ёксыыс мыждан лунё сувтас сiёй йозыслы паныд, найёс мыжалас. Мулён мёдар помсяныс сiёй волёма Соломонлысь мывкыд сёрнисö кывзыны. Танi тай тiян водзын Соломонысь ыджыдджык».

Пеж лов бёр локтö

⁴³«Пеж лолыс мортыс петём бёрын шойтö ватём тыртёминъястi аслыс ин корсигмоз, оз аддзы сёмын-а. ⁴⁴Сэки сiёй шуё аслыс: «Локта онi бёр важ гортö». Локтöм мыстиыс аддзö: керкаыс весалёма, чышкёма, олысыыс сэнi абу. ⁴⁵Сэсся босьтö аскöдьыс сизим пеж лолёс, ассыыс на лёкджыкъяös, та бёрти овмёдчёны сэтчö. Бёрья помнас тайё мортыслы воддза дорысь нёшта на лёкджык лоас. Шогмытöм чужанвужыйс став тайё йозыслы тадзи лоё!»

Исуслён котыр

⁴⁶«Йөзыскöд Иcус сёрни костi мамыс вокъясык-
кöд вёлi воёмаöсь керка водзас. Найö тшötш
кёсийоны вёлi сёrnитышты сыкöд. ⁴⁷Оти морт
шuис Иcуслы: «Сэнi ывлаас тэнад мамыд вокъ-
ясыдкöд, кёсийоны тэкöд сёrnитны». ⁴⁸Иcус сылы
вочавидзис: «Кодi менам мамöй? Кодъяс менам
вокъясöй?» ⁴⁹Велöдчысъяссö кинас индöмён шuис:
«Менам мамöй, вокъясöй найö. ⁵⁰Енэжвыv Айöй-
лысь кёсийомсö олöмö пöртыссыс меным вок, чой,
мам».

13 ЮРПАС

Кöдзысь

¹Сiйö луннаc Иcус петiс керкассыс, лэччис ты
дорö, вадорас пуксис. ²Уна йöз си дорö чукöрмис.
Та вёсна Иcуслы ковмис пуксыны пыжö. Йöзыс
сулалiсны вадорас. ³Иcус сэки вис্তалiс налы уна
велöдана висьт:

«Отчыд морт кöдзыны мунаc. ⁴Кöдзигас кымын-
кö кёйдыс тусь усяс туй дорас. Сэтчö воасны лэ-
бачьяс, найöс кокаласны. ⁵Кымынкö тусь усяс
изъянö. Сэнi муыс этша вёлöма. Ляпкыд муад
найö регыд чужасны. ⁶Вужныс тай налён вёлöма

жеб, петём бёрас шондыйс косътас петасъяссö.
⁷Кымынкö тусь усяс лежнöг вужъяс пöвстö. Лежнöг быдмигас петасъяссö пöдтас. ⁸Мукöд тусыыс усяс бур муö. Найö ваясны шеп: öтияс – сё пöв, мöдъяс – квайтымын пöв, коймöдъяс – комын пöв унджыкöс. ⁹Быд пеля морт мед кылас!»

Мыйла велёдана висьтыс колё?

¹⁰Велёдчысьсыс воисны Иисус дорö, юалисны:
«Мыйла тэ висьставлан йöзлы велёдана висьтьястö?»

¹¹Иисус вочавидзис:

«Ен ыджыдаломлыш гусяторъяссö тöдмавны тиянöс велёдисны, найöс тай эз. ¹²Тэнад кö эмышт, тэныд содас коланасыс унджык на. Тэнад кö абу, тэнсыд этшатö босътасны. ¹³Найö видзёдёны, оз аддзыны-а, кывзöны, оз кывны-а, оз гёгёрвоны-а. Сийён висьставла налы велёдана висьтьяссö. ¹⁴Ен-сянь Есай юörтысылён на йылыс висьталомыс тадзи вемöсö пöрö:

— Тi кывзанныйд-кывзанныйд, онö гёгёрвоой-а.

Тi видзёданныйд-видзёданныйд, онö аддзöй-а.

¹⁵Тайö йöзыслён сьёлёмныс чорзьёма.

Налён пельныс омёля кылö – кывзынысö оз кёсийны.

Налён синнысö куньёма – аддзынысö оз зільны.

Съёлёмнаныс гёгёрвонысö, мелань бергöдчынысö оз кёсйыны, менсыым бурдöдомöс найö отдортоны.

¹⁶Тi шудаöсь: аддзан синмаöсь тай тi, кылан пеляöсь тай тi. ¹⁷Веськыда висытала ме тiянлы: унаён Енсянь юёртысъяс пиысь, веськыда олысь йöз пиысь кёсийсны аддзыны тi моз аддзананытö, кывны тi моз кылананытö. Сöмын эз тай кывлыны, эз тай аддзывлыны».

Висытсö гёгёрвоöдём

¹⁸«Кывзöй, ме гёгёрвоöда тiянлы кöдзысь йылысь ассыым велöдана висытös. ¹⁹Морт кывзö Ен ыджыдалöм йылысь кывсö. Оз кö гёгёрво сiёс, сы дiно Омольыс локтö, гусялö сы съёлёмысь кöдзомасö. Тайös петкöдлö туй дорö усьём кöйдыс. ²⁰Изъяню усьём кöйдыссыс петкöдлö: морт кывсö кылö, съёлёмас дзик пиыр сiёс долыда босьтö. ²¹Сöмын сiё вужтöм, оз дыр эскы. Кыв вöснаыс дзескöдiгöн-вöтлалiгöн сiё эновтö эскöмсö. ²²Лежнöг вужъяс пöвстö усьём кöйдыссыс петкöдлö: морт кывсö кылö, сöмын быд лун вöсна тёждыс, озырмыны кёсийомыс-ыштöмыс кывсö пöдтö. Сiё тустьтом кольё. ²³Бур муё кöдзом кöйдыссыс пет-

кёдлө: морт кывсö кылö, сïйös гögörвоö. Татшöмыс тусьсö вайö: öти – сё пöв, мöд – квайтымын пöв, коймöд – комын пöв унджык».

Шобдi костын ёг турун

²⁴Сэсся Иисус висъталiс мöд велöдана висът: «Ен ыджыдалöмыс татшöм: Морт кёдзас аслыс муö бур койдыс. ²⁵Узигкостыс войнас волас сэтчö лёквöчысыс, шобдi койдыс костас ёгтурун кёдзас, сы бöрын мунас. ²⁶Шобдыс петас, кутас шептасьны, ёгтурун сэки тшötш быдмас. ²⁷Керка кутысьлён кесъялысьяс локтасны сы дорö, шуасны: "Ыджыдöй, бур койдыс öд тэ кёдзлiн муад. Кытысь нö ёгтуруныс сэтчö петöма?" ²⁸Сïйö вочавидзас: "Лёквöчысöй тайös вöчöма". Кесъялысьяс шуасны: "Кöсъян kö, ёг турунсö шобдi мусысы ми нетшкам?" ²⁹Мöдьыс вочавидзас: "Оз ков. Тi ёг турун сорён шобдi петасъяссö тшötш верманныд нетшкыны. ³⁰Кольёй найös вундан кадöдз öтлаын быдмыны. Вундiгас ме тшöкта вундысьяслы: "Водждык ёг турунсö кольтаясö кörтавлöй, сотöй. Сэки шобдiсö идралöй менам йöртöдö"».

Горчица тусь

³¹Мöд велöдана висът Иисус висъталiс налы: «Ен ыджыдалöмыс муö кёдзöм горчица тусь кодь.

³²Кöйдysъясыс сiйö ичöтысь-ичöt. Быдмигас бара став кöдзасö на субдас, ыджыд пу кодь лоас. Весиг лэбачьяс сэтчö позъяс вöчалöны».

Няньшом

³³Исус нёшта öти велёдана висыт висьталiс: «Ен ыджыдалöмыс дзик няньшом кодь. Ань сiйöс пуктас куим куд тыра пызыö, та бöрын став няньшомыс ловзяс».

³⁴Исус быдтор тайöс висьтавлiс йöзыслы велёдана висьтъяс отсöгён, натöг эз сёрнитлы йöзкöд.

³⁵Енсянь юörтысь пыр висьталöмыс vemöсö пöрис:

— Ме велёдана висьтъяс отсöгён йöзыскöд
сёрнита,
муюгыд пуксьёмсяныыс дзебöмторсö юörта.

Ёг турун йылыс висьтсö гёгёрвоöдöм

³⁶Йöзсö ыстöм бöрын Исус пырис керкаö. Сы дiнö локтiсны велёдчысьяс, корисны: «Гёгёрвоöд миянлы шобдi пöвстö быдмöм ёг турун йывсыыд висьттö». ³⁷Исус шуис:

«Бур кöйдysсö кöдзысьыс — Морт Пи. ³⁸Кöдза мусыс — муюгыд. Бур кöйдysыс — Енлён йöзыс, ёг туруныс — Омölльён йöзыс. ³⁹Ёг турунсö кöдзысьыс, лёк вöчысьыс — Омоль. Вунданыс — нэм пом.

Вундысьясыс – анделъяс. ⁴⁰Чукörtüm ёг турунсö сотоны. Буретш тадзи нэм помас артмас. ⁴¹Морт Пи ассыыс анделъяссö мёдёдас, найё сы ыджыдаланiнысь лёкё быд ышёдысьсö, быд лёк вöчыссысö отлаö чукörtасны. ⁴²Шыбитасны найёс ломалысь биö. Сэтысь бёрдöм, пинь ииран шы кылас. ⁴³Веськыда олысьяс сэки Айныс ыджыдаланiнын шондi моз дзирадаласны. Быд пеля морт мед кылас!»

Гуалём озырлун

⁴⁴«Ен ыджыдалöмыс – ыбö дзебöм озырлун кодь. Морт озырлун мусыс аддзас, сiйös бёр дзебас. Нимкодыисла мунас ассыыс став эмбурсö вузавны, тайё ыбсö ньёбас».

Дона из

⁴⁵«Ен ыджыдалöмыс татшöм: Дона из корсысь вузасысь ⁴⁶аддзас дона изсö. Сiйös ньёбöм могысь мортыс ассыыс став озырлунсö вузавны мунас».

Тыв йылысь висьт

⁴⁷«Ен ыджыдалöмыс нöшта саридзö вöйтöм тыв кодь. Сэтчö быдсяма чериыс шедö. ⁴⁸Тывсö вадорö лэптöм бöрын чери кыйысьяс бöриёны: бур черисö дозий тэчёны, лёксö – ортсö шыблалёны. ⁴⁹Нэм

помас тадзи артмас: андельяс локтасны, лёк йөзсө веськыда олысьясысь торйодасны.⁵⁰ Шыбитасны сэсся лёкъяссö ломалысь биö. Сэтись бёрдём, пинь ииран шы кылас».

⁵¹Исус та бöрын юаліс: «Гöгöрвоинныд-энö ставсö?» Велöдчысъяс вочавидзисны: «Гöгöрвоим, Йджыдным». ⁵²Сэки сïйö шуис налы: «Енлыс ыджыдаломсö тöдмалом бöрын Гижöдö быд велöдись керка кутись кодь. Сïйö аслас йöртöдись выльсö петкöдö, важсö петкöдö».

Чужан карас Исусос ётдортöны

⁵³Тайö велöдана висътьяссö висъталом бöрас Исус мунис сэтысь, ⁵⁴чужан карас воис. Сэнi велöдiс йöзöс еврей вичкоин. Быд кывзыс шемöсмылiс: «Кытысъ сылы татшöм ыджыд вежöрыс-мывкыдыс? Кытысъ сылы татшöм выныс? ⁵⁵Абу-ö сылён айыс тшупсысъ? Абу-ö сылён мамыс Марья? Яков, Осип, Симон Юдакöд абу-ö сылён вокъяс? ⁵⁶Абу-ö сылён став чойыс миян пöвстись? Кытысъ нö тайö ставыс сылён?» ⁵⁷Найö сïйöс ётдортiсны.

Исус шуис: «Енсянь юörtтысъёс пыддиpunktöны быдлаын, сöмын ас чужанiнас, ас гортас оз».⁵⁸ Уна шензьöданатор сэнi сïйö эз вöч, йöзыс сылы эз эсқины да.



Пыртысь Иванлён кулём

¹Сійё кадё Галилей мұын Ирөд öксы кывлöма Иcус йылысь. ²Аслас кесъялысь войтырлы Ирөд шуис: «Пыртысь Иван тайё, сійё ловзьома. Шензьöданаторъяссö та вöсна вöчалö сійö».

³Ирöдыс Иванöс кöртавлöмён пуксьöдöма дзес-кыдінö аслас Пилип вокыслён Ирöдида гöтырыс вöсна. ⁴Öд Иван öлöдлöма Ирöдöс: «Овнытö сыкöд тэнүйд оз позь». ⁵Ирөд кöсийис вины Иванöс, сöмын йöзысь полö вöлі: найёpunktisны Иванöс Еңсянь юörtтысьö.

⁶Отчыд Ирөд нимлун сёйны кораліс. Ирöдида-лён нылыс корём войтыр водзын йöктö вöлі. Нылыс Ирöдлысь сьölöмсö ёна небзьöдіс. ⁷Ны-лыслы сійё кыв сетіс быдтор сы ног вöчны. ⁸Мамыс велöдöм серти ныв шуис: «Пырысytöм-пыр тасыті вылын Пыртысь Иванлысь юрсö меным вай». ⁹Öк-сы шогö усис. Корём войтыр водзын кыв сетöм вöсна сійё тшöктіс вöчны ныв корём сертиыс. ¹⁰Ирөд ыстіс йöзöс дзескыдінö Иванлысь юрсö керыштны. ¹¹Тайё юрсö нывлы тасытын вайисны, нылыс сійös мамыслы нуис.

¹²Иванлён велöдчысъясыс шойысла волісны, гуалісны сійös. Та бöрын найё мунісны Иcус дінö, лоёмтор йывсъыс юörtісны.

Вит сюрс мортös вердöм

¹³Тайёс кылём бёрын Иисус пыжён öтнас мёдіс овтёминё. Та йылысь юёрыс паськаліс, каръясысь уна йöz сы бёрысь муніс подён. ¹⁴Пыжысь петём мысти Иисус аддзис йözöс, сылысь съёлёмсö вörзёдіс на вöсна тёждыс. Сiйö бурдöдаліс быд ви-сысьёс.

¹⁵Рытнас велöдчысьяс сы дiнö воисны, шуисны: «Тайё овтёмин, öнi сёр нин. Ысты йöзсö, мед сиктъясо муналасны, сёян-юаннысö ньёбаласны».

¹⁶Иисус вочавидзис: «Муннысö налы татысь оз ков. Сетöй тi йöзыслы сёянсö». ¹⁷Велöдчысьяс воча шуисны: «Миян сьöраным вит няньысь, кык чериысь кындзи сэсся немтор абу». ¹⁸Иисус шуö: «Вайöй меным татчö сёяントö». ¹⁹Сiйö тшöктiс йöзыслы муас пуксявны. Сэсся тайё вит няньсö, кык черисö босьтiс, енэжö видзöдлёмён шуис аттьёалана кывъяс.

Сiйö бертiс няньсö, сетiс велöдчысьясыслы, найö – йöзыслы. ²⁰Быд морт пöttöдзыс сёйис, нянь коляссö сэсся дас кык чукъя куд чукörtiсны.

²¹Аньясысь, ныв-пиянысь öтдор сёйысыыс вöлi вит сюрс гёгöр.

Ва вывтi ветлöдлöм

²²Та бёрын Иисус велöдчысьясыслы тшöктiс пыжö пуксявны, вужкны ты мёдлапöлас сiйöс

виччысытёг. Сэк кості Исус йөзсө гортаныс мёддіс. ²³Йöz муном бёрын сійö отнас кайис керөсө Енлы кевмыны. Рытнас сэні сійö отнас волі. ²⁴Пыжыс волі ты шёрас. Паныд төв петіс, гыясыс пыжсо гёвкйёдлісны.

²⁵Асья войнас ва вывті Исус воис велёдчысысыс дінö. ²⁶Велёдчысыяс аддзисны гыяс вывті восьлалыс Исусос. Повзёмныsla найö городісны: «Орт тайö!» ²⁷Дзик пыр Исус налы шуис: «Лёньой, энö полой, ме тайö». ²⁸Сэки Петыр силы шуис: «Ыджыдой, тайö кё тэ, тшёкты меным тэ дінö ва вывтіыс локны». ²⁹Исус шуис: «Лок». Пыжсыс воськовтөмөн Петыр ва вывтіыс Исус дінö мёдіс. ³⁰Вына тёвнырыс повзёдіс Петырёс, сійö мёдіс войны. Петыр городіс: «Ыджыдой, мезды менö!» ³¹Исус кисо тәрыба нюждіс, кутіс Петырёс, шуис: «Омоля эскыссый, мыйла падъялан?»

³²Пыжё воськовтіганыс тёлыс лёнис. ³³Пыжын пукалыссыас Исус водзё пидзёс вылё сувтөмөн шуисны: «Дерт, Ен Пи тэ».

Генесарет мұын виссыссыясоc бурдодом

³⁴Ты вуджом мысти найö воисны Генесарет мүө. ³⁵Сэтчёс йозыс Исусос тёдмалісны, сэсся юорталісны сы йылышыс быдлавын. Сы дінö быдлавыс виссыссыясоc вайёдалісны. ³⁶Йозыс корисны Исуслышыс, мед виссыссысыс сёмын вермасны инмёд-

лыны чуньысö сы паськём помё. Инмёдлём бёраныс быд морт бурдіс.

15 ЮРПАС

Пöрысьяслён велёдём

¹Сэки Ерусалим карысь Иисус дінё воёны парисейяс Гижёдё велёдысьяскöд, шуёны сылы:
²«Тэнад велёдчысьясыд сёйны пуксытыдзныс кинисö оз мыськавны. Мыйла найё пöрысьяслысь вежавидзана оланногсö торкёны?»

³Иисус налы воча шуис: «Мыйла тi Ен тшёктём торканныд асланыд оланногныд вёсна? ⁴Енмыс шулома: ”Ай-мамтö пыдди пукты”. ”Омольтан кö ай-мамтö, тэныд кувны колё”. ⁵Ti тай йёзёс тадзи велёданныд: морт кö ай-мамыслы индём колана отсöгсö Енлы сетны кёсийсис, ⁶сылы оз нин ков найёс пыдди пуктыны. Ас вежавидзана оланногныд вёсна тi Енлысь кывсö вештанныд. ⁷Кык бана шаньгаяс! Тiян йылысь Енсянь Есай юörtтысь веськыда висъставлёма:

⁸ – Тайё йёзыс сёмын вомнаныс менё пыдди пуктöны.

Ылын месянь наён сьёлёмныс.

⁹Менё весьшёрö ыджыдö пуктöны йёзсянь тшёктёмъясö велёдёмён.

Мый мортös пежалö?

¹⁰Ас дінас йözös коромён Иус шуис: «Кызвой, гёгёрвой менё. ¹¹Мортös оз пежав вомёдыс пытшкё пыранаыс, мортös пежалö вомсыс ортсо петанаыс».

¹²Велöдчыссыс Иус дінö локтисны шуны: «Тодан-ö тэ, парисейяс дöзмомаобь тэнад татшом сёрнияссыд?» ¹³Сийо вочавидзис: «Эз кö быдмögсö енэжывы Айой пуктыв, сийös вужнас нетыштасны. ¹⁴Эновтой найös, синтöмъясöс синтöм нуöдыссыяс найё. Синтöм кö нуöдö синтöмös, кыкнанныыс гуранд усясны».

¹⁵Петыр шуис сылы: «Гёгёрвойд миянлы тайё велöдана висьттö». ¹⁶Иус вочавидзис: «Онö öмой на тi гёгёрвой? ¹⁷Онö öмой гёгёрвой: ставыс вомёд пыранаыс мунё пытшкё, кынёмöдз, сысянь петö ортсо. ¹⁸Вомыссы ортсо став петанаыс локтö сьёлёмсянь, сийо пежалö мортös. ¹⁹Буретш сьёлёмсянь петёны лёк мёвпъяс, морт виётъяс, гозъякост торкём, лёк оласног, гусясьём, мыжданын йözös суклялём, омольтём. ²⁰Тайё морттö пежалö. Мыськавтём киён сёйомыд морттö оз пежав».

Ань эскö

²¹Сесся Иус Тир-Сидон каръяс гёгёрын куйлан муюссо мёдис. ²²Сы дінö воис сэтчёс ань, ачыс Кана войтырысь. Сийо горзис: «Ыджыдой, Давид Пиой,

отсав меным! Пеж лов менам нылёр пырёма, чо-
рыда песлөдлө сійёс». ²³Аныыслы Иисус кыв эз шу.
Велёдчысьясыс Иисусөс кытшаломён корисны:
«Вöч сылы мыйкө. Сійö горзомён бöраным вет-
лодлө». ²⁴Иисус вочавидзис: «Менö мöдöдисны сöмын
Израиль войтыр дінö. Вошом ыж чукör кодьось
найö». ²⁵Сэки ань матöджык воис, Иисус водзö муö
усьомён корис: «Ыджыдöй, отсав меным!» ²⁶Иисус
сылы шуис: «Оз туй ныв-пильсі няньнысö мырд-
дыны, сійöс кычанъяслы сетны». ²⁷Аныыс воча-
видзис: «Оз, дерт, Ыджыдöй, понъяс тай керка
кутысь пызан вывсыс гылалом торпыригсö сей-
лывлöны». ²⁸Сэки Иисус сылы шуис: «Ыджыд тэнад
эскöмýд, аньбай. Мед артмас тэнад кöсийм сер-
тиыд». Дзик пыр нылыш бурдöма.

Керöс вылын виссысьясöс бурдöдöм

²⁹Иисус водзö мöдис. Галилей ты дортi мунiгён
сійö кайис керöсö. ³⁰Сы гöгрö воалiс уна йöз. На
пöвстын вöлiны китöм-коктöмъяс, синтöмъяс, кыв-
вортöмъяс, мукöд виссысьяс. Найöс пуксьöдисны
Иисус водзö, сійö найöс бурдöдалiс. ³¹Йöзыс чуймис-
ны, найö ас синнаныс аддзисны: кыввортöмъяс
кутiсны сёрнитны, китöм-коктöмъяс бурдiсны,
синтöмъяс кутiсны аддзыны. Быд морт ошкö вöлi
Израиль Енмöс.

Нёль сюрс мортös вердöм

³²Велёдчысьяссö ас дiнас корёмён Иcус шуис: «Тайö йöзыс куим лун нин танöсъ, сёйтöм-ютöмөсъ. На вöсна менам сьёлёмой висьё. Ог кöсйи мёдöдны найöс сёйтöгныс, туяс мед дзикöдз оз эбёстöммыны». ³³Велёдчысьясыс сылысъ юалiсны: «Кыдзи ми та мында йöзсö вердам? Кытысъ овтöминас танi сымда няньсö ми судзöдам?» ³⁴Иcус юалiс: «Уна-ö тiян няньныд?» Найö вочавидзисны: «Сизим, кымынкö посни чери на эм».

³⁵Иcус йöзыслы муас тшöктiс пуксявны. ³⁶Сiйö сизим няньсö, черияссö киас босьтiс, Енмöс аттьöалöмён бертиc найöс, сэсся сеталiс велёдчысьясыслы, найö водзö йöзыслы. ³⁷Ставён пöттöдзныс сёйисны, колясыс сизим чукъя куд чукöрмис. ³⁸Аньясысь, ныв-пиянысь отдор сёйысыс нёль сюрс морт вöлi.

³⁹Сэсся Иcус йöзсö гортьясаныс мёдöдалiс, Магдала мюö ачыс пыжён кыwtiс.

16 ЮРПАС

Кад пасъяс

¹Иcусöс донъялöм могысъ парисейяс саддукейяс-кёд локтiсны сы дiнö, корисны: «Петкёдлы

миянлы енәжысь пас». ²Исус налы вочавидзис: «Рытын ті шуланныңд: "Енәжыс гөрд – аски лоас мича". ³Асывнас шуланныңд: "Енәжыс пемыңгөрд – кыптас бушков. Енәжө видзёдёмөн ті верманның төдмавны, күтшөм лоас луныс, сөмын тайё кадлысь пасъяссö онö вермой аддзынытö. ⁴Енлы эскытöм, лёк чужанвуж көсий аддзыны пас. Ион пасысь кындзи мёд пас найё оз аддзыивны». Та бöрын Исус сэтысь мунiс.

Парисей-саддукейлён велёдём йылысь

⁵Велёдчысьясыс вуджисны ты мёдлапöлö. Вöлёмкö найё сёянысö аскöдныс босытны вунёдомаöсь. ⁶Сэки Исус налы шуис: «Парисей-саддукей няньшомысь асынытö видзöй». ⁷Велёдчысьяс ас костаныс сёмын шуалисны: «Няньнымöс тай вунёдим». ⁸Тайös казялёмон Исус налы шуис: «Омоля эскысьясöй! Тi сёрнитанныд сёмын нянь абутöм йывсыныд. ⁹Тi öмöй энö на гёгörвоöй? Вунёдинныд öмöй сiйö вит няньсö? Сiйö тырмис вит сюрс мортлы. Кымын куд тыр на коляссö чукörtинныд? ¹⁰Вунёдинныд öмöй нёль сюрс мортлы сiйö сизим няньсö? Кымын куд тыр тi чукörtинныд? ¹¹Кыдзи тi онö гёгörвоöй, эг нянь йылысь ме тiянлы висъставлы? Асынытö видзöй парисей-саддукейлён няньшомысь!» ¹²Сэки найё гёгörвоисны: Исус абу тшöктöма налы нянь кётан

нянышомысь асынысö видзны. Сiё парисей-саддукейлён велёдомысь асынысö видзны тшöктылёма.

Исусыс кодi?

¹³ Велёдчысъясыскöд Иcус воис Пилип Кесарей карлань, сэнi налысь юалiс: «Код туйö йöзыс менö, Мортлысь Писö, пуктöны?» ¹⁴ Найö вочавидзисны: «Отиас Пыртысь Иван туйö пуктöны, мёдъяс – Илля туйö, кодсюрö тэнö Еремей туйö пуктö, мукöд – Енсянь юörtтысь туйö тшöтш». ¹⁵ Иcус юалiс: «Код туйö нö тi асыныд менö пуктанныд?» ¹⁶ Симон-Петыр шуис: «Мездыс*, ловъя Ен Пи тэ».

¹⁷ Иcус сылы шуис: «Шуда морт тэ, Ион Симон. Тэныд тайös эз йöз юörtны, тайös тэныд енэжывв Айöй юörtic. ¹⁸ Ме тэныд шуа: «Тэ – Петыр*, кырта! Тайö кырта вылас ме лэпта ассыым вичкоös. Сiёс весиг кулан вын оз вермы. ¹⁹ Ме сета тэныд Ен ыджыдаланiнысь восътанъяссö. Му вылын тэнад кörталöмайd енэжын кörталöма кольö. Му вылын тэнад разъёмайd енэжын разъёма кольö». ²⁰ Иcус

* 16:16 Мездыс – тадзи комиöдöны *Машиак* еврей кыв (рочён кё: *Мессия*). Грек кывъя гижöдъясын тайö кывлы лёсялö *Кристос* кыв. Кывыйслён воддза вежöртасыс: мавтöм. Тадзи нимтiсны Израильы кöсийöм öксыös-мездысьюс.

* 16:18 Петыр – артмöма ”кырта” вежöртаса *Петрос* грек нимыссы. Еврей кывыйын сылы лёсялö *Кепа ”кырта”* ним.

сэсся ёлөдіс велёдчысьяссö: «Йöзыслы энö висьталаý, ме по Мездысь».

Исус висътало аслас кулом йылысь

²¹Тайё лунсяныс Иисус велёдчысьясылы кутіс висъставлыны, сылы по ковмас мунны Ерусалимö, сэні по ковмас пыкны уна шог пöрысьяссянь, аркирейяссянь, Гижöдö велöдысьяссянь. Та бöрын по сийös виасны, коймöд луннассö по сийö бöр ловзяс.

²²Иисусöс ас дорö корöмён Петыр вöйпöдіс: «Ыджыдöй, таýс тэнö Енмыс доръяс!» ²³Петырлань бергöдчöмён Иисус шуис: «Вешый, Омоль, тэ менö туй вывсыым кежöдан. Тэнад мöвпъясыд йöзсянь, абу Енсянь».

Иисускöд муном йылысь

²⁴Иисус шуис велёдчысьясылы: «Кöсъян кö мунны ме бöрся, асътö вунöд, кресттö босътöмён ме бöрся лок. ²⁵Ассыыд олёмтö кö видзны кöсъян, сийös воштан. Ме вöсна кö олёмтö воштан, сийös аддзан. ²⁶Ассыыс ловсö воштöмён кö морт вермалас муюгыдсö, лоö-ö сылы бурыс? Мыйысь ассыыс ловсö сийö бöр ньöбас? ²⁷Морт Пи Ай дзирадлёмнас анделъяскöд воас, сэки быдёнлы удж сертиныс мынтас. ²⁸Веськыда висътала: тіян пöвстись ёткымын морт күвтöдзныс на аддзылас ыджыдавны локтысь Морт Пиös».

Исуслён дзирдалём

¹Квайт лун мысти Иисус босътіс аскёдыс Петьрөс, Яковөс, сылсысь Иван воксо. Нёльнанныс найё джуджыд керөсө кайисны. ²Сэні велёдчысьяс син водзын Иисуслён мыгёрыс вежсис: чужёмыс шонді моз оні югъяліс, паськёмыс лымъеджыд, лунъюгыдыс кодь лои.

³Виччысьтөг Мөсей Иллякөд на водзё петалісны, Иискөд сёрнитісны. ⁴Та дырии Петыр шуис Иисуслы: «Ыңжыдой, миянлы тані лосьыд. Көсьян-ö, куим чом татчö лэпта: тэныд, Мөсейлы, Иллялы».

⁵Петыр сёрнитігкості югыд кымёр вевттис на-йös, кымёрсянъ кыліс гор: «Тайё менам муса Пиöй, сійё менам олан гажой. Сійös кывзöй». ⁶Горсö кылём бёрын велёдчысьяс ёна повзисны, чужёмнысö тупкёмён найё муё усисны. ⁷Иисус воис, инмёдліс кисö наö, шуис: «Чечой, энё полой!» ⁸Юрнысö лэптöм бёрын найё сöмын Иисусöс нин аддзисны, мукёдыс эз нин вёвны.

Илля йылысь юалём

⁹Керёсысь лэччиганыс Иисус шуис налы: «Ад-дзывлёмтор йывсыныд мукёдыслы Морт Пи ловзытыдз энё висьталой». ¹⁰Велёдчысьясыс

сылысь юалісны: «Мыйла Гижёдö велöдысьяс шуöны, Иллялы по коло водзджык локны?» ¹¹Сiйö вочавидзис: «Дерт, Иллялы коло локны, ставсо колана ногён дасьтыны. ¹²Висътала тай тiянлы: Илляыд локтiс нин. Йöзыс тай сiйöс эз тöдмавны, ас кöсийом сертиныс сылы вöчисны. Тадзикон найö Морт Пилы тшötш уна лёк вöчасны». ¹³Велöдчысьясылы вежёрöдзныс сэки воис: сiйö тай Пыртысь Иван йылысь налы висъставлöма.

Зонкаысь пеж лолöс вётлём

¹⁴Найö вёлi мунёны бёр йöзлань. Сэки Исус до-ро локтiс морт, пидзöс вылас ¹⁵корис: «Ыджыдöй, отсав пиёйлы. Сiйö тöлысь вежсьёмъясö сьёкыда висьё, ёна сiйöс топöдлö, тшöкыда биё-ваö уськöдлывлö. ¹⁶Ме сiйöс велöдчысьяс дiнад вайöдлi – бурдöднысö эз вермыны». ¹⁷Сэки Исус шуис: «Ойя тайö эскытöм-лэдзчысьём чужанвужыйс! Дыр-ö меным коло овны тiян пöвстын? Дыр-ö на меным коло тiянöс лэптыны? Вайöдöй пинитö татчö!» ¹⁸Исус тшöктiс пеж ловлы петны, пеж лов петiс. Том мортыс пырысътöм-пыр бурдiс.

¹⁹Ас кежсыныс кольём велöдчысьясыс юалісны Исуслысь: «Мыйла нö ми пеж ловсö эгö вермой вётлыны?» ²⁰Исус воча шуис: «Выйтi омöля тi эсканныд. Веськыда висътала тiянлы: лоас кö тiян эскöмныд горчица тусь ыджда, верманныд шуны

тайё керёсыслы: "Вудж тасянь сэтчö" – сïйö вуджас. Тi быдторсö верманныд вöчны! ²¹ Видавтöг-кевмытöг татшöм пеж ловъяссö вöтлыны оз позь».

Исус бара висъталö кулöм йывсыс

²² Галилей мутi ётлаын ветлöдлiганыс Иисус шуис велöдчысъясыслы: «Мортлысь Писö йöз киö сетасны, ²³ найё сïйöс виасны. Коймöд луннас сïйö ловзяс». Велöдчысъяссö тайё ыджыд шогö уськöдiс.

Вежа керка вот йылысъ

²⁴ Найё локтiсны Капернаум карö. Сэнi Петыр дiнö воисны вежа керка вот перийсъяс. Найё юалiсны: «Тiян велöдьсъныд мынтас-оз вотсö?»

²⁵ Мöдьис вочавидзис: «Мынтас, дерт». Иисус юалiс керкаö пырём Петырлысъ: «Симон, кодлысъ, тэ ног, тайё му выв öксыясыс вотсö перийоны: ас пиянлысъ-ö, мукöд йöзлысъ-ö?» ²⁶ Сiйö вочавидзис: «Мукöд йöзлысъ». Сэки Иисус шуис: «Сiдзкö, пияныслы вотсö оз ков мынтыны». ²⁷ Вай огö дöзмöдöй найёс. Мун ты дорö, чövt вугыртö, дзик водзын шедöм чериыслысъ вомсö восьты. Сэтысъ сюрас эзысъ сьом. Мынты налы ас вöснаыд, мынты ме вöсна».

Коді ыджыд?

¹Велёдчысъясыс Исус дінё локтісны, юалісны сылыс: «Коді Ен ыджыдаланінас ыджыд?»

²Исус ас дінас чукостіс кагаös, на водзö сійös сувтöдöмöн ³шуис:

«Веськыда висътала: Онö кё вежой оланныгнытö, кага кодыс кё онö лоёй, Ен ыджыдаланінö онö веськалой. ⁴Тайö кага мозыс асьсо ичёт туйö пуктысыс Ен ыджыдаланын ыджыд лоас. ⁵Менам ним вöсна ас дінас öти татшöм кагаös босътысыс ас дінас менö босътö».

Ыштöдöм

⁶«Меным эскысъ татшöм ичётöс лёкё ыштöдисълы бурджык лоё, сылліас кё съокыд изкиён сійös вöйтасны джуджыд саридзö. ⁷Ой-я тайö муюгыдыс! Лёкё ыштöданторыйыс тані уна. ыштöданторъясыд локтöг оз овны. Ой-я ыштöданторсö вайöдись мортыс!

⁸Тэнад киыд-кокыд кё ыштöдö тэнё лёкё, керыштöмöн шыбит сійös. Бурджык тай веськавны олёмö ки пöлаён, кок пöлаён куслытöм биö киакокаён шыбитöм дорысъ. ⁹Синмыд кё тэнё ыштöдö лёкё, сійös нетыштöмöн шыбит. Бурджык тай

олёмө веськавны син пёлаён куслытём биё син-
маён шыбитём дорысь.

¹⁰Тайё ичотъяс письыс весиг ётикёс энё кедзов-
той! Висьтала тіянлы: налён анделъясныс менам
енэжвыв Айойкёд пыр орчёнөсь.

¹¹Буретш вошомасö Морт Пи воис корсыны-
мездыны».

Вошлём ыж

¹²«Шуам: мортлён сё ыж, ётиыс сэсся вошас.
Кыдзи тіян ногён: оз ёмой ёкмысадас ёкмыссö
керösö сийё коль, оз ёмой мун корсыны вошомасö?

¹³Веськыда висьтала: аддзас кё сийёс, мортыс сыйыс
нимкодьмасджык вошлытём ёкмысадас ёкмысыс
дорысь. ¹⁴Тадзи енэжвыв Айныд оз кёсйы, мед
ичотъясысь весигтö ётиыс вошас».

Мыж вöчысь вок

¹⁵«Вокыд кё мыж вöчас, мун си динё, ас кос-
таныд вöйпöд сийёс. Кывзас кё тэнё, сийё бара
тэныд вок лоас. ¹⁶Оз кё кывзы тэнё, кор ёти-kyк
мортёс аскöдыд. ”Быдтор од колё видлавны кык-
куим морт дырий”. ¹⁷Оз кё сийё кывзы найёс, юорт
вичко войтырлы. Оз кё кывзы весиг найёс, мед
сэки сийё лоас тэныд Ентöг олысь кодь, вот перийсь
кодь. ¹⁸Веськыда висьтала: му вылын тіян кörтä-

лёманыд енэжын разътёг кольё. Му вылын тіян разъёманыд енэжын разъёма кольё.

¹⁹Висьтала тіяны: кыкён кё тіян пиысъ ётвыв мыйкё корасны, енэжвыв Айёй налы корёманысö сетас. ²⁰Кык-куим морт кё ме нимён чукортчасны, на пёвстын ме лоа».

Кын съёлёма кесъялысь

²¹Сэки Иисус дінö воёмён Петыр юаліс: «Үджен-дой, вокой кё меным лёк вёчё, кымынысь коло меным сылысь мыжсö вештыны? Сизимысь-ё?»

²²Иисус вочавидзис: «Оз сизимысь – сизимдас пёв сизимысь!

²³Ен үджыдаломыс татшом: Оксы шуис артавны аслас кесъялысьялысь уджийзъяссö. ²⁴Арталіғон оксы водзё вайёдісны ёти кесъялысьёс. Оксылы сылон уджийзыс волёма дас сюрс талан*. ²⁵Мынтынысö мортыс эз вермы. Оксы тшёктіс кесъялысьёс, сылысь гётырсö, ныв-писö, эмбурсö вузавны, уджийзсö сізд бергөдны. ²⁶Сэки кесъялысь оксы водзё усис коригмоз: "Виччысышт! Мынта ме тэныд уджийзёс дзонынас." ²⁷Кесъялысылон шогыс оксылысь съёлёмсö дойдіс. Оксы шуис вештыны сылысь уджийзсö, кесъялысьсö ассысö лэдзис.

* 18:24,28 Сій о кадо талан үджыд съём волёма: 6000 динар. Динар – уджалысь мортлон лунся удждоныс.

²⁸ Івлаё петём бёрын кесъялысь аддзис мёд кесъялысьёс. Тайё мортыс воддзыыслы волі уджйёза сё динар. Сийёс джагёдёмён воддза кесъялысыыс шуис: "Уджйётё мынты!" ²⁹ Мортыс пидзёс вылын корис: "Виччысыышт! Вешта ме уджйёзёс". ³⁰ Сийё эз кёсйы виччысыны, ассыс ёртсö мыждыны сетіс. Уджйёзсо мынтытёдзыс кесъялысылыс ёртсö дзес-кыдінё йортісны.

³¹ Тайёс аддзылёмыс мукёд кесъялысьяс шогё усисны. Найё ёксы дорё мунісны, ставсö сылы висьталісны. ³² Ас дінас кесъялысьсö коромён ёксы шуис: " Тэнад яндзимыд абу! Тэнад корём серти став уджйётё ме вешті. ³³ Эз öмой ков тэныд сьёлёмсянныд ме моз вочны?"

³⁴ Сköрмём ёксы уджйёзсо дзоньнас вештытёдзыс сетіс кесъялысьсö дойдалодны.

³⁵ Онё кё ті сьёлёмсянныд вокныдлыс мыжсö вештой, енәжывив Айёй тшотш тадзи тіяны вочас».

19 ЮРПАС

Гöтырёс эновтём иылысь

¹ Тайёс висьталём бёрын Иисус муніс Галилей мұыссы Йордан ю сайё, Юдей муёдз воис. ² Зэв уна йёз муніс Иисус бёрысь. Висысысьясöс сийё бурдёдаліс.

³Исус дінö войсны парисейяс, сiйöс донъялёмён найö юалiсны: «Быд помка вöсна-ö морт вермас гётырсö эновтны?» ⁴Исус вочавидзис: «Энö öмой лыддылой: ”Ен аймортöс, аньös вöчис. ⁵Та вöсна морт ай-мамсö эновтöмён öтлаасьö гётырыскöд. Найысь кыкысь öти яй артмö”. ⁶Сiдзкö, найö абу нин кык, найö öти. Енлысь йитöмасö морт мед ториöдтöг кольö».

⁷Парисейяс Исуслысь юалiсны: «Мыйла нö Мöсей шулöма, мортыслы гётырсö эновтiгас пö колö сетны сылы ториöдчан гижöд?» ⁸Исус вочавидзис: «Мöсей лэдзис тiянлы эновтны гётыръяснытö, зэв чорыд сьёлёмайс тi да. Водзяныссö тадзи эз вöв. ⁹Ме тiянлы шуа: тэ кö эновтан тэнö пöриöдлытöм гётыртö, сэсся босытан мёдöс, тэ сiдзкö гозъякост торкан. Эновтöм аньös босытысыс гозъякостсö тшötш торкö».

¹⁰Велöдчысысыс шуисны: «Сэки бурджык гётыртöг овны». ¹¹Исус вочавидзис: «Сöмын Енлон бöриöмаяс менсым кывъясöс гёгöрвоасны, мукöдys оз. ¹²Уна помка вöсна морт оз вермы босытны гётыр: öтияс мам кынöмсяныс нин татшöмөс, мёдъясысь йöз татшöмъяссö вöчисны, коймёдъяс Ен ыджыдалöм вöсна гётыртöг олöны. Верманныд кö гёгöрвонытö, гёгöрвоöй».

Ныв-пиянлы бурсиöм

¹³Исус дінö ныв-пиянöс вайёдісны. Локтысьяс кёсийсны, медым Исус ичötъяслы юр выланыс кисö пуктылёмён на вёсна Енлы кевмас. Вайёдышыссö таысъ велёдчыссыс вёйписны. ¹⁴Исус налы шуис: «Лэдзёй ныв-писö. Энö кутой найёс ме дінö локтöмысъ. Ен ыджыдаланінсö на коддёймлы лёсъёдöма». ¹⁵Исус налы кисö юр выланыс пуктыліс, та бёрын сэтысъ муніс.

Вермас-ö озырыс мездмыны?

¹⁶Öти морт воис Исус дорё, юаліс: «Велёдышь, кутшом буртор меным колё вёчны помтём олёмö веськалём могысъ?» ¹⁷Исус вочавидзис: «Мыйла тэ менсыым буртор йывсыс юалан? Енмыс öтнас сёмын бур. Кёсъян кё веськавны помтём олёмö, ов тшёктöмъяс сертиыс». ¹⁸Мортыс юаліс: «Кутшом тшёктöмъяс?» Исус вочавидзис: «Эн ви, гозъякост эн торк, эн гусяв, мыжданінын йёзсö эн сукляв, ¹⁹ай-мамтö пыдди пукты, матыс морттö астыö моз мусмöд». ²⁰Том мортыс шуис: «Том кадсяньй нин ме ола тайё тшёктöмъяс сертиыс. Мый нёшта оз тырмы?» ²¹Исус вочавидзис: «Кёсъян кё бурсыыс-бур лоны, мун, эмбуртö вузав, сёйтö абуётмаяслы сетав. Сэки енэжын тэнүйд озырлуныд вичмас. Сы бёрын лок, мекёд ветлёдлы». ²²Том

мортлён озырлуныс уна вёлёма. Тайё кывъяссö
кылём бёрын сiё шогё усис, вешийис сiё Иисус
дiнысь.

²³Сэки Иисус велёдчысысылы шуис: «Веськыда
висьтала: Ен ыджыдаланiö озырыдлы веськав-
нытö сьокыд. ²⁴Содта на: верблюдлы кокниджык
ем пыс пыр мунны озырлы Ен ыджыдаланiö весь-
калём дорысь». ²⁵Тайё чуймёдiс велёдчысыссö.
Найё юалiсны: «Кодi нö сiдзкö мездмас?» ²⁶На вылö
синсö чöвтлёмён Иисус шуис: «Мортлы тайё вермы-
тёмтор, Енлы быдтор вермана».

Велёдчысыслы лоана козин

²⁷Сэки Петыр юалiс: «Ставсö эновтёмён тай тэ
бёрысь мунiм. Мый ми татысь босьтам?»

²⁸Иисус налы шуис: «Веськыда висьтала: выль
муюгыдын Морт Pi ас дзиrдалёмнас ыджыдалан
пуклосö пуксяс, сэки тшötш tí, ме бёрся мунысыя-
сöй, дас кык ыджыдалан пуклос вывсянь Израиль
дас кык котырён веськёдланныд. ²⁹Быдёнлы тiян
пишьс гортнытö, вокъяснытö, чойяснытö, айнытö,
мамнытö, ныв-пияннытö, ыбнытö менам ним вёсна
эновтёмаяслы сё пёвстён бёр воас, тшötш помтём
олёмö веськаланныд. ³⁰Онiя уна воддза бörъяö усяс,
бörъяыс воддза каяс».



Винатусяпу йёрын уджалысьяс

¹«Ен ыджыдаломыс татшом: Керка кутысыыс асывводзсяныс мунас медавны аслас винатусяпу йёрө уджалысьясоc. ²Сийө воас öти кывйө уджалысьяскöд. Луныс динар мынтыны кöсийсöмён сийө мёдёдас уджалысьяссö винатусяпу йёрас. ³Öкмис часын керка кутысыыс петас ывлАО, аддзас: медасянин уджтöг сулаласны йöz. ⁴Сийө налы шуас: ”Муной тшötш винатусяпу йёрам. Ме колана ног мынта тiянлы”. ⁵Найө мунасны. Дас кыкын, сэсся куим часын керка кутысыыс бара ывлАО петавлас, бара воддза мозыс вöчас. ⁶Вит час гöгöр сэсся ывлАО петас. Сэнi кодсюрө на сулалас. Сийө налысса юалас: ”Мыйла нö лунтыр танi сулаланныд, кадсö колляланнныд?” ⁷Найө вочавидзасны: ”Ми колим медавтöг”. Сэки сийө налы шуас: ”Муной тшötш винатусяпу йёрам. Колана ног мынта тiянлы”.

⁸Рыт пуксяс. Керка кутысыыс овмös нүöдьссылы шуас: ”Кор уджалысьястö, мынты налы. Бöрынджык воёмаяслы мынты водзджык, сы бöрын наöдз воёмаяслы”. ⁹Вит часын воёмаясыслы динар сетасны. ¹⁰Воддза воёмаясыс мёвпаласны – налы унджык мынтасны. Налы тай тшötш сöмын динар мынтасны. ¹¹Удждон босьтöм бöрын керка

кутысылы найё шуаласны: ¹²”Бёрынджык воёмаяс сёмын ёти час уджалісны, налы тэ мынтан нач миянлы моз, кузь лунтыр пöсь шонді улас мырсысысьяслы”. ¹³Керка кутысь ётилы воча шуас: ”Ёртой, тэнё ме эг ыллодлы, эг öмөй ме кёсийысылы динар мынтыны? ¹⁴Бость динартö да мун. Ме кёсъя талы, бёрвыв воёмаяслы, тэныд моз тшётш мынтыны. ¹⁵Ог öмөй ме вермы ассым сьомёс видзны ас кёсийом серти? Петкёдлö-ö менам бурлуной тэнсыид вежтö?”

¹⁶Тадзикён онія воддзаясыс бёръяясö усясны, бёръяасыс воддзаясö каясны. Унаёс корёны, этш-аёс бёриёны тай».

Исус бара сёрнитö кулём йывсыыс

¹⁷Ерусалим карлань туй выйті вölі найё мунёны. Иисус ассыыс дас кык велöдчыссысö ториёдёмён висыталіс налы: ¹⁸«Оні ми Ерусалим карö воам. Сэні Морт Пиёс сетасны аркирейяслы, Гижёдö велöдьысысьяслы. Найё мыждасны, шуасны вины сiйös. ¹⁹Сiйös сетасны Ентöг олысьяслы. Найё сiйös увтыртасны, орсон нöйтасны, сэсся тувъяласны. Коймёд луннас сiйö ловзяс».

Вокъяслён корём

²⁰Иисус дiнö Зебедей гöтыр пияныскöд локтiс. Пидзёс вылас аныыс кёсийис мыйкö сылысь корны.

²¹Исус юаліс: «Мый тэ месянь виччысян?» Мёдыс вочавидзис: «Пуксьёд менсым қыкнан пиös ыджыдаланінад аскёдыд орччоныд, ётисö весъкыдладорад, мёдсö шуйгаладорад». ²²Исус вочавидзис: «Ті онö гёгөрвöй коранторныдтö. Верманныд-ö ті меным дасытöм дозсö юны? Верманныд-ö менам пыртöмö ме моз пырны?» Найö вочавидзисны: «Вермам». ²³Сэки сiйö шюö: «Менсым дозиöс тi юанныд, менам пыртöмö ме моз пыранныд. Пуксьёдавны месянь ётарö-мёдарö – тайö бара абу ме сайын. Менам Айöй сэтчö пуксьёдысыыс».

²⁴Дас велöдчысыысöс кык воклён кывъясныс дöзмёдісны. ²⁵Ас дiнас найöс корёмён Исус шуис: «Тi тёданныд, ёксыяс асланыс йöз вылын ыджыдаётёны, муён весъкёдлышысыс йöзсö ас вын уланыс кутёны. ²⁶Тадзи энö вöчöй. Үджыдö пуксыны кёсийсыыс ачыс мед кесьялас. ²⁷Юралысö пуксыны кёсийсыыс мед вер* моз олас. ²⁸Морт Pi эз локсылы кесьялём могысь. Ачыс локтiс кесьявны, став йöзöс мынтöм могысь ассыыс олёмсö сетны».

Кык синтöмöс бурдöдöм

²⁹Ерико карысь петiганыс Исус бёрся ыджыд йöз чукёр локтiс. ³⁰Туй дорын пукалiс кык синтöм морт. Исуслысь на дортi мунöмсö қылiгён найö горёдісны: «Үджыдöй, Давид Pi! Мезды-отсав

* 20:27 вер – слуга, раб.

миянлы!»³¹ Йёзыс найёс ёлодісны горзёмсыныс, найё тай ёнджыка на горзісны: «Ыңдыой, Давид Пи! Мезды-отсав миянлы!»³² Исус сувтіс, ас дінас найёс коромён юаліс: «Мый ті көсъяниш?»³³ Найё вочавидзисны: «Синмөд бёр миянёс». ³⁴ Налысь шогсө Исус съёлёмас босытіс. Синманыс сійё кинас инмёдліс – пырысь-пир найё аддзыны кутісны. Кыкнаныс сәссея Исус бёрся мёдісны.

21 ЮРПАС

Исус пырё Ерусалимё

¹ Ерусалим карлань мунігён Исус велодчысысыс-көд воисны Олив керөсін пукалысь Бейпаги сиктö. Исус аслас кык велодчысыслы ² шуис: «Муной миянлы паныда сиктас. Сэтись ті дзик пыр аддзан-ныд домалом энь осёлөс, сы дінысь чаньсө. Домсо разьёмён вайёдой найёс ме дорё. ³ Та йылысь кө тіянлысь юаласны, висьталой: ”Миян ыңды-нымлы по найё колёны”, пырысь-пир тіянлы сетасны».

⁴ Быдтор тадзи артмис, Енсянь юёртысь пыр висьталомыс вемёсө порис:

⁵ – Висьталой Ерусалим карлы:
Видзёд, ёксыыд локтö!
Сійё рам, осёл вылын верзьома,
доддялём энь осёл чань вылын.

⁶Велёдчысьясы мунісны, тшёктём серти вёчисны. ⁷Чаня энь осёлёс найё вайёдісны, на мыш вылас паськомнысö пуктісны. Чань мыш вылас Иус пуксис. ⁸Йөзыс уна волі. Найё ассыныс паськомнысö туй вылас вольсалёны волі, мукодъяс пуюсь увъяссö чегъялёмён туй вылас волі пукталёны*. ⁹Бёрсяныс, водзвылас мунысь йоз чукёр горзіс:

— Ошкам-нимёдам тэнё, Давид Пи!
Ыджыдным нимсянь локтысылы бурсиом!
Ошкам-нимёдам енэжын Олысьös!

¹⁰Ерусалим карё пырём мысти став карыс гызис, быдён юалё волі: «Коді нё сійё?» ¹¹Йөзыс шуалісны: «Тайё Галилей мұуысь, Назарет карысь Иус, сійё Енсянь юортысь».

Исус вежа керкаын

¹²Вежа керкао пырёмён Иус сәтысь став вузалысь-нъобасысьсö ывлАО вётгліс. Сём вежлалан пызанъяс, гулю вузалан улөсъяс сійё пёродаіс, ¹³шус: «Гижёдыс висътало: "Менам керкаой – кевмысян керка". Ті тай сыйысь эмбур мырддялысьясылы дзебсянін вёчанныд».

* 21:8 Тадзи еврейяс петкёдлёмайс ассыныс торъя пыдди пуктёмнысö.

¹⁴Вежа керкао Исус дінө синтөм-чотысь войтыр локтіс. Найös сійö бурдöдаліс. ¹⁵Аркирейяс Гижöдö велöдысьяскöд аддзисны сылысь шензьöданаторъяссö, кылісны вежа керкаысь ныв-пильсь «Ошкам-нимöдам тэнö, Давид Пи!» горзöмсö. Тайö дöзмöдіс найös. ¹⁶Найö шуисны Исуслы: «Кыланö налысь горзöмсö?» Исус вочавидзис: «Кыла. Энö ті лыддьывлöй татшöм кывъяссö: ”Нёньпом кагаяс, ныв-пиян тэнö ошкасны-нимöдасны”». ¹⁷Найös сэтчö кольёмён Исус муніс кар сайö, Бетань сиктö, войбыд сэні оліс.

Косьмём инжир пу

¹⁸Карё асывводзнас локтігас Исуслён кынöмыс вölі сюмалö. ¹⁹Туй дорысь сійö инжир пу аддзис, видліс сійös. Сöмын коръяссö аддзöмён Исус пуыслы шуис: «Тусь-вотöс вайтöгыд водзö сэсся коль». Инжир пу пырысь-пыр косьмис.

²⁰Тайös аддзöмён велöдчысьясыс чуймисны, шуисны: «Кутшöм öдйö тайö пуыс косьмис!» ²¹Исус вочавидзис: «Веськыда тіянлы висьтала: эсканныд кё, онö кё падъялöй, ті вöчанныд та дорысь ёна унджык. Ті верманныд весиг тайö керöсыслы шуны: ”Чеччи аслад пукаланінсь, саридзö пуксы” – сідзи лоас. ²²Эскöмён кё кевманыйд, Ен тіянлы быдтор сетас».

Исуслён вын йылысь юалём

²³Исус бара вежа керкао воис. Сэні велодігас сы дінө воисны аркирейяс пöрысьяскöд. Найё сылысь юалісны: «Кутшом вынён тэ тайös вöчан? Коді тэныд татшом вынсо сетіс?» ²⁴Исус вочавидзис: «Ме тшотш тіяnlысъ юала. Воча кывныд бöрын ме тіяnlы вочавидза, кутшом вынён тайös ставсö вöча. ²⁵Коді Иванös ыстіс йöзös пыртавны? Енмысö, йöзыс-ö?»

Найё ас костаныс сёрнитöны вölі: «Шуам кö: "Енмыс", сійö мияnlы висьталас: "Мыйла сылы энö эскöй?" ²⁶Шуам-ö: "Йöзыс"? Йöзсыс полам, быд морт Ивантö Енсянь юörтысь туйöpunktö». ²⁷Найё Исуслы вочавидзисны: «Огö тöдöй». Сэки Исус шуис: «Ме, сідзкö, тіяnlы ог висьстав, кутшом вынён тайös ставсö вöча».

Кык пи йылысь висьт

²⁸«Мый ті та йылысь шуанныд? Öти мортлон кык пи вölі. Сійö öти пи дінас локтöмён шуис: "Пиöй, мун винатусяпу йöрö уджавны". ²⁹Пиыс вочавидзис: "Ме ог кöсйы". Сэсся мёвпсö вежис, муніс йöрас. ³⁰Айыс мöд пиыс дінö муніс, тадзикён тшотш шуис. Пиыс вочавидзис: "Айöй, муна дерт". Ачыс тай эз мун. ³¹Кодныс айныс кöсйöм серти вöчис?» Найё вочавидзисны: «Воддзыс».

Исус шуис: «Веськыда тіянлы висътала: лэдз-чысьём аньяс, вот перыйсьяс Ен ыджыдаланінö тіян дорысь водзджык веськаласны. ³²Иван тіянлы веськыд туй индіс. Ті тай сылы энö эской. Лэдз-чысьём аньяс, вот перыйсьяс сылы эскисны. Весиг тайös аддзылём бёрын ті энö кежой мыжа олан туйсыныд, сылы энö эской».

Винатусяпу быдтысь скёр войтыр

³³«Мёд велёдана висът кывзой. Керка кутысь аслас йёрас винатусяпуюс пуктас, гёгёрыс потшас, вотös пычканін кодъяс, йёрсо видзан джуджыд лэбув лэптас. Сэсся му уджалысьяслы йёрсо кörтымё сетас. Ачыс мёд муё мунас.

³⁴Вотös идралан кад пуксяс. Сійё мёдёдас ассыс кесъялысьяссö воём вотёслысь сылы колана юкён босътны. ³⁵Му уджалысьясыд кесъялысьястö кутасны: ётикös на пиысь нойтасны, мёдös – виасны, коймёдös – изъяласны. ³⁶Керка кутысь выль кесъялысьясöс мёдёдас, воддза сертиыс унджыкös. Налы тай тшётш сідзи вёчасны. ³⁷Та бёрын сійё му уджалысьяс дінö ассыс писö мёдёдас, мёвпыштас: "Менсым пиös найё пыдди нин пуктасны". ³⁸Писö аддзём бёрас найё мёда-мёдныслы шуасны: "Сы киö став эмбурыс вужас. Виам сійös, эмбурыс миянлы коляс". ³⁹Найё сійös кутасны, винатусяпу йёрсыс петкёдёмён виасны.

⁴⁰Мый вёчас йёр кутысыыс му уджалысьясылы локтём мыстыыс?»

⁴¹Найё вочавидзисны: «Тайё лёк войтырсö сïйö виёмён виалас. Йёрсö мукöдъяслы кörтymö сетас, воём вотёслысь сылы колана юкёнсö индём кадö торйöдьсяяслы».

⁴²Исус налы шуис: «Энö öмöй Гижöдьсь лыддывлöй:

— Керка лэптысьяс изсö шыбитисны.

Тайё изыйс öнi керка пельёс кутысь из.

Тайёс миян Ыджыдным вёчис.

Миян синъяслы тайё шензьёданатор.

⁴³Та вёсна ме тiянлы шуа: Енлысь ыджыдалёмсö тiянлысь мырдясаны, сiйöс Ен ыджыдаланiнö вотёс вайысь войтырлы сетасны. ⁴⁴Тайё изйö быд джöмдьсь кувтöдзыс доймас. Усяс кö тайё изыйс морт вылö, кувмён сiйöс лязöдас».

⁴⁵Тайё велёдана висътъяссö кылём бöрын аркирэяс парисейяскöд гёгёрвоисны: Исус на йылысь висъталö. ⁴⁶Найё кöсийисны сiйöс кутны, сöмын йöзсыыс полисны, йöзыс сiйöс Енсянь юörtтысьöpunktisны да.



Кöлысясян гаж

¹Исус висъталіс нöшта öти велёдана висът:

²«Ен ыджыдалом татшом: Пиыслы öксы кöлысь дасьтас. ³Ассыс кесъялысьяссö сiйö ысталас корны йöзöс кöлысясьны. Коромаясыс локнысö оз кöйыны. ⁴Сэки сiйö мукöд кесъялысьяссöс мёдöдалас, тшöктас найöс висътавны коромаясыслы: ”Сёянсö ме дасьтi, öшъяссö-куканъяссö начкёма, ставыс дась. Локтöй кöлысясьны!” ⁵Коромаяс пыдди оз пуктыны коромсö, мукöдлаö муналасны: öти аслас ыбö, мёд аслас вузаланiнö. ⁶Мукöдыс кесъялысьяссö куталасны, кувмёныс найöс нöйтасны. ⁷Сэки öксы ёна скöрмас. Сiйö ассыс тышка вынсö мёдöдас, морт виысьяссö виалас, налысъ карнысö сотас. ⁸Сэсся кесъялысьясыслы öксы шуас: ”Ставыс кöлысь кежлö дась. Коромаясыс тай шогмытöмöсь вöлöмайс. ⁹Мунöй öнi туйвежъяссö, корой паныд быд локтысьсö кöлысясьны”. ¹⁰Кесъялысьяс мунасны, паныд быд бур, быд лёк весъкалысьсö кораласны. Кöлысясян вежöсис тырас.

¹¹Öксы пырас кöлысясьясыссö видзöдлыны. Синмас сылы усяс гажöдчан пасъёмтöм морт. ¹²Öксы сылысъ юалас: ”Ёртöй, кызд нö тэ татчö гажöдчан пасъёмтöг пырин?” Мортыс чöв олас. ¹³Сэки öксы тшöктас кесъялысьясыслы: ”Ки-коксö

көртавлёмён пемыдас сійёс шыбитой. Сэтись бёрдом, пинь ииран шы кылас. ¹⁴Унаёс короны, этшаёс бёриёны тай”».

Вот мынтом йылысь

¹⁵Парисейяс ас костаныс сёрнитісны, шуисны Исуслысь кывсо кыйны. ¹⁶Найё сы дінё мёдёдісны ассыныс велёдчысъяснысö, Ирёдлысь йёзсо тшётш. Локтёмаясыс шуисны: «Велёдысь, ми тёдам, тэ пыр веськыда, повтöг сёрнитан, морт вылó видзöйтöг Ен туйёд веськыда мунны велёдан. ¹⁷Сідзкё висъстав миянлы: Колё-оз Рим öксылы вот мынтыны? Кыдзи тэ ног?» ¹⁸Налысь лёк кёсийомнысö казялёмён Исус шуис: «Кык бана шаньгаяс! Мыйла ті көсъянныд менё донъявны? ¹⁹Петкёдлой меным вот мынтан съёмнытö». Найё динар петкёдлісны. ²⁰Исус налысь юаліс: «Кодлон сэні чужомыс-нимыс?»²¹Найё вочавидзисны: «Рим öксылён». Исус налы сәки шуис: «Öксылы öксылысь сетёй! Енлы Енлысь сетёй!» ²²Тайёс кыломуясь найё чуймисны, Исусоц эновтёмён асланыс туйёд муналісны.

Ловзьём йылысь

²³Саддукеяяс эз эскины мортлён куломуясь ловзьёмö. Сійё лунё Исус дінё воёмён саддукеяяс

юалісны: ²⁴«Велёдысь, Мөсей шулёма: ”Ныв-питём морт кё кулас, вокыслы коло сылысь гётырсö босытны, кулём вокыслы йылём лёсьёдны. ²⁵Миян пёвстын сизим вок волі. Йджыдыс гётрасис, сэсся ныв-писö колтöг куліс. Гётырыс вокыслы коли. ²⁶Тадзикён тшötш мёд вокыскöд артмис, сэсся коймёдysкöд, сизимнаныскöд ётитор волі. ²⁷Боръя по мас аныс куліс. ²⁸Сизимнан вокыс сайын аныс овліс, ловзьём бёрас кодлы сїйö лоас гётыр?»

²⁹Исус вочавидзис: «Онö тi тёдöй Гижёдъяссö, онö тёдöй Енлысь вынсö. Та вёсна ылаланныд. ³⁰Ловзьомаяс гётырсö оз босытны, верös сайё оз мунны. Найё енэжывыв андельяс кодьёс. ³¹Ловзьом йылысь Енлысь тiянлы висъставлёмсö эн öмёй лыддывлой: ³²”Ме Öврамлы Ен, Исаклы Ен, Яковлы Ен?” Сiйö абу куломаяслы Ен, ловъяслы сiйö Ен». ³³Тайös кылём бёрын йозыс сы велёдомысш шензисны.

Йджыдысь-ыджыд тшöктöм

³⁴Парисейяс кылісны: саддукеяясöс Исус ланьтöдöма. Чукörtчом парисейяс ³⁵пёвстысь Гижёдö ёти велёдысь Исусöс донъялём могысь юаліс сылысь: ³⁶«Велёдысь, оланподулысь кутшöмджык тшöктöм тёдчана?» ³⁷Исус вочавидзис: «Тэнсыыд Йджыдтö, Енмöс став сьёлёмсяяныыд, став ловнад, став мывкынад мусмöд. ³⁸Тшöктöмъяс пынсы тайё ыджы-

дыс, тёдчаныс. ³⁹Мёдыс воддза кодыс тшётш тёдчана: Матыс морттö асьтö моз мусмöд. ⁴⁰Тайё кык тшёктöмыс Мёсей оланподувлы, Енсянь юёртысьяслы подулыс».

Мездысь йыллысь юалём

⁴¹Исус юаліс сы гёгёр сулалысь парисейяслысь: ⁴²«Тіян ногён кодлён Мездысь пыыс?» Найё вочавидзисны: «Давидлён. ⁴³Сэки Исус юаліс: «Мыйла нö Лов ышёдіс Давидös нимтыны-пуктыны сiйös Үджыдö? Давид шуö:

⁴⁴ – Миян Үджыдным менам Үджыдойлы шуис:

”Веськыдладорам пуксы.

Тэнсыыд лёквöчысьястö тэнсыд кок улад пуктала”.

⁴⁵Давид кё шуö, Мездысь по сылён Үджыдys, пи-ö Мездысыс сылы?»

⁴⁶Исуслы вочавидзнысö морт эз сюр, сiйö лунсяныс эзджык нин лысътны сэсся сылысь юавнысö.



Асьсо вылө пуктөм йылысь

¹Йөзлы, велёдчысъясыслы Иисус висьталіс:

²«Парисейяс, Гижёдö велёдысьяс оні Мөсей пуклөс вылынөсь. ³Вöчöй ставсö на шоюм серти, налысь велёдомнысö кывзöй. Сöмын на ногсö энö олöй: найö öтитор шуöны, мёдтор тай вöчöны. ⁴Найö сьокыд нöбъяс кöртавлöны, йöз пельпом вылö найöс пукталöны. Асьныс бара нуны оз отсавны. ⁵Быдтор найö йөзлы петкöдлöм могысь сöмын вöчöны. Кутшöм паськыдöсь кымöс выланыс налён кевмысян кудъясныс! Кутшöм кузьöс паськöм тугъясныс!* ⁶Налы воö сьёлём выланыс гажёдчигъясö тыдаланындыхык, еврей вичкоясын воддза улöсъяс вылын пукавны. ⁷Налы воö сьёлём выланыс, йозаинын кö найöс видзаалöны, нимтöны-пуктöны велёдысьё.

⁸Мед оз нимтыны тиянöс велёдысь нимён. Тиян сöмын öти велёдысь, тi мёда-мёдныдлы вокъяс. ⁹Му выв олысъёс энö нимтöй-пуктöй Айö. Айныд тиян сöмын öти – енэжвыв Ай. ¹⁰Мед тиянöс туй

* 23:5 Паськöм быд помын еврейяс новлісны тугъяс. Тадзи найö петкöдлісны Енмös пыдди пуктöмнысö.

Мөсей оланподув серти еврейяс пасьтавлісны ас выланыс ичöтик кучик кудъяс. Сэтчö волi пуктывлöны Гижёдысь кывъяс. Парисейяс асьнысö енногаджыка петкöдлöм могысь татшöм кудъяссö вöчлісны гырысъджыкёс.

индалысьё оз пуктыны. Туй индалысыс тіян сөмын öти – Мездысь. ¹¹Тіян пöвстysь ыджылдджык-ныд кесьялö мед. ¹²Вылö пуксысысьюс улö лэдзасны, улö пуксысысьюс вылö лэптасны».

Ой-я тi!

¹³«Ой-я Гижöдö велöдысьяс! Ой-я парисейяс! Кык бана шаньгаяс! Ен ыджыдаланiнö öдзöссö йöз водзын тi пöдлаланныд. Пытшас тi асыныд онö пырой, сэтчö пырны кöсийсъяссö тшötш онö лэдзöй.

¹⁴Ой-я Гижöдö велöдысьяс! Ой-я парисейяс! Ве-рöstög кольём гöтыръяслыс овмöснысö тi нёняланныд, асынытö йöз водзын петкöдлöм могысь кузя кевманныд. Таыс тiянöс чорыда мыжdasны!

¹⁵Ой-я Гижöдö велöдысьяс! Ой-я парисейяс! Кык бана шаньгаяс! Тiян бöрся öти мунысьюс аддзöм могысь тi мусö-васö вуджанныд. Сюрас кö сэтшöмыс, куслытöм биö мунысьюс тi сыйс вöчанныд, асыныдыс кык пöв лёкджыкös.

¹⁶Ой-я синтöм нуöдысьяс! Тi шуанныд: ”Морт кö вежа керка водзын кыв сетас, сiйö асысö оз ийт. Морт кö сетас кыв вежа керка зарни водзын, сiйö кыв сетöмнас асысö иитас”. ¹⁷Синтöм-мывкыдтöмъяс! Кодыс тöдчанаджык: зарниыс-ö, зарнисö вежöдыс вежа керкаыс-ö? ¹⁸Тi тшötш шуанныд: ”Морт кö сетас кыв Енмöс козыналанiн водзын,

сійö асьсо оз йит. Морт кё сетас кыв Енмёс козыналанінö пуктöм сетантор водзын, сійö асьсо йитас".

¹⁹Синтöмъяс! Кодыс тöдчанаджык: сетанторыйс-ö, сетанторсö вежöдысь Енмёс козыналаніныс-ö?

²⁰Морт кё Енмёс козыналанін водзын сетö кыв, сідзкё Енмёс козыналанін быдтор водзын тшöтш сетö кыв. ²¹Морт кё вежа керка водзын сетö кыв, сідзкё вежа керкаын олысь водзын тшöтш сетö кыв. ²²Морт кё енэж водзын кыв сетö, сідзкё Ен пукаланін водзын, сэні пукалысь водзын кыв сетö.

²³Ой-я Гижöдö велöдысьяс! Ой-я парисейяс! Кык бана шаньгаяс! Тi мынтанныд чöссыд турунлысь, анислысь, тминлысь дасöд юкёнсö. Оланподулысь тай тöдчанаджыксö: веськыда вöчöмсö, отсöг сетöмсö, эскöмсö – пыдди он пуктöй. Воддзаяссö вунöйтöг буретш тайös тiянлы колö вöчны. ²⁴Синтöм нуöдысьяс! Номийös тi сысъяланнид, верблюдöс тай нылыштанныд!

²⁵Ой-я Гижöдö велöдысьяс! Ой-я парисейяс! Кык бана шаньгаяс! Юан дозныдлысь, тасытiныдлысь ортсысö эськё весаланнид, пытшкёсныс тай гусялёмён-ылётлёмён тырёма. ²⁶Синтöм парисей! Водджык пытшкёссяныс юан дозтö весав, сэки ортсысяныс тшöтш сiйö сöстöммас.

²⁷Ой-я Гижöдö велöдысьяс! Ой-я парисейяс! Кык бана шаньгаяс! Тi еджыдöн мавтöм гортьяс кoдьось. Ортсысяныс найö мичаöс, пытшканыс тай

шой лыыс, быд сикас пежыс тыр. ²⁸Татшом ногон ті ортсысянның, йөз син водзын, веськыда олысьяс кодьось, пытшкөссянның тай ті ылодёмён, мыж вöчомён тырёмның.

²⁹Ой-я Гижөдө велодысьяс! Ой-я парисейяс! Кык бана шаньгаяс! Еңсиян юортиссылы дзебаниньяс выланыс казтылан изъяс ті лэптанның, веськыда олысьяслы ті дзебалан изъассо мичмёдаланның. ³⁰Ті шуаның: "Овлім кө ми пöрысь пöльясным кадө, накөд отвыв эськө Еңсиян юортиссылысь вирнысö эгö кисьтöй". ³¹Асынның тай ті висьталаның аслының паның: ті Еңсиян юортиссысöс виысьяслон йылём. ³²Пöрысь пöльясныдлысь уджнысö водзö вöчöй! ³³Змейяс, змей йылём! Куслытöм биö веськаломысь кыдзи ті мынаның?

³⁴Кызвöй: Тіян дінö юортиссысöс, ыджыд вежöра йозёс, велодысьяссöс ме мёддона. Отияссоң ті вианың, мёдъяссöс крестö тувъяланың, мукöдъяссöс еврей вичкоясын орсон нойтанның, карысь карö вöтлаланың. ³⁵Став веськыда олысьылысь му вылö кисьтöм вирысь ті мыжаоьс: веськыда олысь Авель вирсиян Баракъя пи Закар вирöдз. Вииинның ті сийös вежа керка водзын, Енмös козыналанинланың. ³⁶Веськыда тіянлы висьтала: таысь быдториысь тайö чужанвужыйылы ковмас на кывкутны!"»

Ерусалим вёсна шог

³⁷«Ерусалим кар! Ерусалим кар! Тэ Енсянь юёртысьясоc виалан, тэ дінö ыстомаяссоc изъялан. Кымынысь ме тэнсыыд ныв-питöötлаö кёсий чукörtнү ассыыс пиянсö борд улас чукörtтись лэбач моз. Энö тай тi кёсий локнытö! ³⁸Кывзöй: тiян вежа керканыд тыртöммас. ³⁹Тiянлы ме шуа: "Ыджыдным нимсянь локтысылы бурсиöм!" кывъяснытö шутöдзныд тi менö онö нин аддзылöй».

24 ЮРПАС

Вежа керка жугёдём йылысь

¹Исус вежа керкаысь петiс, мёдiс мунны. Сы дiнö локтiсны велёдчыссыс, найö сылы кёсийсны петкёдлыны вежа керка, сы йёрö лэптöм мукöд керкаяс. ²Исус сэки налы шуис: «Аддзанныд-ö ставсö тайös? Веськыда тiянлы висьтала: быдтор танi жугёдасны, татчö из вылö из оз коль».

³Исус Олив керöсын öтнас пукалö волi. Велёдчыссыс си дiнö локтiсны, юалiсны: «Кор ставыс тайö лоас? Кутшöм пас серти тэнад воём йывсыыд, тайö нэм пом йывсыс ми тöдмалам?»

⁴Исус вочавидзис:

«Видзёдöй, тiянöс мед эз ылёдлыны. ⁵Унаён менам нимён локтасны, Мездысöй пуксыласны,

унаёс ылёдласны. ⁶Матын-ылын мунан тышъяс йылысь ті тёдмаланныд. Сөмын ті энё полёй. Тадзи колё лонысö. Абу на помыс тайö. ⁷Войтыр войтырлы паныд сувтас, му мёд мұлды паныд. Быдлаын тшыгъяласны. Мұыс сыркакылас. ⁸Тайö кага чужтём водзвылын орйёдлан дойяс кодь.

⁹Тіянёс дзескыдінъясö пуксьёдаласны, унаёс виаласны. Менам ним вёсна став войтырыс тіянёс мустёмтас. ¹⁰Сэки унаён эскёмнысö эновтасны, мёда-мёднысö вузавласны, мёда-мёднысö мустёмтасны. ¹¹Уна ылög юörtтыс чужас, унаёс найö ылёдласны. ¹²Лёкыс ёна содас, уналён муслуныс кусас. ¹³Помёдз сьёкыдсö пыкысыыс сөмын мезд мас. ¹⁴Ен ыджыдалёмлыш бур юёрсö муюғыд пасьталыс юортасны, быд войтыр тёдмалас сійёс. Сэки помыс воас».

Весьёпörtана лоёмторъяс

¹⁵«Отчыд аддзанныд ті вежайнö сувтöдöм пеж зывёк петкёданторсö. Сы йылысь Данил юорттыс висъставлöма. Тайöс лыддысь, гёгёрво! ¹⁶Юдей мұын олысъяс керöсъясö сэки мед пышъяласны. ¹⁷Мортыс кё керка вевт^{*} вылас веськалас, керкаö мед кёлуйысла оз пыр. ¹⁸Видз-му вылын уджалысьлы керкаас паськомысла мунны оз ков. ¹⁹Ой-я тайö

* 24:17 Палестин мұын керка вевтъясыс вёчлісны сёйись, найö воліны шылышыдöсь. Сэні йöz вермисны вёчны посни уджъяс, шойччыны.

лунъясö нöбасьыс-нёньöдчыс аньяс! ²⁰Енлы кевмой, мед эз ковмы пышынытö тöлын, мед шойчан лунö эз ковмы пышынытö. ²¹Му пуксьёмсянныс тайö лунöдзыс вёвлытöм на шог суас, оз нин ло сэтшöмыс водзö. ²²Енмыс кö тайö кадсö оз дженьдöд, ловъя морт оз коль. Аслас бöриёмаяс вöснаыс тай сiйö тайö кадсö дженьдöдас.

²³Тиянлы кö сæk шуасны: "Мездысыс танi", шуасны кö: "Мездысыс сэнi", энö эскöй. ²⁴Сэки ылög мездысьяс, ылög юörtтысьяс чужаласны. Найö шензьöданаторъяс, ыджыд пасъяс вöчаласны, видласны весиг бöриёмаясöс ылöдлыны. ²⁵Ме тайös тiянлы водзвыв висьталi.

²⁶Тиянлы кö шуасны: "Сiйö овтöминас", сэтчö энö мунöй. Шуасны кö тiянлы: "Сiйö керка пытшкас", энö эскöй таö. ²⁷Морт Пи локтас енэжсö асыывывсянъ рытыввылöдз ўюри потköдьис чардби моз. ²⁸Шой дiнö кутшъяс лэбзыывлöны».

Морт Пилён локтöм

²⁹«Тайö шог лунъяс бöрын шондöыс регыд пемдас. Тöлысыыс кусас. Енэжкись кодзувъяс усяласны, енэж вынъяс вörзялассы-сыркмунасаны. ³⁰Сэки енэжкись аддзасны Морт Пилыс пассö. Кыморъя-сöд дзирадлöмён, ыджыд вынöн Морт Пи локтас. Сiйös аддзигён му выв став йöз ымзöмён бöрддзасны. ³¹Сюргумлöн гора шыён ворсiгкостi сiйö мё-

дёдас анделъясөс муюгыд нёльнан пельёссо. Сылысь бёриймаяссö енэж дорсянь дорёдзыс найё чу-кортасны».

Инжир пу йылысь висът

³²«Инжир пусянь велалёй. Сылён гаръяс польд-чигас, коръяс потигас тёданыд: гожём матын нин. ³³Тайёс ставсö аддзиганыд тшётш тёданыд: сïё кадыс матын нин, дзик орчён нин. ³⁴Веськыда тіянлы висътала: тайё чужанвуж быртёдзыс на ставыс лоас. ³⁵Муа-енэжайыс бырас, менам кывъя-сöй – оз.

³⁶Тайё лунсö, тайё кадсö тёдысыыс абу. Оз тёдны анделъяс, Пиыс весиг оз тёд, сёмын Айыс тёдö сийёс. ³⁷Морт Pi воан лунъясö Ной лунъясö моз лоё. ³⁸Ойдлом водзвылас, Нойлён ыджыд пыжас пыран лунёдзыс йözьыс сёйисны-юисны, гётырнысö босъталисны, верёс сайё муналисны. ³⁹Ойдтыдзыс, ставнысö вöйттёдзыс та йылысь морт эз тёд. Морт Pi локтiгён тадзи лоас. ⁴⁰Видз-му вылын уджалас кык морт: мёдсö босътасны, мёдсö колясны. ⁴¹Изанiнын кык ань изас: мёдсö босътасны, мёдсö колясны.

⁴²Дасьтöй асынытö! ыджыдныдлыс локтёмсö онö тёдöй. ⁴³Гёгёрвоанныд ёд асыныд, керка кутысь кё тёдiс гусясысылысвойын локтан кадсö, сïё эськё кок вылас вёлi, керкаас эськё сийёс эз лэдз.

⁴⁴Дасътой инё асынтыö: тіянлы тёдтём кадё Морт Пи воас».

Бур да омоль кесъялысьяс

⁴⁵«Олой ылодлытöг, мывкыда кесъялысь моз. Керка кутысыс сiйös мукöд кесъялысыс вылö ыджыдö пуктывлö ас кадё сёян-юан налы юклынысетны. ⁴⁶Керка кутысыс кё гортас воигён аддзё ассыс кесъялысьсö уджалiг, шуда татшом кесъялысыыд. ⁴⁷Веськыда тіянлы висътала: ассыс став овмёссö сылы видзны сетас.

⁴⁸Шогмытём кесъялысыс мёвпыштас: "Керка кутысьой дыр на оз во". ⁴⁹Сiйö пондас ёртъяссö нойтавны, кодалысьяскöд сёйны-юны-гажъявны. ⁵⁰Кесъялысылы тёдтём лунö, сылы лёсявтём кадё сылён ыджыдys воас. ⁵¹Сiйö кесъялысьсö мыждасвиас. Мортыс кык бана шаньгаяскöд отлаö веськалас. Сэтыс бёрдём, пинь ииран шы кылас».

25 ЮРПАС

Дас ныв йылысь висът

¹«Ен ыджыдаломыс татшом: Югдёдан биа дозъясён дас ныв верёспулы паныд петасны. ²Витыс – вежёра, витыс – йойёсь. ³Йойяс дозъяссö

босътасны, выйсö – оз. ⁴Вежёраясыс биа дозъясысь кындзи вый тыра дозъяс тшötш босътасны. ⁵Верёс-пуыс дыр оз во, став нылыс мудзёмнысла вугыртас. ⁶Войшёрнас кылас горзём: ”Верёспу локтö! Мунöй, сiйös паныдалöй!” ⁷Сэки нывъяс садьмасны, биа дозъянсысö лёсъдаласны. ⁸Йöй нывъяс вежёрая-сыслысь корасны: ”Миян биным кусö, выйнытö сетьштöй!” ⁹Вежёраяс вочавидзасны: ”Огö, став-нымлы выйыс оз тырмы. Ньобöй вузалысьяслысь”. ¹⁰Йöй нывъяслён выйла мунöм бöрын верёспуыд воас. Дась нывъяс сыкöд кёлысясьны мунасны. Сэсся öдзöссö игналасны. ¹¹Йöй нывъяс сэтчö тшötш воаласны, горзасны: ”Ыджыдöй, лэдз миянöс!” ¹²Сiйö налы вочавидзас: ”Веськыда тiянлы висьтала: ме бара тiянöс ог тöд”.

¹³Дасьтöй ассынытö! Онö тöдöй Морт Пилысь воан лунсö-кадсö».

Куим кесъялысь йылысь висьт

¹⁴«Ен ыджыдалöмыс татшöм: Морт аслас мусысь шуас мунны. Мунöм водзвылас корас кесъя-лысыяссö, ассыыс эмбурсö налы коляс видзны. ¹⁵Öтилы зарни сьёмсö сетас вит талан, мёдлы кык, коймёдлы öти талан. Быдёнлы вежёр сертиныс сеталас, сэсся мунас.

¹⁶Вит зарни талансö босътысыс пырысь-пыр сьёмсö уджö пыртас: вит талан содтöд босътас.

¹⁷Тадзи тшётш мёдыс: содтёд босътас кык талан.

¹⁸Оти зарни талан босътысыс кодъяс муё гёп, ыджыдыслысь сьёмсö сэтчö гуалас-дзебас.

¹⁹Дыр мысти ыджыдныс воас гортас, ас динас кесъялысыяссö корас, сьём йывсыныс налысь юалас. ²⁰Вит талан босътысыс на кындзи мёд вит талан ваяс, шуас: "Ыджыдöй, тэ меным витöс сетлін. Видзöллы, на динё ме мёд витöс содтi". ²¹Ыджыдыс сылы шуас: "Бура вöчин! Тэ бура, лöссыда кесъялан. Этша тэ бура вöчин, унаджык ме тэныд сета. Лок, ётлавын гажöдчам-нимкодясям".

²²Кык талан босътысыс локтас, шуас: "Ыджыдöй, тэ меным кык талан сетлін. Аддзан тай, на динё ме мёд кыкёс содтi". ²³Ыджыдыс сылы шуас: "Бура вöчин. Тэ бура, лöссыда кесъялан. Этша тэ бура вöчин, унаджык ме тэныд сета. Лок, ётлавын гажöдчам-нимкодясям".

²⁴Та бёрын оти талан босътысыс воас, шуас: "Ыджыдöй, ме тёда, тэ чорыд сьёлёма морт: кöдзлывтöминсыд тэ вундан, пуктывлытöминыс чукörtан. ²⁵Ме тэйсис полёмён талантö муё гуавлі-дзеблі. Танi тэнад сьомыд". ²⁶Ыджыдыс сылы вочавидзас: "Тэ шогмытöм дыш кесъялысь! Тэ тёдiн, ме кöдзлывтöминыс вунда, пуктывлытöминыс чукörtа. ²⁷Сiдзкё тэныд колi менсым сьёмös уджö пыртны, локтiгкежам эськё меным сыысь содтёд лоис. ²⁸Мырддöй сылысь талансö, дас

таланаыслы сійös сетöй. ²⁹Мортыслён кё эмышт, сылён содас на. Сылён коланасыс унджык лоас. Мортыслён кё абу, сылысь бёръясö босътасны. ³⁰Тайö шогмытöм кесъялыссыö татысь пемыдас шыбитöй. Сэтысь бёрдöм, пинь ииран шы кылас”». Сэсся Иисус шуис: «Быд пеля морт мед кылас!»

Бёръя мыждöм

³¹«Морт Пи дзирадалёмён анделъяскöд локтас, ыджыдалан пуклöсö пуксяс. ³²Быд войтырыс сы водзö чукöрмас. Морт Пи йözös мёда-мёдсыныс торйöдалас ыжъяссö козаяссы торйöдись видзысь моз. ³³Ыжъяссö сійö весъкыдладорас вётлалас, козаяссö – шуйгаладорас.

³⁴Сэсся весъкыдладорын суалыссыыслы öксы шуас: ”Локтöй татчö, менам Айлон бурсиöмаяс. Ен ыджыдаланынс öні тіянлы вуджö. Муюгыд пуксöмсяныс нин тіянлы сійös дасытöма. ³⁵Менам кынöмой сюмалö вölі, ті менö вердінныд. Менам горшöй вölі косьмö, ті менö юктöдінныд. Ме йöz мұыссы локті, ті ас дінаныд менö сибöдінныд. ³⁶Ме пасытöм вölі, ті менö пасытöдінныд. Ме вися вölі, ті менö видлавны волінныд. Ме вölі дзескыдіннын пукала, ті волінныд ме дорö”.

³⁷Сэки весъкыда олыссыас сылы шуасны: ”Ыджыдöй, кор вердлім тэнö тшыгъялігад? Кор юктаvlім тэнö горш косьмигад? ³⁸Коркö öмöй йöz мұыссы

mortös моз тэнö ас дінö сибöдлім? Кор пасытёмös тэнö пасытёдлім? ³⁹Кор висигад волім тэнö видлыны? Кор дзескыдінын пукалігад волім тэ дорö?” ⁴⁰Öксы сэки налы шуас: ”Веськыда тіянлы висьтала: вокъясой пиысь ёти ичötлы тайös ті вöчинныд – ті вöчинныд ставсö тайös меным”.

⁴¹Сэсся сійö шуйгаладорын суалысыяслы шуас: ”Вешйöй ме дінысь, ёромаяс. Мунöй куслытöм биö, Омольлы, сылён анделъяслы дасытöм биö. ⁴²Менам кынöмöй сюмалö вölі, энö тай ті менö вердыштöй. Менам горшöй вölі косьмö, энö тай ватор мыччöй. ⁴³Ме йöz мұысь локтi, энö тай ас орданыд корлöй. Ме пасытöм вölі, энö тай менö пасытöдыштöй. Ме вися вölі, энö тай менö видлалöй. Ме дзескыдінын вölі, энö тай волöй ме дорö”.

⁴⁴Сэки найö сылысь юаласны: ”Ыджыдöй, кор тэ тшыгъялін? Кор горшыд вölі косьмö? Кор йöz мұысь локтiн, пасытöг ветлін? Кор висылін, дзескыдінын вölін? Кор вермим тэныд ми отсавны? Эгö-ö ми аддзывлöй тайös?” ⁴⁵Сэки сійö вочавидзас: ”Веськыда тіянлы висьтала: ичötъяс пиысь ётилы тайöторсö ті энö вöчöй – меным ті тайös энö вöчöй!”

⁴⁶Найö сэсся помтöм сьöкыдсö пыкны мунасны, веськыда олысьяс – помтöм олöмö».



Исусös кёсйёны вины

¹Тайös ставсö висьталöм бöрын Иcус велöд-
чысъясылы шуис: ²«Кык лун мысти, тöданныд
тай, Ыджыд лун. Сэки Морт Пиös крестö тувья-
ласны».

³Сэки аркирейяс пöрысъяскöд пырисны Кайпас
керкаö сёрнитны. ⁴Найö шуисны Иcусös ылöд-
лёмён кутны, сэсся сiёös вины. ⁵Шуалiсны: «Огö
гажöдchan лунö кутöй сiёös, йöзыс вермас ыззы-
ны».

Бетань сиктын

⁶Бетань сиктын Симон ордын Иcус вöлi. Симо-
ныс висълöма кучик сiсьтан висъёмён. ⁷Сэтчö
локтiс ань, сiёö вальдi дозыйн чöсキーd кöрön öвтыс
дона вый вайис. Аныс Иcус сёйигкостi сылыс
юрсö дона выйнас киськалiс. ⁸Велöдчысъяс тайös
аддзигöн скöрысь шуалiсны: «Кутшöма вывтiасьö.
⁹Позис тайö выйсö ыджыд доныс вузавны, сёёмсö
корысъяслы сетавны».

¹⁰Тайös казялöмён Иcус налы шуис: «Мыйла тi
аньсö шёйёвоштанныд? Сiёö меным буртор вöчис.
¹¹Корысъяс тiян дорын пыр лоасны. Месö тi
дораныд пыр ог ло. ¹²Дона выйён киськалöмнас

аныыс менő дзебигкежлам дасътіс. ¹³Весьқыда тіянлы висътала: муюғыд быд пельёсын, бур юёр пасъкаланінын тайö аньсö казтывласны, вöчомтор йывссыс сёрнитасны».

Юда вузалö Исусöс

¹⁴Искаръёт Юда волі дас кык велöдчысысь ёти. Сйö муніс аркирейяс дїнö, ¹⁵юаліс: «Исусöс кö тіянлы вузала, мый меным сетанныйд?» Найö таысьpunktісны сылы дон – комын эзысь съём. ¹⁶Сэксянь Юда кутіс корсыны Исусöс вузавны лёсялана кад.

Ыджыд лун сёйём

¹⁷Шомтöм няня гажöдchan вежонысь медводдза лун волі. Велöдчысысьис Исус дїнö локтісны, юалісны: «Кытчö лöсъёдам тэнүд ыджыд лун сёяント?»

¹⁸Исус шуис: «Муной карö сэтшöмтö морт дорö, висъталой сылы, велöдысь по шуо: ”Менам кадой матысмö. ыджыд лун ыжсо тэ ордын велöдчысысьойкод сёя”». ¹⁹Велöдчысысьис Исус тшöктöм серти ыджыд лунö сёянтор дасътісны.

²⁰Рытын Исус дас кыкнан велöдчысыськод сёйёны волі. ²¹Сёйигкостаныс сїё налы шуис: «Весьқыда тіянлы висътала: тіян пиысь ёти менö вузалас». ²²Шогö усьёмён мёда-мёд бёрсяныс найö кутісны юавны: «Ог ѡд ме, ыджыдой?» ²³Исус

вочавидзис: «Менё вузалысыс мекёд öти тасътыйс сёйё. ²⁴Морт Пилы Гижёдын юörtём серти ассыс туйсо ковмас вуджны. Ой-я тай сийös вузалысь мортыс! Эз кё сийё чужлы, сылы эсько бурджык волі». ²⁵Сэки сийös вузалысь Юда юаліс: «Велёдысь, ог öд ме?» Иисус вочавидзис: «Тэ тайös шуан».

²⁶Сёйиганыс Иисус босытіс нянь, Енлы аттьёалана кывъяс шуиг чегис сийös, сетіс велёдчысьясылы, сэсся шуис: «Босытой-сёйёй, тайё менам яйёй». ²⁷Сэсся юан доз босытіс, Енмөс аттьёаліс, велёдчысьясылы сийös сетігас шуис: «Быдён татысь юёй! ²⁸Менам вирой тайё, йёза-Енма костын выль иитёд вирыс. Уна йёзларь мыжъяссö вештыны вирой петё. ²⁹Висьтала тай тіянлы: винатусысыс тайё юанторсö вомё ог босытлы онісянь Айёй ыдже даланінын тіянкод öтвыв выль вина юан лунёдзыс».

³⁰Аттьёсылём бёрын найё кайисны Олив керёсö.

Петыр кыв сетö

³¹Иисус велёдчысьясылы шуис: «Та войё ті ставныд менё эновтанныд. Гижёдыс висьтало: "Видзысьсö бырода, ыжъяс разі-пельё паськаласны". ³²Ловзём бёрам тіян водзвылын Галилей муё муна». ³³Петыр воча сылы шуис: «Весиг ставныс кё тэнё эновтасны – ме ог». ³⁴Иисус вочавидзис:

«Веськыда тэныд шуа: та войё, ”кикууллю” кывтöдзыс меысь куимысь тэ соссян». ³⁵Петыр шуис: «Тэысь соссым дорысь регылдджык тэкöд öтлаын кула». Мукöд велöдчысыс тшötш тадзи шуалисны.

Исус кевмö

³⁶Сэсся Иисус велöдчысысыскöд Гетсеман нима пуйёрö локтис, налы шуис: «Кольчой татчö, ме ветла сэтчаньё Енлы кевмыны». ³⁷Аскöдыс Петырös кыкнан Зебедей пияныскöд босытис. Ыджыд шогö-гажтöмö сiё уси. ³⁸Сiё налы шуис: «Шогыс лов кувмён. Виччысёй менё танi, узтöг мекöд олöй». ³⁹Сiё водзланьджык мунис, пидзёс вылас муёдз юрсö копыртöмён Енлы кевмис: «Айöй, позьё кё, вешты ме дiнысь тайö дозсö. Мед оз ло менам кöсиймöй серти, вöч ас ногыд».

⁴⁰Велöдчысыяс дiнас локтöм бöрын Иисус найöс узиг суис. Петырлы сiё шуис: «Ti тай öти чассö мекöд кок выланыд энö вермöй олыштын. ⁴¹Узтöг олöй, Енлы кевмöй! Ыштöдöмыс сэки тiянöс оз вермы. Морт лов вына, сылён вир-яйыс тай жеб».

⁴²Водзё муныштöмён Иисус бара Енлы кевмис: «Айöй, менё кё тайö юан дозсыс оз позь мездыны, меным кё колё сiёс юны, мед тэнад кöсиймöйд серти лоас». ⁴³Бöр воигас Иисус велöдчысыссö бара узиг суис. Син куньтöг найö эз вермыны овны. ⁴⁴Сiё найöс сэтчö колис, коймöдьись мунис, кой-

мёдысь сійё кывъясён Енлы кевмис.⁴⁵ Сэсся велёдчысьяс дінас воис, налы шуис: «Узянныд-шойчанныд-ö на öнöдз? Кадыс воис. Морт Пиёс мыжа йёз киö сетёны.⁴⁶ Чеччöй, мунамöй. Менö вузалысыыс матын нин».

Исусöс кутöм

⁴⁷Исус сёрнитiгкостi воис Юда, дас кык велёдчысы письыс öти. Сыкод зоръя-шыпурта уна йёз локтiс. Найös аркирейяс пöрысьяскöд мёдёдалёмаöс.⁴⁸ Иисусöс вузалысыыс налы пас сетёма. Сiйö шуёма: «Ме окишта^{*} мортöс. Сiйöс кутöй. Тайö мортыс Иисус». ⁴⁹Исус дорö веськыда локтöмён Юда шуис: «Видза олан, велёдысь», сэсся окиштiс сiйöс. ⁵⁰Исус сылы висьталiс: «Ёртöй, та вöсна тэ локтiн». Сэк костi йöзыс кытшалiсны Иисусöс, кутiсны сiйöс, кисö топöдiсны.

⁵¹Исус войтырысь öти морт ассыыс шыпуртсö нетшыштöмён керыштiс аркирейлы кесьялысыльсь пельсö. ⁵²Исус мортыслы шуис: «Сюй бёр шыпурттö пуртöсад. Шыпурт босьтысь быд морт шыпуртысь кулас. ⁵³Он-ö тэ тöд: ме Айöйлысь отсöг верма корны. Сiйö пырысь-пыр анделъяслысь дас

* 26:48 Еврейяслён татшöм вёлёма оласног: мёда-мёдöс видзаалiгён чужёмбаннysö окиштны.

кык ютыр* эськө мёдёдас. Гашкө, унджыкөс!
⁵⁴Кыдзи нö сэки Гижёдъяс вемёсö пöрасны? Сэні тай висьталöма, быдтор пö буретш тадзи лоö».

⁵⁵Йөз чукöрыслы Иcус шуис: «Морт виысыöс моз зориён-шыпуртöн менö кутны тi воинныд. Быд лун вежа керкаын ме пукалi-велöдi. Сэтысь менö тi энö босытлöй. ⁵⁶Ставыс тай артмис сiдзи, Енсянь юörtтысъяслöн гижёмныс мед вемёсö пöрас».

Сэки став велöдчысыс cийös эновтöмён пышъялiсны.

Öксьём водзын

⁵⁷Иcусöс кутысъяс вайöдiсны сийös Кайпас нима аркирей ордö, сэтчö тшötш воисны нин Гижёдö велöдьысъяс пöрысъяскöд. ⁵⁸Петыр вель ылö кольчöмён мунiс сы бёрся аркирей керка дор йöröдзыс, пырис пытшкас да пуксис кесьялысъяскöд орчён – кöсийис помсö аддзыивны.

⁵⁹Аркирейяс, пöрысъяс, дзонынас öксьёмыс кöсийисны мыждыны Иcусöс, сэсся сийös вины. Та могысь корсисны Иcуслы паныд ылög висьтalyсьясöс. ⁶⁰Эз сюр тай колана висьталöмыс, уна пöръясысь иёз волiс весиг-а. Сэсся кык ылög висьтalyсь локтiс. ⁶¹Найö висьталiсны: «Сiйö шулiс, верма пö Енлысъ керкасö жугёдны, сэсся пö куим лунён бёр сийös лэпта».

* 26:53 Грек кывыйн легион, Рим тышкавынлён ыджыдыссы-ыджыд юкён, 6000 морта кымын.

⁶²Та бёрын сувтём аркирей шуис Исуслы: «Мыйла чёв олан? Верман-ё воча шуны тайё висьталём паныд?» ⁶³Исус чёв оліс. Аркирей шуис сылы: «Ловъя Ен нимсянь тшёкта, висьтав миянлы, тэ-ё Мездысыыс, Ен пиыс?» ⁶⁴Исус вочавидзис: «Тэ тайёс ачыд шуин. Унджык на висьтала тіянлы: регыд аддзанныд Мортлысь Писё быдтор вермысь Енсянь веськыдладорас пукалысьёс, енэжывв кымёръясті воясьёс». ⁶⁵Сэки аркирейыс косяліс ас вывсыыс пасъёмсö, шуис: «Сійё Енмös омольтö! Тi асыныд кывлінныд Енмös омольтан сылысь кывъяссö! Мукöд висьталысь миянлы оз нин ков! ⁶⁶Мый тi татчö шуанныд?» Найё вочавидзисны: «Мыжа, вины колö сійёс!»

⁶⁷Сэсся сылы съолалісны чужомас, нойтісны сійёс. Мукöдыс кучкалісны сылы чужомбанас, ⁶⁸шуисны: «Висьтав, Мездысь, кодi тэнö кучкис!»

Петыр соссьё Исусысь

⁶⁹Сэк костi Петыр пукалö вölі ывлаас, керка йöрас. Сы дорö воис öти кесъялысь ань, шуис: «Тэ тшötш вölін Галилей Исусыскöд». ⁷⁰Петыр став йöз водзын соссис: «Мый йылысь висьталан? Ог гёгöрво», ⁷¹мунiс йöр дзиrъя дорö. Петырös казялiс мёд ань, шуис сэнi суалысьсыслы: «Тайё мортыс вölі Назарет Исусыскöд». ⁷²Бара Петыр соссис, чорыд кыв сетiс: «Ог тöд ме тайё мортсö!» ⁷³Та

бёрын орчён сулалысьяс сійёс кытшаломён шуисны: «Дерт, тә на пиысь ёти. Сёрни сертиыд весиг тайё тыдалё». ⁷⁴Сэк Петыр пондіс соссыны: «Ен водзын шуа: ог төд тайё мортсо». Буретш сәки ”кикууллю” чукостём кыліс. ⁷⁵Сәки Петырлы төд вылас уисини Исуслён шулём кывъясы: «”Кикууллю” кывтодзыс куимысь тә меысь соссян». Сиркурыда борддзёмён Петыр петіс ывлАО.

27 ЮРПАС

¹Асывводзнас став аркирейыс пёрысьяскöд воисны ёти кывйö, шуисны вины Исусöс. ²Сійёс көрталісны, нүодісны сэтчöс муён веськöдлыс Понти Пилат дорö, сетісны сылы.

Юдалён кулём

³Исусöс вузалысь Юда тöдмаліс сійёс вины шуём йывсыыс. Ассыыс мыжсö вежörtöмсыыс сылён яндзимыс петіс. Сійö бör сетіс комын эзысь сьёмсö аркирейяслы да пёрысьяслы, ⁴шуис налы: «Ыңжыд мыж вöчи, мыжтöм мортöс вузалі». Найö вочавидзисны: «Миянлы сыйысь мый? Ачыд ставсö тöдін». ⁵Эзысь сьёмсö вежа керка джоджö шыбитöмён Юда муніс сэтысь, гезйön джагöдчис.

⁶Аркирейяс эзысь сьёмсö лэптісны, шуисны: «Оз позь татшöм сьёмсö пуктыны вежа керка сьём

видзанінё. Сійё морт вирысь дон». ⁷Оти кывйö воём бöрын найё ньöбисны гырнич вöчалысьлысь мусö, шуисны, сэтчö пö дзебалам-гуалам йöз мусысь воёмаясöс. ⁸Та понда тайё мусыслы ”Вир му” нимpunktisны, öнöдз на тадзи нимтöны. ⁹Сідзи Еңсянь Еремей юörтысь пыр висъталöмайс вемöсö пöрис:

– Босътисны найё Израиль войтырлысь
сы мортысь пунктöм донсö,
комын эзысь сьомсö.

¹⁰Ньöбисны сы вылö гырнич вöчалысьлысь
мусö.

Тадзи тшöктыліс меным Үджыдöй.

Исус Пилат водзын

¹¹Исус сулаліс сэтчöс муён веськöдлысь водзын. Бёрьяыс юаліс: «Тэ-ö еврейяслён öксыныс?» Исус вочавидзис: «Тэ сідзи шуан». ¹²Аркирейяс пöрысьяскöд мыжгалісны сійös. Исус кыв эз сет. ¹³Пилат сэки шуис сылы: «Он-ö тэ кыв? Кызвы, кымын висъталöм тэ паныд!» ¹⁴Исус воча кыв эз сет, муён веськöдлысьыс таысь ёна шензис.

Вианшуём

¹⁵Быд Үджыд лунё веськöдлысьыс йöз корöм серти лэдзис öти мортöс дзескыдінё йöртöмаяссысь.

¹⁶Сэки нимавлöма Вараб нима йöртöм морт. ¹⁷Йöз

чукёрмём бёрын Пилат юаліс: «Кодёс лэдза, висыталой, Варабёс-ö, Мездысь нима Иисусöс-ö? Ко-дёс көсьянныд мездыны? ¹⁸Төдіс Пилатыс, Иисусöс сылы сетісны асланыс веж петём вёснаыс.

¹⁹Сэк кості Пилатлон гётырыс тшöктöма висьтавны мыждан пуклöс вылас пукалысь верöсыслы: «Тайö веськыда олысыслы лёксö эн вöч. Менам лолой тавой вöтын ёна вийсис-пессис сы понда». ²⁰Аркирейяс пöрысъяскöд ыzzьöдісны йöзöс мездöдны Варабёс, Иисусöс – вины. ²¹Муён веськöдлысыслы сэсся юаліс: «Кодёс мезда на пыясь? Мый шуаныд?» Воча кыліс: «Варабёс». ²²Пилат юаліс: «Мый вöча Иисуслы, Мездысь нима мортыслы?» Ставыс городісны: «Тувъяв крестö!» ²³Пилат юаліс: «Мый лёксö сiйö вöчис?» Йöзыс гораджыка городісны: «Тувъяв крестö сiйös!»

²⁴Пилат аддзö: йöзыс оз лöньяны, мёдарö на – шызыёны, вермасны мунны сылы паныд. Та понда сiйö йöз син водзын мыськис кисö, шуис сэсся: «Ме абу мыжа тайö веськыда олысь мортöс виöмысь. Асыныд кывкутанныд». ²⁵Став йöзыс воча городісны: «Мед сылён вирыс миян вылö, йылёмным вылö коляс». ²⁶Сэки Пилат Варабёс мездiс, Иисусöс нöйтöдöм бёрын тшöктiс тувъявны крестö.

Иисусöс увтыртöм

²⁷Та бёрын муён веськöдлысылён шыпурта йöзыс нүодісны Иисусöс веськöдлысь керка йöрö,

вайёдалісны сэтчö уна мукöд шыпурта мортöс.
²⁸Пörччöдісны сiйöс, гöрд кышöдö пасьтöдісны,
²⁹сутшкассысь лежнöгысь кыисны юркытш, пуктiсны юрас, веськыд киас бедь сетiсны. Пидзöс вылын сы водзын сулалöмён шуалiсны сералiгмоз: «Мед олас еврей öксы!» ³⁰Сы бöрын сьёлалiсны сылы, варталiсны юрас бедьёт. ³¹Сiйöс увтыртöм бöрын найö пörччöдісны гöрд кышöдсö, пасьтöдісны сiйöс аслас паськöмас, нүодiсны сэсся тувъяланiнас.

Исусöс тувъялöм

³²Карсыыс петiганыс налы воча сюрис Кыренысь Симон нима морт. Сылы тшöктiсны кыскыны Исуслысь крестсö. ³³Воисны сэсся Голгоп нима керöсö, нимыс вежöртö "Юрлы". ³⁴Сэнi сылы сетлiсны юны сöптöн сорлалöм вина. Видлыштöм бöрас Исус эз нин сэсся ю.

³⁵Тувъялiсны Исусöс. Тувъялысьясыс пудъясьёмён юклiсны сылысь паськöмсö. ³⁶Сэтчö пуксисны видзны Исусöс. ³⁷Юр весьтас öшöдiсны сылысь мыж пасъян гижöдсö: «Исус, еврей öксы тайö». ³⁸Сыкöд орчён тувъялiсны кык лёк вöчысьёс: öтисö веськыдылас, мёдсö шуйгавылас.

³⁹Сэтi ветлысь-мунысьясыс юрнас довкiйöдлöмён лёкöдiсны сiйöс ⁴⁰татшöм кывъясён: «Вежа керка жугöдьсь, куим лунён сiйöс кыпöдьсь, асътö ачыд мезды! Ен Pi кö тэ, лэччы крестсыд!» ⁴¹Татшöм

сёрниясөн сійёс лёкөдісны тшötш аркирейяс, Ги-
жёдö велöдысьяс, пöрысьяс, парисейяс. Сераліг-
тырии шуалісны: ⁴²«Мукöдсö мездаліс, асьö тай
мездыны оз вермы! Еврей öксы кö сійö, лэччас
мед крестсыс. Сэки сылы эскам! ⁴³Сійö Енлы
эскис. Дона кö Енлы сійö, мед мездас оні. Шуліс
öд, ме по Ен Пи». ⁴⁴Татшöм кывъясөн Иcусöс лёк-
дісны тшötш орчён тувъялём лёк вöчысьясыс.

Иcус кулö

⁴⁵Лун шöр кадсянь куим часöдз му пасъталыс
вöлі пемыд. ⁴⁶Куим час гёгör Иcус горöдіс: «Эли,
Эли, лама сабактани? Енмöй, Енмöй, мыйла тэ
менё колин?» ⁴⁷Сені суалысьясысь кодсюрö шуис-
ны: «Илляös корö». ⁴⁸На пиысь öти дзик пыр бось-
тіс тшак, кётöдіс сійёс шома юанториö, ёсь бедь
помö сатшкöмён сэсся пондіс юктöдны Иcусöс.
⁴⁹Мукöдys шуалісны: «Дугды вай! Видзöдлам, воас-
ö Илляыс сійёс мездыны». ⁵⁰Иcус нöшта горöдіс,
сэсся лэдзис ловсö.

⁵¹Вежа керкаын öшалысь öдзöсдöраыс кык пельö
косясис вывсяныыс улöдзыс. Муыс сыркмуні, кыр-
таяс потісны, ⁵²гортъяс воссялісны. Вежа йöзлон
уна шой ловзис, ⁵³найö петалісны дзебанінъяс-
сыныс. Иcус ловзьöм бöрын найö пырёмаöс вежа
карас. Унаён аддзылöмäöс найöс.

⁵⁴Сё шыпурта мортлы юралысь, Иcусöс мукöд
видзысьясыс аддзылісны му сыркалöмсö, став

мукёдторсö, таысъ ёна повзялёмён шуисны: «Тайё мортыс Ен Pi тай вёлёма».

⁵⁵ Ылісянь видзёдысь уна ань сэні вёлі. Найё мунісны Исус бёрся Галилей мусянь, кесъялісны сылы. ⁵⁶На пёвстын вёліны Магдала Марья, Яков да Осип Марья нима мамыс Зебедей пиян мамыскöд.

Исусöс дзебöм

⁵⁷Рытнас Аrimатей карысь воис Исуслён öти велёдчысь, Осип нима озыр морт. ⁵⁸Сийё муніс Пилат дорö, корис Исуслысь шойсö. Мёдыс тшёктиc шойсö сетны. ⁵⁹Осип шойсö гартыштіc сёстём дёраö, ⁶⁰сэсся пыртіc аслас выль дзебанінö, пуктіc сэтчö. Дзебанінсö Осиплы керавлёмаöсь кыртаö муртса на таöдз. Пыранінö ыджыид из гёгыльтöм бёрын сийё муніс. ⁶¹Магдала Марья мёд Марьякöд пукалёны вёлі дзебанінлы воча.

Дзебанінöс видзысьяс

⁶²Локтан луннас – шойччан лун сэк вёлі – аркирейяс парисейскöд öтвылысь воисны Пилат дорö, ⁶³шуисны: «Ыджыидым, миянлы тёд вылö усис: ловъя дырииыс на тайё пörъясысыс шуліс, куим лун мысти пё ловзя. ⁶⁴Та понда тшёкты видзны дзебанінсö аскомыссыöдз. Сылён велёдчысьясыс вермасны локны, гусявны шойсö, сэсся вись-

таласны, сійö пё ловзьёма. Тадзи бёрья пörъялёмыс лоас воддзасьыс на лёкджык». ⁶⁵Пилат воча шуис: «Босътой видзысьясоc. Видзёй ас ногён». ⁶⁶Найö мунисны, пыранін тупкан изсö пасийсны, шыпур-таяслы видзны тшёктісны.

28 ЮРПАС

Исус ловъя

¹Шойчан лун бёрын астья кыа петигён Магдала Марья мёд Марьякёд воисны дзебанінсö видзёдлыны. ²Виччысътöг мусыс ёна сыркмунис-вöрзис: Ен андел енэжсянь лэччёмён дзебанін дінись вештіс изсö, пуксис сэсся сы вылö. ³Анделыс чардби моз дзиrдаліс, паськомыс лым кодь еджыд вёлі. ⁴Видзысьяс сыйссь кувтöдзныс повзьомнысла му вылас уисинсы.

⁵Аньяслы андел шуис: «Энö полöй. Ме тёда, тi тувъявлöм Иcусöс корсянныд. ⁶Сiйö танi абу. Сiйö ловзис ас шуём кыв сертиыс. Локтöй видзёдлöй сыйссь куйланінсö. ⁷Öдiö мунöй, юортöй велöдчысъяслы: "Иcус ловзьёма. Сiйö тi водзвыланыд Галилей муё мунас, сэтысь тi сiйöс аддзанныд". Тайö менам кывъясöй тiянлы». ⁸Аньяс пырысътöм-пыр дзебанінись петисны, полёмён, ёна ним-кодясигмоз тшётш котörtисны Иcус велöдчысъяслы юёр сетны.

⁹Велёдчысьяс дорё муніганыс Исус налы воча виччысътöг локтіс, «Видза оланныд!» шуис. Найо сы дінöдз воисны, усисны сы водзын муё, то-пöдісны сылысь коксо. ¹⁰Сэки Исус налы шуис: «Энö полöй! Тшöктöй вокъясöйлы Галилей муё мунны. Сэтысь найо менё аддзасны».

Видзысьяслён висьталём

¹¹Аньяс мунісны. Сы кадё видзысьясысь кодсюрё карё муномаёсь, сэні став вёвлёмтор йывсыс аркирейяслы висьтавлёмаёсь. ¹²Сэки аркирейяслы пöрысьяскöд öти кывийö воёмаёсь, шуёмаёсь шыпуртаяслы уна сьём сетны. ¹³Шыпуртаясöс найо велёдісны: «Шуёй, сылён велёдчысьясыс пё войнас волёмаёсь миян узигкостаным гусявны сiёс. ¹⁴Кыллас кё тайёс мүён веськёдлысь, ми сiёс сяммам эскöдны: тi абу мыжайёсь тысь». ¹⁵Сьём босьтёмён шыпуртаяс налы тшöктöм юёрсö еврейяслы пёвстын паськёдісны. Тайё юёрыс на пёвстын онёдз на олё.

Велёдчысьяслы тшöктöм

¹⁶Дас öти велёдчысь Галилей муё муніс, Исуслён тшöктöм серти керёсö кайис. ¹⁷Исусöс аддзём мысти найо мүёдз юрнысö сылы копыртісны. Кодсюрё эз эсқыны. ¹⁸Велёдчысьяс дінöдз воёмён Исус сэки шуис: «Му вылын да енэжын меным

став киподувсö сетёма.¹⁹ Мунöй, велöдöй быд
войтырöс. Ай нимö, Пи нимö, Вежа Лов нимö
найöс пыртöй.²⁰ Велöдöй найöс ставсö вöчны менам
висьталöм-тшöктöм серти. Тöдöй: ме тиянкöд пыр
ötлаын нэм помöдз». Аминь!

Мунöй, велöдöй быд
войтырöс. Ай нимö, Пи нимö, Вежа Лов нимö
найöс пыртöй.²⁰ Велöдöй найöс ставсö вöчны менам
висьталöм-тшöктöм серти. Тöдöй: ме тиянкöд пыр
ötлаын нэм помöдз». Аминь!

СОДТЁД ПАСЙÖДЬЯС

[] пастьяс костё пырём кывъясыс уна грек гиҗёдын абуöсь:

1:11 Ёсейсянь чужёма [Яким, Якимсянь чужёма]
Еконей, чужёмаöсь сылён вокъяс.

10:12 Керкаас пыриганыд видзаалой, [висьталой:
”Видза оланныд, тані олысьяс!”]

18:11 [Буретш вошёмасö Морт Pi воис корсыны-
мездыны]».

20:7 ”Муной тшётш винатусяпу йёрам. [Колана ног
мынта тіянлы]”.

25:30 [Сэсся Иисус шуис: «Быд пеля морт мед кы-
лас!»]

[] пастьяс костё пырём кывъясыс öткымын грек
гиҗёдын абуöсь:

5:44 Ме тай висьтала тіянлы: Мусмёдой ассыныд
лёквöчысыяснытö, [бурсиой тіянöс ёрысьясындылы,
бур вöчой тіянöс мустёмтысыясныдлы,] Енлы кев-
мой тіянöс [дзерöдьысыяс-]дзескöдьысыяс вöсна.

6:13 Мезды миянöс лёксыыс, ыштöмыйс миянöс
видз. [Тэнад ыджыдаломыд-выныд помтöм, тэнö
бурö пуктöмыйс куслытöм. Аминь.]

10:3 ...сэсся Алпей Яков, [Леввей, мёд нимыс]
Падей, ...

17:21 [Видзватöг-кеvмытöг татшöм пеж ловъяссö
вöтлыны оз позь]».

- 19:9 [Эновтём аньёс босътысыс гозъякостсö тшötш торкö.]
- 20:16 [Унаёс корёны, этшаёс бёйрёны тай]».
- 20:22-23 Верманныд-ö тi меным дасьтём дозсö юны? [Верманныд-ö менам пыртёмö ме моз пырны?]» Найё вочавидзисны: «Вермам». ²³Сэки сiйö шуё: «Менсым дозиёс тi юанныд, [менам пыртёмö ме моз пыранныд].
- 23:14 [Ой-я Гижёдö велёдысьяс! Ой-я парисейяс! Верёстög кольём гётыръяслыс овмösнысö тi нёняланныд, асынтыö йöz водзын петкёдлём могысь кузя кевманныд. Тысь тiянёс чорыда мыжdasны!]
- 25:13 Дасьтой асынтыö! Онё тöдöй [Морт Пилысь воан] лунсö-кадсö».
- 26:28 Менам вирой тайё, йёза-Енма костын [выль] ийтöд вирыс.
- 28:9 [Велёдчысьяс дорö мунiганыс] Иcус налы воча виччысytög локтiс, «Видза оланныд!» шуис.
- 28:20 Тöдöй: ме тiянкöд пыр öтлаын нэм помöдз». [Аминь!]

КОМИА-РОЧА КЫВЧУКÖР

ай – отец
андел – ангел
аркирей – первосвященник
бурсины – благословлять
Важ йитöд – Старый Союз-Завет
вежа керка – храм (в Иерусалиме)
вер – слуга, раб
весъкыда олысь – праведник
вештыны мыжъяс – прощать
винатусь – виноград
Выль йитöд – Новый Союз-Завет
Гижёдö велёдьсъ – книжник
грек – грек, греческий
дзебанін – гробница, могила
дзескыдін – тюрьма
еврей вичко – синагога
Ен ыджыдалём/ыджыдаланін – Царство Бога
кесявны – служить
кесялъсъ – служитель
kyрta – скала
муюгыд – мир, вселенная
мыж – грех
оланподув – закон
öксы – царь
öксьём – синедрион, совет
шыпурт – меч
шыпурта (морт) – воин, солдат
Ыджыд – Хозяин, Господь
ыджыд – хозяин, господин

БИБЛИА КЫВЧУКÖР

Аминь – кывыйыс воома грек кывыйысь, сійө артмёма амэн еврей кывыйысь, вежортасыс "збыль, сідзи, буретш тадзи".

Андел – артмёма *ангелос* грек кывыйысь, сылён вежортасыс "юёртысь". Кадысь кадё морт дінө Енсянь юёр вайлывлысь лов. Енлы паның сувтөм вösнаыс öткымын андел воштіс вежалунсо.

Аркирей – еврей попъяс вылын юралысь, ыджыд поп. Сійө юравліс тшötш öксөмьын. Вежа керкаын сөмьын сійө вермис пыравны вежаысь-вежайнö. Войдöр ыджыд попö пуктывлöм мортöс тшötш нимтылöмäöсь аркирей. Водзті аркиреялыш морт күвтöдзыс новлöма аркирей ним.

Библиа – артмёма *библиа* грек кывыйысь, сылён вежортасыс "небöгъяс". Библиаö пырысь небöгъяс юкёны кык пельö: Кристос чужтöдз гижём небöгъяс – Важ йитöд, Кристос чужём бöрын гижём небöгъяс – Выль йитöд. Важ йитöдö пыран унджык небöгсö гижöма еврей кывийон, Выль йитöдö пырысь небöгъяссö – грек кывийон. Библиасö важён гижлісны коставтöг, торйöдан пасъястöг. Юрпасъяс, посни юкёнъяслы нимъяс, торйöдан пасъяс пукталісны ёна сёрёнджык. Гижöд пытшкас юр-

нимъяс тшётш абу волёмаөсь. Найös содталомаөсь сёронджык коланаинъяс кокния корсым могысь.

Бурсины – сины шуд, бура сёрнитны, кёсйыны буртор. Библиаын пырджык вежортё корны мёд мортлы Енлыс торъя отсöг-мезд.

Вежа керка – еврей войтырлён тёдчанасын-тёдчана кевмысянн. Вежа керкаыс волёма сёмын Ерусалим карын.

Вундыштём – зонка яндзимлыс кучик йывсö вундыштём. Тадзи пасийисны Оврамлыс, сылён йылёмлыс Енкод йитёдсö.

Галилей му – Палестин мусысвой юкёныс. Сылён ётарас Ыджыд саридз, мёдарас – Галилей ты. Галилей мусыс кындзи Израиль пырлесны тшётш Юдей му, Самарей му. Иисус Галилейин-джык овліс, сэні ассыс уджсö вёчліс.

Галилей ты – Галилей мусын ыджыд ты. Тыыслён мукод нимъяс: Генесарет ты, Тибер ты.

Гижёд – еврейяслён выло пуктана, бура видзана вежа гижёд, Библиао пырыс, Кристос чужтодз гижём небёгъяс, Важ йитёд. Небёг нимъясыс, найös юкломыс еврейяслён да Кристос войтырлён

торъялә. Еврейяс юклёны тадзи: 1) Оланподув (Мöсейлён 5 небög), 2) Енсянь юörtтысьяс, 3) Гижёдъяс (Аттьёалана сыланкывъяс, Велёдана висьтъяс да мукод небögъяс).

Гижёдö велöдысьяс – бура велöдöм, ыджыд мывкыда еврей йöz. Найö ассыныс олöмнысö сиомаöсь Мöсей оланподув велöдöмлы. Еврей войтыр пöвстын найö вöлöмаöсь мыждысьяс пыдди.

Давид – еврей сёрниясь босытöм ним. Кывлён ве-жörтасыс "муса". Давидыс вöлöма Израильын мöд öксы. Сiйö чужёма Бетлем карын, веськёдлöма Израиль муён Иcус Кристос чужтöдз 1000–961 воясö. Гижлöма уна ошкан сыланкыв. Сiйö Иcuslён пöль-пöчьясысь öти.

Дзебöм – еврейяс дзеблïсны куломаяснысö кыртаясö кералöм дзебанiнъясö. Пыранiнсö тупкыны пырджык гёгыльтлïсны ыджыд гёгрöс из. Выль иитöд кадö кулöм мортöс мавтлïсны чöссыда öвтись выйён, гартлïсны кузь дöраö. Сылысь чужёмсö вевттылïсны чыпшьянён.

Динар – сэкъя Римын ветлысь эзысъ сьом. Иcус олан кадö сiйö тшötш ветлïс Палестин муын. Лунбыд уджалöмысь пырджык мынтылïсны öти динар.

Евангелльё – грек сёрниясь босытём кыв. Сылён вежортасыс ”бур юёр”. Татшом нима небогыс Библиаын нёль: Матьвей серти бур юёр, Марк серти бур юёр, Лука серти бур юёр, Иван серти бур юёр.

Еврей вичко – еврейяслён чукортчан керка, сэні кевмылісны, велодлісны, мыждылісны. Мукод мұясын оліганыс еврей войтыр аслыныс лэптавлісны тшотш еврей вичкояс.

Ен Баля – Важ йитөд кадо еврейяс баляёс начкывлісны Енлы сетантор пыдди. Исус Кристосөс пуктісны Ен баляё, сійо куліс од йөзлісь ас вылас босытём мыжнысө вештөм могысь.

Ерусалим кар – еврейяслён юркар, вежа кар. Найо волывломаёсь сэтчо пасыйны ассыныс төдчанаысь-төдчана гажъассö. Кар нимыс артмома Иерушалайм еврей кывыйсь, сійо вежортө ”тыштөг, лёня олан кар”. Ерусалим карын вёвлома вежа керка.

Илля – артмө Элия еврей нимысь. Сылён вежортасыс ”Менам выной – Ен”. Илля овлома Кристос чужтөдз на, ёкмысөд нэмын. Еврей войтыр пёвстын сэки паськалома волі уна енлы эскөм. Илля паныд сувтёма талы, повтөг эрдөдома войтырёс, весиг ёксыёс. Таысь сылы сетісны чорыд

водзёс, коктуялісны, вины кёсийсны. Илля ээ кув, Ен сійёс босытіс енэжё. Еврей войтыр виччысис сылысь бёр воёмсö. Эскисны, Илля пё юörtас Мездысь локтём йылысь. Комиын ёна пасъян Илля лун гажлён нимыс артмёма Енсянь тайё юörtтыс нимыс.

Исус – артмё *Иешуа* еврей нимыс. Сійё вежортö ”(Ен) Йіджыдным мездö”.

Крестö тувъялём – дойдалёмён мортös вианног. Тадзи виавлісны ¹⁾веръясöс, ²⁾ыіджыдалёмлы паныд кыпöдчывлысь йёзёс, ³⁾асланыс веськёдлысьяслысь кывзысътöм шыпуртаясöс. Мортыс ѡшаліс крестас кымынкö лун чёж күвтöдзыс. Сійё пессис-вийсис сэні тшыгыйсь, горш косьмомыс, дойсыс. Тувъялём мортсо тшöктытöгсö ээ позлы дзебны.

Кристос – грек кывйö вуджöдöм *Машиак* еврей кыв (рочён: Мессия). Тадзи нимтісны Израильлы кёсийөм öксыёс-мездысьёс. Кывыйслён воддза вежортасыс ”мавтöм”. Важ Израиль муын мортös öксыö пуктігас мавтлывлісны чöскыда ёвтыс выйён.

Левит – Левисянь йылёмыс. Левитъяс отсавлісны попъяслы вежа керкаын.

Мавтём – морт вылёр чёсқыда ёвтысь вый кисътём. Дзебигён кулём мортёс мавтлісны. Висысыөс мавтлісны бурдём йылысь кевмигён. Гортё кором пызды пуктана мортёс тшётш мавтлісны.

Магдала – Галилей ты рытывладорын сикт. Магдала Марья (рочён Мария Магдалина) петлёма тайё сиктсыс.

Манна – енәжысь усьём нянь. Татшом кынёмпöt сетіс Ен Израиль войтырлы овтöминтi 40 во чёж ветлöдлiганыс.

Морт Пи – Енсянь юёртысь Данил небöгын Мездыслён ним. Иcус тадзи ассысö нимтiс.

Мöсей – артмö Моше еврей нимысь, сiё вежортö ”ваысь перйём”. Мöсей вёлёма Енсянь ыджыд юёртысь, еврейясöс Египеттысь петкöдысь. Сэнi найös нартитлісны-дзескöдлісны, сэтчöс войтырыс еврейясöс ас выланыс уджöдiсны. Мöсей нима юрнуöдысь пырыс Ен сетiс еврей войтырлы дас тшöктöм. Еврей войтырлён оласногыс сулалö тайё тшöктöмъяс вылас.

Мыж – Енлысь оланподувсö торкём. Енсö, Енлысь кёсийёмсö отдортöм-эновтöм. Дзик воддза мортъяс – Адам Евакöд – мыжмисны нин.

Назарет – Галилей мұын сикт. Сәні Исус овлома пырттöдзыс.

Нард – Индиаись быдмөг, сы вужъясысь пычкёны чёсқыда ёвтысь вый.

Ним – Библиаын морт ним онія дорысь кутлома ыджыдджык төдчанлун. Йөз эскомаөс, Ен нимсиянь по петавлома сылён выныс. Библиаын уна шензьöданатор, уна бурдöдöм вöчалисны Ен нимсиянь, Исус нимсиянь. Исус нимын эм мездан вын. Комиö Исус (мöд ног *Cus*) ним воис роч пыр, рочö грек сёрни пыр *Иешуа* еврей нимсиянь. Тайö нимыслён вежörtасыс "миян Іджыдным мездö". Кывыйыс кывиö вуджöдалiгъясö нимъяслён юргöмыс вежласьö. Шуам, еврей кывыйыс "из" вежörtаса *Кепа* ним грек кывиö вуджöдiсны *Петрос* "из" нимён. Мукöд кывъясö вуджöдiгъясö нимыслыс тёд вылö босытлiсны сöмын юргöмсö, эз вежörtassö. Сидз, *Петрос* грек нимыс артмис роч *Пётр*, суоми *Пиэтари*. *Пётр* роч нимыс комиын артмис *Петыр*, мариын *Пöтыр*.

Оланподув (Мöсей оланподув) – Енсиянь еврей войтырлы Мöсей пыр сетöм дас тшöктöм да мукöд висьталöмъяс, морт оласногö инмыс Енлён кöсийöм. Тайö Енлён кöсийöмыс индöдö мортöс мыж вöчтöм, веськыд олёмö. Сёронджык еврей войтыр

Мöсейлысь 5 небöгсö тшötш пуктылöма оланподув туйö.

Омоль – лёк ловъяслы юралысь. Еврей ног *Сётана* ”паныд сувтысь”, грек ног *Дявöл* ”мыжталысь”. Сiйö сувтö Енлы паныд, ыштöдö йöзöс лёк керны, оз кöсийи, медым найö олiсны Ен ног. Иисус Омоль-лы ”тайö муюгыд öксы” ним сетлiс.

Öврам – артмö *Абракам* еврей нимысь. Сiйö ве-жöртö ”уналысь айсö”. Öврам вёлöма еврей вой-тырлы подув пуктысыыс. Ен кöсийисьома сылы, Öврамсянь чужас пö ыджыд вына войтыр да бурсиöмыс вуджас сыйысь став йöзыслы.

Öксьём – еврейяслён медвылыс мыжданiн. Öк-сьёмö пырлiс 70 морт: аркирей, пöрыссыас, Гижöдö велöдысыяс, парисейяс, саддукейяс. Найö чукörtчылiсны Ерусалимö аркирей юрнуöдöм улын. Öксьём видлавлiс сöмын еврей войтырлысь аскост зыкъяссö.

Парисей – бура велöдöм еврей. Быдлунъя олöмын парисейяс чорыда видзисны Мöсей оланподувсö, сы дорö сёрёнджык содтöм уна тшöктöмсö. Гиж-тöм тшöктöмъяссö торкöмыс парисейяслы олан-подув торкöм кодь вёлi. Мукöд войтыръясöс да оланподув торкалысь еврейясöс парисейяс пук-

тывлісны сөс-няйтöсъ йöзö, овлісны наысь торйöн. Библиын "торйöдöм" вежörtаса грек кывыйсъ комиö вуджöм парисей торъякыв лöсялö перушим еврей торъякывлы. Бörъяыс вежörtö "гöгöр-воöдысъ".

Пеж лов – вир-яйтöм сöс-скöр лов, Енлы паныд мунысъ, Омölльлы кесъялысъ. Пеж лов вермö ыджыдавны морт вылын. Татшöм морт – пеж лолöн кутöм морт. Сийö оз висътав ассянысъ, сы пыдди пеж лолыс сёرنитö. Еврейяс унаысъ висътавлісны, Исусыс по пеж лолöн кутöм, öд сылöн сёрниыс вöлі налы гöгöрвотöм. Исус унаысъ вöт-лывлis йöзысъ пеж ловъясöс.

Пемыдсыс-пемыдин – ¹⁾кулёмаясöс видзанин, ²⁾лёка олысьяслöн, мыжö вöйöм йöзлöн пессян-вийсянин.

Пилат – еврейяс вылö Римысъ пуктöм юралысъ. Исусöс крестö тувъялан кадö сийö ыджыдавлöма Юдей муын.

Поп – Важ йитöдö пырысъ гижöдъяс серти сöмын Леви ордысъ айmort вермö вöлі весъкавны попö. Виöм пемöсъяс Енлы козин пыдди вермис вайны сöмын поп. Та вöсна еврейяс пуктылісны сийöс Енма-ас костаныс.

Пыртём – коми кывыйс лёсялёр Библиаин баптисма грек кывлы, сіё вежортё ”ваё дзумгылём”. Еврей кывыйн сылы лёсялёр атбала ”ваё дзумгылём” кыв. Пыртысь Иван дорё воём йёзыс висьтавлёмайс мыхъяснысö. Та бёрын Иван пыртлома найёс Йордан юё. Мортыс кё эновтас мыха олёмсö, Енлань бергёдчас, Енмыс сылысь мыхъяссö вештас. Пыртёмыс тайёс пасъяントор.

Пыртысь Иван – артмё *Иоканан* еврей нимысь. Сылён вежортасыс ”бур съёлёма менам Үджыдой”. Иван – Енсянь юёртысь, волёма Мездысь водзвылын. Иванлён велёдомыс ыззьёдис еврей войтырёс, чужтис на пёвстын мых вочёмысь яндысём, ас мыхъясысь майнны кёсёйм. Комиын ёна пасъяна Иван лун гаж нимтёны Енсянь тайё юёртысь ним сертиыс.

Саддукеяс – попъяс, озыр котыръясысь йёз. Найё эз эскыны помтём олёмё, анделъясö. Найё эз виччысыны Мездысыльс локтёмсö.

Самарей му – Галилей да Юдей костын му. Самарейын олысъяс еврейяскöд öти вужжысь петём войтыр. Еврейяс найёс Ентёг олысъясö пуктылісны. Найё мёда-мёднысö мустёмтлісны, синнаныс эз аддзыивны.

Чомъяс лэптан лун – еврейяслы зэв ыджыд гажёдчан кад. Гажёдчылісны вежон чёж, аттьёалісны Енмös выль нянь воёмысь, овтёминті ветлодліганыс налы отсаломысь.

Шойчchan лун – еврей шойчchan лунлы миянын лёсялө пекнича рytсянь субёта рytёдз кадколаст. Еврейяслы эз позь уджавны тайё лунö. Найё сэки шойччисны, Енлы кевмылісны. Гижёдö велöдysъяс зэв чорыда тшöктісны видзны шойчchan лун оласногсö.

Ыджыд – тадзи комиöдöма грек сёрниясь ”господин, кёзян” вежörtаса кюриос кыв. Важ йитёдö пырысь небöгъясас сылы воча сулалö ”господин, кёзян” вежörtаса адон еврей кыв. Тайё Ен динö, öксы динö, керка кутысь динö, айморт динö пыддиpunktömön шыöдчöм. Сийös пырджык шулывлісны тшöтш Иcус динö шыöдчиgъясö.


Ыджыд лун – еврей ног *Песак*, вежörtö ”ортсыті мунöм”, грек ног *Паска*. Тайё еврейяслён во чёжён тёдчанысь-тёдчана гажёдчан лун. Дзик воддза ыджыд лунö еврей войтыр мунöма Египет мусысь. Сэні найёс чорыда нартитöмаöсь-дзескöдöмаöсь, сэтчöс войтыр тшöктöмаöсь уджавны ас выланыс. ыджыд лун пасиёны Ерусалим карын быд во.

Үйдкыд лун пасийгён да сы бёрын вежон чёж еврейяс сёйлёмаось шоммётдём нянь.

Юдей му – Израиль лунвылын му, сэні воліны Бетлем кар, Ерусалим кар.

**ЕРУСАЛИМ
ИСУС
КРИСТОС
КАДÖ**

Войтывь



Антони
изкар

Голгота

Вежа керка

Соломон
йёр

Гетсеман

Чукортчани
Видзёданн

Ирд
керка


Кедрон
Олив керка
Брилли туй


Силоам ва
йортёд

Бетлемё туй

Иппом ковтыс

-НК-





Illustrations by Horace Knowles © The British & Foreign Bible Society 1954, 1967, 1972

Дона лыддысысысь!

Вөзъян кё бурмёдны вуджёданногсö,
вежны тайё небöгысь торъя кывъяс,
сёрникузяяс, гижёй миянлы.
Уджаланінпасным татшом:

Библиа вуджёдан институт

PL 272

00531 Helsinki

Финляндия

Джонатан Свифт

БОГАТЫРЬ
ИЛИ
ПРИЧАСТЬ
КО ВЛАСТИ
ИЛИ
СВИФТ

ISBN 5-7555-0663-9

Подписано к печати 16.06.99. Формат 84×108/32. Бумага офсетная.
Усл. печ. л. 7,56. Уч. изд. л. 5,0. Тираж 5000. Заказ

Коми книжное издательство, 167610, г. Сыктывкар, ул. К. Маркса, 229.
ОАО «Коми республиканская типография»,
167610, г. Сыктывкар, ул. Первомайская, 70.

